



~~HP. 2~~

11. S. 1.

11. 1. 224

311

DE GRÆCA
SACRARUM LITTERARUM
E D I T I O N E
A LXX. COGNOMINATA INTERPRETIBUS
DISSERTATIO
A U C T O R E
LIBERATO FASSONI

DE CC. RR. SCHOLARUM PIARUM

EMERITO SACRÆ THEOLOGIÆ PROFESSORE

ACADEMIARUM DE CONCILIIS PONTIFICIÆ
ET ETRUSCÆ SODALI.

EDITIO ALTERA AUCTION ATQUE EMENDATIO.



ROMÆ MDCCLVIII.

EX TYPOGRAPHIA JOANNIS ZEMPEL APUD MONTEM JORDANUM.

SUPERIORUM PERMISSO.

LIBERATI FASSONI³

CL. REG. SCHOLARUM PIARUM

A D

JOSEPHUM TORRUBIAM

EX MIN. OBSERVANTIUM SODALITATE

COMMISSARIUM IN CURIA GENERALEM

VIRUM AMPLISSIMUM ATQUE DOCTISSIMUM

EPISTOLA.



TSI hoc opusculum quadriennio ante a me in lucem editum & tibi probatum videretur, & iis, quos ego posse judicare arbitrarer, idemque praterea, distractis omnibus exemplaribus, studiose ab amatoribus meis, officiosis in me hominibus, expeteretur; prater consuetudinem tamen, divulgandum ne rursus esset, an potius comprimendum, ut ne in publicum emanaret, diu, multumque hesi, & fluctuante cogitatione, quo me verterem, non habebam. Plura enim deliberanti mihi veniebant in mentem, quam sperarem, nonnullorum potius offensionem timerem, quam sperarem.

A 2

faci-

facilitatem; ego vero, qui vite rationum non omnino imperitus sum, otium, & tranquillitatem animi, qua una in his tot miseriorum fluctibus, & procellis beati aliqua ex parte esse possumus, rebus omnibus, ne dempto quidem gloriæ studio, antepono. Nam cavenda est nimia gloriæ cupiditas, quod scienter præcepit Tullius in primo de Officiis. Alce enim spectare si volumus, & ad res injustas impellit, & eripit libertatem, pro qua magnanimis viris omnis debet esse contentio. Ex alia vero parte an non id malorum abunde est, quæ, at summa docent auctoritate Philosophi, ipsa nature necessitas, & infirmitas secum affert, ut etiam voluntaria arcessere, quasi degustandi gratia, oporteat? Hæc mecum, atque alia ejusmodi cum attentius expendissem, latendi consilium propmodum ceperam, cum ecce, JOSEPHUS TORRUBIA, tuis monitis, & hortatibus nutantem ancipiti deliberatione animum confirmasti, impetrastique a me tandem, ut, neglectis paucorum judiciis, virorum sapientissimorum equitate, & testimonio conscientiam meam sustentarem, opusculamque ut iterum in vulgus exire, atque emanare posset, committerem. Multa enim in rem pro ingenii tui altitudine præclare, prudentissimeque explicasti, itaque non potui, ut dixi, quin auctoritati tuæ cederem. Illud etiam mihi ponebam ante oculos, magnam fuisse semper orationis viam in utramque partem, ut, quemadmodum neque ipsa assentatio, aut mendacium placere solet sine quadam ratione, artificioque dicendi, sic contra non odiosa sit veritas, quæ lenitate sermonis aspersa, certisque pudoris, ac verecundiæ lita luminibus in animos illabatur; nisi si quis est aut moribus ita asper, ut nullam a licentia, & contumelia sejunctam veritatem putet, aut ingenio ita delicatus, ut ne honestam quidem, atque legitimam Theologi libertatem ferre possit. Quorum ego hominum fastidium, atque insuscitatem adeo non moror, ut prudentis contra, constantisque viri esse arbitrer ineptis ejusmodi opinionibus a recta scribendi ratione

5
tione non deterreret. Accedit, quod qui ex errore imperitiae multitudinis pendet, hic, auctore Tullio in eodem, quem exposui, loco, in magnis viris non est habendus.

Abilio igitur, TORRUBIA AMPLISSIME, omnem cunctationem, & metum, librumque hunc in manus hominum iterum venientem, sed eundem tamen & meliorem non nihil, ut spero, & multis partibus locupletiozem, tanquam testem, & indicem voluntatis erga te mea cupidissime tibi offero, dedicoque, ea merito adductus causa, scriptiois nostrae fructum ad neminem prius, quam ad eum pertinere debere, a quo fere accepimus, ut scriberemus. De tuis ergo laudibus, atque virtutibus, quas tamen unice diligo, conticescam. Quippe, vides, eo tantum nomine *Dissertatio* ad te nostra revertitur, ut studia tibi omnia, officia, fidem Auctoris sui prolixè polliceatur, ac deferat. Ac sane neque laudatore ullo eget, neque teste doctrina tua, quae libris commendata sapientissimis ipsa de se, vel tacentibus aliis, praedicat, atque testatur: quibus in libris habent praesentes quod legant, posterì quod suspiciant, vestraque ipsa universa sodalitas expromat ad ornamentum dignitatis, atque ad praesidium stabilitatis suae. His ego verbis cetera quidem opuscula & numero plura, & merito perillustria in publicam dudum a te lucem emissa designo, ac nolo; sed *Annales* particulatim intelligo *Familiae vestrae*, quos jam inde ab annis viginti tuorum decreto, & consilio Antistitum Hispanici tradendos litteris suscepisti, tum vero Apparatum *historiae naturalis*, quem omnibus doctrinae copiis, atque luminibus distinctum, & in maximum volumen relatum publicè etiam usus divulgasti. Neque id sane mirum, aut de assentatione suspectum. Longissimis enim susceptis in *Asiam*, atque in *Americam* itineribus bis totum fere terrarum orbem tuis non dicam cursibus, sed studiis, atque animadversionibus peragisti. Hinc autem fructus eruditionis percepisti suavissimos, opesque maximas, rerumque pulcherrimarum affuentiam

tiam ad ditandam naturalem historiam attulisti . Itaque hoc affirmo , & hoc pace dicam tua , nullam fortasse in tuis operibus esse laudem ampliozem , quam eam , quam scripso ille Apparatu consecutus es : ubi & multa reperiant Plinius , Seneca , Dioscorides , quæ tibi inuideant , & multa , atque præclara Philosophi , vel quæ sibi decepant , vel quibus certe ; Physicæ disciplinæ non parum adhibeant auctoritatis , & luminis . Quod ergo a viro clarissimo , naturalisque historie scientissimo Antonio Baldano , de Apparatu hoc tuo verba cum faceret , dictum accepi , talem eum esse , ut dignus placeat TORRUBIA sit , cui status apud Hispanos decernatur , in eo ego neque gravissimi testimonii pondus , neque veritatem , aut iudicii laudem desidero . Libri vero omnes , qui a te prodierunt , quanta orationis suavitate & gratia perscripti sunt , quanta non solum approbatione bonorum omnium , sed etiam commendatione eloquentiæ tuæ ? Eadem Hispanorum lectissima natio , cuius tu linguam tuis litteris illustrasti , probe agnoscit , & sentit , & sepe alias non obscuris , neque occultis honoris significationibus declaravit .

Ad me vero quod attinet , facile sic existimo , labores hos tuos , doctrinarumque lumina plurimarum spectasse cumprimis & Hispania homines prudentissimos , quorum suffragatione , & sententiis in regiam Historiarum Academiam nomen dedisti , & viros Ordinis vestri principes , qui in te perspicua gloriæ insignia , præfecturasque amplissimas contulerunt , eam potissimum , quæ est de exterarum provinciarum negotiis , maximisque rebus in Romana Curia procurandis . Illi enim nobilissimum cetum , atque collegium cobonestari eruditissimi hominis honore , & nomine præclarum duxerunt , hi putarunt indecorum non præponi fere omnibus in magistratibus , & in imperio , qui tot sapientiæ suæ constituisset monumenta , qui propaganda religionis studio singulariter floureret , qui omni virtutum , ac pietatis genere excelleret . Atque harum ego , &
tan-

tantarum rerum testes excitare possem ad faciendam fidem longe idoneos dijunctissimos illos in Asia, & in America populos, apud quos sacri præconis, oratorisque munere perfunctus es, quique tui absentis memoriam summa cum fide, benevolentiaque conservant. Commemorarent illi labores a te fortiter exantlatos, ut veræ religionis fines prorogares, commemorarent assiduitatem, atque constantiam, qua utebaris, ne quis in profanas superstitiones relapsus ab initio Christianæ vitæ proposito, & sanctitate desisteret, commemorarent quæ industria, quibus studiis linguarum tibi exoticarum scientiam comparaveris, ne qua in parte officio deesses, commemorarent denique iustitiam, æquitatem, prudentiam, temperantiam, comitatem, & facilitatem tuam. Quin etiam mihi id esset persfacile ostendere, & argumentis docere, quanta cum laude personam nunc tibi impositam tuearis, atque sustineas, adeo ut & operam, & mores tuos viri Romæ urbis primoribus, Maximoque ipsi Pontifici jam inde a principio probaveris. Sed ultra hoc totum omittam, non tam ut ne offendam tuas patientissimas aures, quam ne parum mihi constare videar, qui profectus ab initio sum, tuæ virtutis vim eo in loco positam esse, ut cuiusquam testificatione non egeat. Finem igitur faciam, tantumque te admonebo, quoniam unius viri narratione, ac sermonibus in aliquam bonam de me discessisti opinionem, vehementer me tibi, atque omni ratione obstrictum esse. Quoniam autem nullæ mihi litteræ, neque verba satisfaciunt, quibus studio, atque benevolentia erga me tuæ respondeam, ago saltem gratias, quas possum, immortales, & maximas. Tu qua ex prudentia, in hac mei ingenii imbecillitate agnosces meriti tui magnitudinem. Vale.

Romæ pridie Kalendas Aprilis 1758.

EDUAR-

8
EDUARDUS CORSINUS A. S. SILVESTRO

CL. REG. SCHOLARUM PIARUM
PRÆPOSITUS GENERALIS.

QUUM Dissertationem inscriptam *De Græca Septuaginta Interpretum Versione* a P. Liberato Fassoni a S. Joanne Baptista Ordinis Nostri Sacerdote compositam duo ex Nostis, quibus id curæ commisimus, probaverint, ipsius edendæ facultatem, quantum in Nobis est, Auctori concedimus.

Datum Romæ in Ædibus Nostis Scholarum Piarum apud S. Pantaleonem die 18. Februarii 1718.

Eduardus Corsinus a S. Silvestro Præposit. Gener.

Stephanus Quadrius a S. Carolo Secret.

IMPRIMATUR,

Si videbitur Reverendissimo Patri Magistro Sacri Palatii Apost.
F. M. de Rubéis Patriar. Constantinop. Viceger.

APPROBATIO.

Liberati Fassoni e Sodalitio Scholarum Piarum Presbyteri Dissertationem inscriptam *De Græca Sacrarum Litterarum editione &c.* iussu faciens Rm̃i Pat. Mag. Sac. Palat. Apost. attente perlegi. Quumque Virum percelebrem, aliis editis operibus insignem, ac de Theologicis Studiis optime meritum in difficili sane argumento rem ita versasse noverim, ut severiori etiam adhibita critica, nihil a fide dissonum, aut bonis moribus adversum quod sit, complectatur, hinc e re esse iudico, ut typis edatur.

Ex Ædibus S. Mariæ Montium die 31. Martii 1758.

*Franciscus Ferdinandus Sanseverinus Piorum
Operariorum Sac. Rituum Consultor.*

IMPRIMATUR.

Fr. Vincentius Elena Magister Socius Reverendissimi Patris Magistri Sacri Palatii Apostolici Ord. Prædicatorum.

DE



D E G R Æ C A
SACRARUM LITTERARUM
E D I T I O N E .



Theologum, hoc est Dei quasi internuncium, rerumque cœlestium, atque æternarum interpretem, nisi probum, ac verecundum virum, haberi posse neminem, ita omnium sermone illustris, ac pervagata sententia est, ut proverbii jam locum obtineat. Quocirca, si quidem nolit ab officii dignitate discedere, nihil bene morato Theologo & sanctius, & antiquius sit, oportet, quam ut non ab omni solum vitæ dedecore, ac turpitudine, sed ab omni etiam vacet temeritate ingenii, atque suspitione arrogantiae. Cum omnis vero arrogantia odiosa est, ait perspecte Tullius, tum illa ingenii, & venerandæ in primis antiquitatis contemptus, atque despicientia multo molestissima. De sacris ergo Hebræorum codicibus græce olim redditis ad dicendum, disputandumque ingressuri illud e re præfabimur, quod de singularibus Patrum opusculis verba faciens modeste æque, ac prudenter tradidit nunquam intermoritura Theologiæ, atque adeo religionis lux Aurelius Augustinus. *Solis eis Scripturarum libris, qui jam Canonici vocantur, didici hunc timorem, honoremque deferre, ut nullum eorum Aucto-*

B

rem

rem scribendo aliquid errasse firmissime credam. Alios autem ita lego, ut quantalibet sanctitate, doctrinaque præpollcant, non ideo verum putem, quia ipsi ita senserunt, sed quia mihi vel per illos Auctores Canonicos, vel probabili ratiōne, quod a vero non abhorreat, persuadere potuerunt (a). Quorsum hæc, inquires? Ne scilicet vel imperitis, vel etiam parum æquis iudicibus videamur fortassis Majoribus nostris minus, quam deceat, deferre, ac tribuere, si quandoque, ubi præsertim historia agitur, a nonnullis veterum opinionibus recedemus, rationumque momentis probe æstimatis, recentium subinde Theologorum persequemur vestigia. Nostræ igitur disciplinæ Alumnis¹, litterario jam exeunte anno, publice, ut solet, vires sui periclitaturis ingenii, Græcam divinorum voluminum, quæ Septuaginta adscripta est Interpretibus, editionem ad differendum selegimus; argumentum sane & multis nominibus ad mentem acuendam aptissimum, & mira in omnem Theologiam fecunditate utilissimum, & rerum copia, ac varietate jucundissimum, in quo proinde, nemini deesse possit oratio. Expendam, quantum ponderis habeat, quæ super Græca illa sacrarum litterarum interpretatione inyeteravit, historia, a quibus, quo consilio, quibus & hortatoribus, & loco, & tempore adornari cœpta editio sit, ad exitumque perducta, atque hinc, an Interpretes jam inde a principio singulos veteris instrumenti libros in Græcam linguam transtulerint; quibus præterea fontibus, aut exemplaribus eam in rem usi sint, Judæi ne sacros codices malo dolo vitiaverint, quæ fuerit, vel esse debeat ejusmodi Græcorum librorum ad persuadendum auctoritas, quæ Græcæ editionis Sixtinæ, quæ cæterarum tum vis, tum integritas: hæc, inquam, & plura id genus similia, quæ cum argumento, interque se apta, & nexa sint, diligenter expendam, momentisque suis æstimabo, aliorum identidem Theologo-

(a) Epist. 82. ad Hieron. edit. Maurin.

¹ Dissertatio hæc edita primum fuit Urbini anno 1754. eodemque anno Senogallix publice habita a nostris Theologiæ Auditoribus Joanne Baptista Paltrono C. R. Scholarum Piarum, Joanne Baptista Continio Clerico Anconitano, & Angelo Alphonso Senogallienſi Diacono, Qua de re monendum initio duximus Lectorem benevolum, ut deinceps, quo spectet oratio nostra, vel cur certa quedam adhibeamus loquendi genera, statim perspicat. Nolumus enim orationis contextum mutare.

logorum sententias, ut omni me invidia liberem, pro re nata in medio positurus.

2. Omnium primum veteris, uti loquimur, Testamenti divinitas comperta est. Singula enim, quæ inibi continentur, volumina, Deo auctore, incitante, & afflante, perscripta esse, plane ad veritatem persuadent argumenta & complura, & gravissima a pervetustis Patribus, Tertulliano potissimum, Origene, & Augustino adversus impios religionis hostes Celsum, Porphyrium, Faustum, Adimantum, Julianum adhibita. Quin etiam eisdem argumentis Marcionis, Manichæorum, aliorumque plurimorum error coarguitur, qui duo rerum omnium principia (non duos tamen Deos (a), ut arbitror) comminiscentes sacrosanctos veteres libros a principio nequam, & improbo repetebant, legemque in primis Mosaicam tanquam malam, ex pravisque præceptis, atque institutis constantem, audacissime calumniabantur. *Nihil autem temere, aut fortuito loquitur divina Scriptura*, si Gregorio credimus (b), *sed & syllaba, & apiculus unicus reconditum habent thesaurum*, cum illa aliunde haberi debeat veluti celestis quædam omnipotentis Dei ad creaturam suam epistola (c). Quo facile adducimur, ut credamus, minimas etiam sacrorum librorum dictiones, atque particulas, nedum res, & sententias, instinctu, afflatuque divino fuisse litteris consignatas¹, ut nihil idcirco possis in libris illis offendere,

B 2

quod

(a) V. Clar. Lazeri S. J. Exercit. de Hæresi Albigenf. cap. 1. num. 2.

(b) Homil. 12. in Ezech.

(c) Lib. 4. epist. 31.

3. Gravis, ut nosti, super hoc argumento exorta est controversia, anno 1587. hinc inter Lovanienses, Duacensesque Theologos, inde inter Hamelium, & nonnullos auctores ex Societatis Jesu Familia. Nostra illis probabatur sententia; hi licet annuerent, Spiritum sanctum divinis semper præsto fuisse Scripturibus, suæque adstantem ope cavisse, ne quid falso litteris proderent, nec stilum tamen, nec omnes prorsus historias, res, sententias a divinæ mentis instinctu, & afflatu profectas esse rebantur. Quod cum superiores Theologi ægre ferrent, peculiari Censura tres Jesuitarum propositiones falsitatis nomine confidenter notarunt, Lovanienses quidem Theologi anno 1587. Duacenses vero anno postero. Ecce autem ex tribus illis enunciationibus priores duas. I. *Ut aliquid sit Scriptura sacra, non est necessarium, singula ejus verba inspirata esse a Spiritu sancto*. II. *Non est necessarium, ut singula veritates, & sententia sint immediate a Spiritu sancto ipsi scriptori inspirata*.

Ea in re Honoratus Tournely (Tom. 1. de Deo, & D. A. Disput. prævia Quæst. 4. de Script. Sacra), cui nos in priori editione assensui fuimus,

quod vel errorem oleat, vel mendacium, vel falsitatem. Deus enim, a quo syllabatim dictata, & profecta sunt omnia, falli, vel fallere, & mentiri qui potest? Hallucinati ergo turpiter sunt, ut alios dissimulem, bonus potius Grammaticus, quam Theologus, Erasmus Roterodamus, & Olden *lib. 1. de Analyfi Fid.* in eam ambo cum veteribus Anomæis conspirantes sententiam, Apostolos, ac Prophetas humana arte, & prudentia interdum loquutos esse, lapsos præterea memoria, saltem in levioribus rebus, affectibusque præpostere abreptos genio quandoque, ac naturæ in scribendo indulgisse.

Ve-

mus, sic existimat, quæstionem illam, & litem, quæ maximis utrinque studiis agitata est, probe evolutis, definitisque vocabulis, componi facile potuisse. Etenim, inquit, cum Theologi Jesuitæ negabant, omnes sacrorum librorum sententias, atque particulas peculiari divinæ mentis instinctu fuisse exaratas, *inspirationis nomine revelationem rei*, non autem *inspirationem*, quæ vere, proprieque dicitur, intellectum volebant; quippe cum alia *inspirationem*, hoc est illam vim, actionemque intellectualem, qua Deus hominem tum ad scribendum, tum ad rerum scribendarum delectum agit, & excitat, in sacris Scripturis non dubitanter agnoscerent. Sic enim Leonardus Lessius in Respons. ad Lovaniensem Censuram, *Dicimus, non fuisse necessarium, ut ad singulas sententias, & singula verba habuerint novam, & positivam inspirationem ex parte illius, id est novam illuminationem, qua novo modo cognoscerent veritates, quas scriberent; sed suffecisse, ut Spiritus sanctus peculiari modo illos excitaret, ac impelleret ad scribendum.* Quod ergo olim appossine dixerat de Peripateticis, atque Academicis Cicero, utriusque partis Theologi rebus, Tournely iudice, inter se congruebant, verbis differebant.

Verum non verbis solum, sed totis etiam dissidebant sententiis. Dicere enim, Deum tum ad scribendum, tum ad rerum scribendarum delectum Auctores sacros excitavisse, atque impulsisse, est hoc illis *assistentiam*, quam vocant, concedere, ne qua in parte fallantur, non autem singulas divinarum librorum particulas, dictiones, & voces a Deo repetere. Atqui id in primis urgebant Lovanienfes Theologi, nec sane immerito. Eorum enim doctrina & sacrarum literarum auctoritati magis consentanea est (V. Exercitat. Biblic. habitam in Coll. Romano an. 1756.), & cunctis fere antiquissimorum Patrum confirmata suffragiis, a quorum sententia tantis in rebus non facile abeundum putaverim. Video certe quidem, ex vocabula tricas plerumque negligentibus, litæque nobis gravissimas ex eorum vi, potestateque intendentibus. Exemplo esse poterit vel unum de extrema unctione adhibenda ægrotantibus Jacobi testimonium. Itaque meo iudicio præclare, pieque faceret, si quis totum hunc locum uberius tractaret, iisque constabiliiret prædiciis, ut omnino malevolia, atque cavillatoribus ludendi ansam eriperet.

Verum egregie Augustinus observat, quod, si in sacro quovis libro una quælibet falsitas reperitur, totius libri certitudo interiret: ne intereat igitur, pergit ille, id pro certo habendum est, omne erroris, ac falsitatis genus, siue quæ ex mendacio, siue quæ ex oblivione nascatur, a sacris literis abesse quam longissime. In hæc fere verba Augustinus (a). Abeat nunc Erasmus, & quasi vir sanctissimus, atque doctissimus errori suo præluxerit, ejus testimoniis impetissime abutatur.

3. Interim quemadmodum *viginti duo elementa sunt*, teste Hieronymo (b), *per quæ scribimus hebraice omne, quod loquimur, & eorum initium vox humana comprehenditur; ita viginti duo volumina supputantur, quibus quasi litteris, & exordiis in Dei doctrina tenera adhuc, & lactens viri iusti eruditur infantia*, quinque Moïsis, octo Prophetarum, Agiographi vero novem. His voluminibus, siue libris totus constat sacer Hebræorum Canon, quem Judæi ipsi non solum, verum etiam Christiani Patres Esdræ, tanquam auctori, adjudicandum esse consentiunt. Moventur autem aureo quodam Josephi loco lib. 1. cont. Apion. ubi narrat is, fuisse apud Hebræos in more positum, ut, bellis confectis, sacros cōdices recognoscerent, purgarent, in ordinemque redigerent. Nihil vero magis finitimum veritati, quam id muneris post Babylonicæ servitutis tempora demandatum fuisse Esdræ, viro scilicet patriarum antiquitatum, Hebræorum rituum, sacrarum denique litterarum longe peritissimo. Adducuntur etiam exemplo Nehemiæ, quem ex secundo Machabæorum libro didicimus, depulsa jam Babylonica servitute, divinos gentis suæ libros recognovisse, atque emendasse. *Inferebantur autem in descriptionibus, & commentariis Nehemiæ hæc eadem; & ut construens Bibliothecam congregavit e regionibus libros & Prophetarum, & David, & epistolæ Regum, & de donariis* (c). Atque his fundamentis inædificata est communis illa, ac pervagata Judæorum opinio, sacrorum librorum Canonem Synagogæ magnæ auctoritate ab Esdra concinnatum fuisse. Erat enimvero Esdras ad hoc officii munus aptissimus propter eximiam, ut diximus, & exquisitam quandam divinarum rerum scientiam.

4. Equi-

(a) Lib. 2. de Consensu Evang. cap. 28. alias 12.

(b) In Prol. Galeato.

(c) Cap. 2. ver. 13.

4. Equidem non me præterit, & Richardum Simonium opinionem hanc de Canone ab Esdra composito inter Rabbiorum fabulas amandare, & Benedictum Spinozam, Thomamque Hobbesium statuere, post Judam Machabzum Hebraicum librorum indicem conflatum esse, ei præsertim argumento innixos, quod in hoc indice, & Canone nonnulli libri, vel opuscula obtineant, quæ res multo post Esdræ intervallo gestas complectuntur. Neque illud me latet, Isaacum Newtonum suis in Daniele Commementariis non valde ab hac posteriori sententia abhorreere. Verumtamen & superiora argumenta ex Josephi testimonio, & Nehemiæ exemplo conclusa, atque, ut mittam alia, Judæorum omnium, Majorumque nostrorum consensus, & suffragia faciunt, ut Simonii potius, & Spinozæ, & Hobbesii, & Newtoni denique conjecturas fabellis adscribendas putemus. Sane libri isti, qui in Hebræorum Canone numerantur, nec omnes simul conscripti sunt, nec Esdræ primum, aut Judæ Machabzi tempore divini sunt habiti, quod patet ex tota Judæorum historia. Quæ cum sint, quis facile concoquat, Hebræos, divini Verbi studiosissimos Esdræ tempore, recuperata scilicet libertate, libros divinos non curasse, non distinxisse ab aliis, qui non essent ejusmodi, non in unum corpus collegisse? Num credideris, diligentiores fuisse Romanos in libris Sibyllinis custodiendis, quam in suis, eisdemque divinis Hebræos? Itaque nostra illa sententia tam altas radices egit, lateque recepta est, ut Basilius, veteresque nonnulli Patres putaverint, omnes divinos libros, cum in Hierosolymitano excidio funditus periissent, ab Esdra divino Numine afflato ad verbum dictatos esse, & memoriter redintegratos; ut diserte in 4. Esdrino volumine traditur. Quia tamen constat, & librum ejusmodi germanum, ac sincerum non esse, & fabulis redundare frequentibus, & multa præterea cum ea pugnant sententia, id vero simillimum duxerim, Esdræ hoc unice sensu Hebraicum Canonem adornasse, quatenus sacros codices a mendis purgavit, recognovit, collegit, in ordinemque, ut par erat, digessit.

5. Quibus breviter delibatis, propius jam ad id, unde omnis causa ducitur, accedemus. Sacra illa, & plena mysteriorum volumina notus olim in Judæa Deus uni Hebræicæ nationi, quam sibi in populum peculiarem delegerat, & qua-

prodi-

prodigiis, qua beneficiis, qua omni amoris significatione semper complexus est, paternæ instar hæreditatis custodienda, tradiderat, *ut per patientiam, & consolationem Scripturarum spem haberet* (a), & ne qua deessent illi præsidia ad salutem animi necessaria sempiternam. Ubi vero plenitudo temporis appropinquabat, qua æternus Pater Filium suum, unigenam in terras mitteret, eos, qui sub lege essent, redempturum, in libertatemque Filiorum Dei pristinam revocaturum (b), alto quodam divinæ mentis consilio factum est, Hebræi uti codices græce redderentur, pervagationi nempe, magisque familiari lingua prodirent in lucem, quo homines ad agnoscendam postea Christi divinitatem, complectendamque ejus religionem facilius adducerentur. Hebræi enim Prophetæ de Christo O. M. ab omni antiquitate permulta aperte tradiderant, quæ ad firmandam religionis nostræ veritatem, ac vim mirum in modum conducunt, quidquid, præter Theodorum Mopsuestiæ Antistitem, impudenter deliraverit Episcopus, nihil veritus scribere, prædictiones, quæ de Christo in veteri Testamento feruntur, *esse difficas allegorias, quas vi pertraherent ad Christum Apostoli* (c). Erat igitur divinæ erga homines bonitatis, & beneficentiæ providere, ut veritas de Hebræorum manibus extorqueretur, atque, *ut libri, quos gens Judæa cæteris populis vel religione, vel invidia proderi volebat credituris per Dominum gentibus... tanto ante proderentur*, quemadmodum Augustinus animadvertit (d). Id autem pervetus opinio est, ab Heroicis usque ducta temporibus, LXX. doctissimorum hominum opera contigisse, qui Ptolemæi Philadelphi jussu, concessuque Eleazari suumque Judæorum Pontificis in insulam Pharum convenientes sacra illa Hebræorum volumina græce interpretati sunt, superis, hominibusque plaudentibus.

6. In hanc igitur tum histotiam, tum editionem studiose nos, atque ex omni parte ad inquirendum aggredimur. Novimus sane, disputationibus, & opusculis eruditissimorum virorum, Baronii in primis, Morini, Waltoni, Wowerii, Vossii, Usserii, Valesii, Simonii, du Pin, Grabii, Hodii, Calmetii, Lamy, Natalis Alexandri, Frassenii, Prideauxii, ac cæterorum eo profectam rem esse, ut perdifficile, atque operosum

(a) Ad Rom. cap. 15. v. 4.

(b) Ad Galat. cap. 4. v. 5.

(c) In Matth. cap. 10.

(d) Auguſt. lib. 2. de Doctr. Christi. cap. 22.

sum sit, quid probare, quid improbare debeas, prudenter statuere. At ista quidem, re adhuc integra, fuerant providenda. Nunc, quæ nos cumque tempesta exceptura est, vela nimirum facienda sunt, navigationisque cursus magno animo ineundus, cum præsertim indoctos videam esse homines, qui de hoc argumento, nisi apud nuperos Heterodoxos, nihil se perfectum, atque præconio dignum invenire posse existiment.

7. De Græcæ igitur editionis historia primus omnium meminit Aristæas in libro etiam nunc extante, quem Philocrati fratri inscriptum dedita opera eam in rem divulgavit, græcæ autem, & latine Humfredus Hodijs operi suo præposuit (a). Summa narrationis huc recidit. Ptolemæum Philadelphum, Ptolemæi Lagi filium, atque Ægypti Regem, cum magno litterarum amore flagraret, cujusque generis libros undequaque conquisivisse, uti Bibliothecam abs se Alexandriæ excitatam instrueret, Demetrii Phalerei, Græci philosophi, atque oratoris, quem Bibliothecæ præfecerat, per motum hortatibus: quamobrem sacros quoque Hebræorum, codices sibi curare statuisse, ad Eleazarumque maximum Judæorum Pontificem legationem perhonorificam cum amplis, pretiosissimisque muneribus adornasse, etiam, atque etiam, flagitantem, una cum libris mitti ad se homines, qui Græcæ, Hebraicæque linguæ cognitione, atque scientia cæteris antecellerent. Rem vero quo facilius ab Eleazaro ille Ægypti Rex impetraret, Aristææ, Sosibii, Andreæque, magnæ in aula auctoritatis procerum, consilio centum viginti, eoque amplius Judæorum millia in Ægypto captivorum libertate donavit, jubens, ut ex regia pecunia viginti heris drachmæ pro singulorum pretio afferrentur. Eleazarus, excepta, quibus par erat, honoris testificationibus, Ptolemæi legatione, optimatum conventu habito, LXXII. viros, sex ex singulis delectos tribubus, doctrina, sapientia, rerumque tractandarum usu perillustres ad Regem misit, qui secum una cum opulentis donis divinatorum librorum exemplar Hebraica lingua, aureisque descriptum litteris deportarent. Quamobrem Ægypti Rex humanissima voluptate persusus Senatores illos, totis septem diebus laute, liberaliterque tractavit. Postquam vero 72. quæstionibus ethicis, politicisque propositis, qua

(a) De Bibliorum Textibus Origin. &c.

qua quique sapientiæ laude excellerent, probe expertus est, tribus talentis viritum donatos in insulam Pharum septem stadiis Alexandria distantem deduci iussit, ubi regiis excepti ædibus duorum, & septuaginta dierum spatio sacra Hebræorum volumina græce, Deo auspice, reddiderunt. Secundum hæc perfecta publice editio fuit coram Judæis, Græcisque Alexandrinis, communique omnium, qui aderant, comprobata suffragio. Libros religiosissime veneratus in regali Bibliotheca Ptolemæus reposuit, atque ita perhonorifice dimissi Patres, splendidis præterea aucti muneribus, quæ & rerum gestarum magnitudini, & tanti Principis liberalitati, atque potentiæ responderent. Hæc fere Aristæas diligentissime, ut soleo, a me lectus.

8. Res vero de Usserii sententia contigit anno ante Christum natum 277. ab orbe condito 3723. anno autem, postquam regnum tenuerat Ptolemæus, 8. Nec profecto, si vera sunt, quæ memoriæ prodidit Aristæas, in alium annum vel citius, vel serius referri debet; alioquin, vivo Eleazaro, qui postero anno obiit, gesta non esset; quod tamen e regione cum Aristææ pugnat historia. Quoniam vero Eleazarus in epistola ad Ptolemæum rescripta Arsinoem illius simul uxorem, ac sororem appellat *valeas*, inquit, *O tu, O regina Arsinoe soror tua*, id obest, quominus Græcam editionem citius adornatam putemus, ne scilicet fateri cogamur, eandem prodidisse in lucem, antequam Ptolemæus nuptias cum sorore Arsinoe inisset.

9. Porro Aristobulus, Hebræus, ut fertur, Alexandrinus, qui annis floruit ante Christum centum circiter viginti quinque, secundus ab Aristæa est, qui historiam, de qua agitur, litteris demandavit. Creditur Aristobulus commentarium in Libros Mosis scripsisse, Ptolemæo Philometori, quem in optimis studiis instituerat, nuncupatum. Etsi autem hic liber injuria temporum interciderit, supersunt nihilominus nonnulla ejus fragmenta apud Clementem Alexandrinum, & Eusebium, apud quos pluribus in locis testatur, Ptolemæo Philadelpho regnante, integram librorum omnium, qui ad Judæorum leges pertinerent, Græcam interpretationem exiisse, egregiam ad id navante operam, Demetrio Phalereo. Addit autem, fuisse antea, etsi non satis elaboratam, atque perfectam, Græcam aliam librorum ejusmodi editionem Alexandro

dro Magno æqualem, vel etiam vetustiore, unde Pythagoras, Plato, cæterique Græci sapientes, atque philosophi naturalium rerum, morumque præsertim, ac legum scientiam, tamquam ex fonte, desumpserint. De quibus singulis suo loco accuratius. Hic enim more tantum historico loquimur.

10. Post Aristobulum Philo, Judæus item Alexandrinus, qui in Christi tempora incidit, claruitque, imperante Cajo Caligula, de historia Septuaginta Interpretum verba, fecit libro secundo de vita Moïsi, ac totius rei seriem in eandem, qua Aristæas, enarravit sententiam. Hoc differt tantummodo, quod præterea moneat, Interpretes, in apparandis editionibus suis non solum in verbis, sed in ipsis etiam apicibus mirabiliter inter se concordasse, ut iidem, proinde, quemadmodum argumentatur, divino spiritu afflari, & concitari debuerint. Ad hæc subjicit, ad facti pulcherrimi perpetuandam celebritatem, atque memoriam diem festum Alexandriæ fuisse institutum, qui anniversarius vel suo tempore religiose agebatur. Quæ duo non meminerat Aristæas.

11. Josephus autem Hebræus in eximio opere de Judæicis antiquitatibus, in lucem edito exeunte primo Christiani nominis sæculo, idest anno 93. omnino cum Aristæa convenit; similiterque Eusebius Cæsariensis Antistes, qui ducentis annis, eoque amplius ab Josephi ætate distabat. Id unum discriminis inter Josephi, & Aristææ narrationem intercedere intelligo, quod cum Aristæas 660. talenta numeret a Ptolemæo ad redimendos captivos impensa, tamen Flavius Josephus talenta tantum 460. commemorat.

12. Jam secundum Josephum ex Christianis Patribus omnium primus, quod constat, Justinus Philosophus secundi sæculi scriptor, idemque Philone centum circiter annis posterior, de Græca LXX. Interpretum editione disseruit, rationemque, & viam, qua peracta res est, diligenter, ac minutatim explicuit. Justinus enim Alexandriam perrexerat, operamque studiosè dederat, ut etiam ab incolis de tota historia certior quam accuratissime fieret. Itaque in Cohortatione ad Græcos (a) non ea solum confirmat, & probat, quæ Philo, cæterique Scriptores tradiderant, verum etiam, quod nemo hætenus scripserat, testificatur, Septuaginta Interpretes

(a) Num. 13. edit. Maur.

tes, singulos in singulis inclusos cellulis, sacras litteras ex Hebræis Græcas fecisse; se vero, ne quem fortasse dubitandi incessat suspicio, cellularum istiusmodi ruinas, atque reliquias suis plane oculis lustravisse. *Sed qui Alexandria, ait, versati sumus, & vestigia cellularum vidimus in Pharo adhuc extantia, ac rem ex incolis, qui eam a maioribus, ut patria sue propriam, acceperant, audivimus, hæc vobis nuntiamus.* Equidem Maurinus editor in nota ad hunc locum apposita, affirmat, Justinum non omnium primum eam de cellis historiam litteris prodidisse, sed Philonis vestigia premere; nihilominus num aliquid ejusmodi Philo tradiderit, diligentioribus, atque acutioribus constituendum relinquo.

13. Hoc certe scio, Justino reliquos assentiri Patres, qui suis postea scriptis Ecclesiam illustrarunt, Irenæum lib. 3. adver. Hæres. cap. 21. Clementem Alexandrinum priori libro Strom. Cyrillum Hierosolymitanum Cathec. 4. num. 34. Hilarium Comment. in Psal. 2. Augustinum lib. 18. de Civitate Dei, & alibi, Philastrium Brixiensem Hær. 90. Isidorum Hispalensem, Rabanum Maurum, aliosque complures, quorum longum esset recitare testimonia. Hi enim cellas illas, quas Justinus induxerat, memorant, singularumque editionum, quæ a singulis seorsim elaboratæ sunt Interpretibus, admirabilem inter se conspirationem, atque consensum testimonio confirmant suo.

14. Unus Epiphanius Salaminiorum in insula Cypro Antistes, etsi sacros, divinosque codices ab Hierosolymitanis legatis non sine occulto Dei consilio, ac singulari prodigio in Græcam linguam translatos agnoscat, in adjunctis tamen totius historię exponendis ab Justino, cæterisque antiquioribus Patribus dissidet. Tradit enim hic noster, non 72, sed 36. fuisse cubacula, in quibus inclusi Interpretes sacras litteras græcæ reddiderint, eosdem vero, præter divina volumina, apocryphos alios libros duos, & viginti Græco habitu induisse. Eam vero in rem Epiphanius testem, prædemque dat Aristeam, quod hercle egregio est argumento, Aristeanum opusculum, quo Epiphanius utebatur, aliud ab eo esse, quod nostra adhuc existat memoria, cum testimoniisque Josephi, & Eusebii ex illo productis probe cohæret, & congruit. Taceo singularem opinionem Angeli Rocchæ, Sculteti, Sixti Senensis, Serarii, aliorumque Epiphanium inter eos numerantium, qui

cellulas LXXII. agnoscunt. Perspicuis enim, dum ita statuunt, Epiphania locis (a) vim adhibent; ego autem in rebus perspicuis confirmandis nolo operam ponere.

15. Atque hæc fere sunt, quæ de celeberrima editione, & historia litterarum monumentis tradita invenio. Restat, ut nostrum interponamus iudicium, & quid veri similis haberi debeat, verecunde quidem, at certe bona, candidaque fide explicemus. Sed alte ordiemur, argumentumque ordine dividentes feremus antea, quemadmodum recta differendi ratio postulat, de Aristæ libello sententiam. Sic ergo cum plerisque Criticis, atque Theologis existimamus, Aristæam hunc personatum esse, libellique sui editione mirifice imposuisse.

I. Principio mentiri Aristæam, scribentem, se a Ptolemæo missum ad Eleazarum Demetrii Phalerei consilio, liquido apparet. Ptolemæi enim Philadelphi tempore Demetrius Alexandria exulabat, teste gravissimo Hermippo apud Diogenem Laertium in vita ejusdem Demetrii. Cum enim Athenis pulsus Demetrius ad Ptolemæum se Regem Alexandriam contulisset, quemadmodum etiam narrat Tullius lib. 5. de Finibus, illique auctor fuisset, ut filiis ex Euridice susceptis regni hæreditatem relinqueret, Ptolemæus tamen Philadelphum, quem ex Berenice procreaverat, reliquis prætulisset, Philadelphus ipse post patris obitum adeptus imperium Demetrium e vestigio extorrem egit, in vinculisque retineri jussit, quoad aliter de illo deliberaret. Exilii tædium, atque molestias inique tulit Demetrius, donec aspidis morsu miserabiliter obiit, ut narrat ibidem ex Hermippo Laertius. Quare Aristæ historia cum exilio hominis non cohæret, tantum abest, ut credibile sit, Philadelphum curandæ Bibliothecæ suæ præfecisse Demetrium, quem multa molitum cognoverat, ne rerum summa, atque imperio potiretur. En autem Laertii locum. Hermippus tradit Demetrium, post *Cassandri necem, Antigoni metu se ad Ptolemæum Soterem* (fuit enim hoc cognomen Ptolemæo Lago) *contulisse, multumque illic temporis moratum inter cetera consuluisse Regi, ut filiis, quos ex Euridice susceperat, impartiretur regnum. Illo non obtemperante, sed ei, quem ex Berenice genuerat, diadema tradente, ab hoc ipso post patris mortem* fuisse

(a) Lib. de Mensuris, & Ponder.

fuisse assertum in provincia, quoad aliquid de illo statuisset. Hic ille maestior vixit, ac forte dormitans ab aspide manum morsus ex vita migravit, sepulchrumque est in Bysiride Nemo prope Diospolim (a).

Ne vero Serarius (b), Gretserus (c), Frassenius (d), Usserius (e), alii Hermippi auctoritatem abjiciant, sciant, velim, tantam ei fidem adhibuisse Laertium, ut descriptam ab illo mortem Demetrii hoc Epigrammate celebrarit.

Occidit aspis sapientem nostrum Demetrium,

Virus habens tetri plurimum,

Non flammam ex oculis coruscans, sed atros inferos (f).

Quin etiam consonis aliorum testimoniis Hermippi auctoritas roboratur. Heraclides enim eodem apud Laertium loco in epitome successionum Sotionis, Ptolemaeum, ait, Philadelpho concedere voluisse regnum, illumque prohibuisse consiliis suis Demetrium. Quoad ejus mortem consentit nobiscum Cicero in oratione pro Rabirio, ubi video, inquit, Demetrium ex republica Atheniensem, quam optime diligerat, & ex doctrina nobilem, & clarum, qui Phalerens vocitatus est, in eodem isto Aegypti regno, aspide ad corpus admota, vita esse privatum. Quibus rebus accedit vetusti Scriptoris apud Suidam auctoritas, nisi quod Demetrii interitum ad ipsius Soteris, seu Lagi tempora referat. Καὶ παρὰ τῷ σωτῆρι Πτολεμαίῳ διατείσθαι θηχθῆναι ὑπὸ ἀσπίδος ἀπὸ θανάτου, καὶ ἐτάφη ἐν τῷ Βυσιρίτῳ νομῷ, πλεονεχίων Διοσκόλειος τῆς ἐν τοῖς ἔλεσι. Itaque Aegidius Menagius, qui Laertium locupletissimis notis egregie illustravit, productis Hermippi verbis, argumentum nostrum ita concludit. Ex hoc Laertii loco evincebat Scaliger, Demetrium Phalereum curatorem Bibliothecae Philadelphi nec fuisse, neque ex ejus suggestu sacros Hebraeorum libros conversos esse, cum statim ab initio regni Philadelphi perierit. . . . Sed idem evincunt & alia argumenta.

II. Nam certe fabulani olet persona, quam in omni suo opusculo perpetuo sustinet Aristaeas. Se enim ubique hominem simulat & genere, & religione paganum, cui nulla cum

(a) Lib. 5. de Vitis Philoc. sect. 78. edit. Westenii 1698.

(b) Proleg. Bibliac. cap. 17. quæst. 5.

(c) Defensio Bellarm. lib. 2. cap. 6.

(d) Disquisit. Biblic. lib. 2. cap. 3.

(e) Syntagm. de LXX. Interpr. cap. 1.

(f) Ibid. sect. 79.

cum Judæis religionis affinitas, atque necessitudo intercedat, cum interim singulis fere paginis Hellenistam Judæum manifeste se prodatur, eundemque nec veri Dei, nec legum divinarum, sanctissimarumque caeremoniarum, ac rituum imperium. Demetrii verbis e. g. Regi significat, Judæorum leges sanctitate, & sapientia præstare cæteris, esse quippe divinas; hanc ob causam Scriptores, Poetas, Historicos librorum, ejusmodi mentionem fecisse nullam. Cujus vero, nisi Judæi hominis, esse hæc potest oratio? Potuit ne Demetrius, vir & patria, & superstitione Græcus, latisque legibus apud suos clarissimus, hæc ad Regem per epistolam suam deferre? Hebraïsmis etiam libelli stilus, atque scribendi ratio persæpe affuit, & redundat, indicio sane locupletissimo, ab ipso pueritiæ ludo, ac disciplina inter Hebræos auctorem operis adlevisse.

III. Accedit, quod tres epistolæ Demetrii ad Regem, Regis ad maximum Judæorum Pontificem, Pontificis ad Regem ita exaratae sunt, ut nulla in stilo deprehendatur diversitas, easque nihilominus ex originali, ut vocant, se exscripsisse Aristæas confidentissime profitetur. Quis, quæso, aperte, clarissimeque non videat, fuisse libellum Aristææ suppositum, ejusque Architectum fucum, ut dicitur, imperitis facere voluisse? Vix enim, ac ne vix quidem fieri posse crediderim, tria uti variorum auctorum opuscula in stilo, scriptionisque ratione tam amice conveniant. Quid, quod epistola, vel supplex ille Demetrii Phalerei libellus, etsi eloquentissimi, longeque elegantissimi nomen præferat oratoris, qui in omni præterea Philosophia, quemadmodum a Tullio sæpe testatum accepimus, multa cum laude excellerebat, nihil tamen continet, unde ipsum Demetrium Theophrasti discipulum possis agnoscere? Recte Henricus Valesius. *Epistola illa Demetrii Phalerei, quam adducit Aristæas, plane insulsa est, & barbaris vocibus plena, cum tamen constet, Demetrium, utpote Atheniensem, eloquentissimum fuisse (a).* Sic enim de illo Cicero tum sæpe alias, tum præsertim in Oratore. In hac orationis forma, in qua suavitatis est plurimum, multi floruerunt apud Græcos, sed Phalereus Demetrius meo judicio præstitit cæteris: *cujus oratio cum sedate,*
pla-

(a) Notis in Hist. Eccles. Euseb. lib. 5. cap. 8.

placideque loquitur, tum illustrant eam, quasi stella quædam, translata verba, atque immutata (a).

IV. Idem Aristeas Heptastadii mentionem injecit, nempe angustæ ejus itineris, sive pontis, qui ad longitudinem passuum DCCCC. jactis in mare molibus, inædificatus insulam Pharum cum Alexandriæ oppido conjungebat (b). Verum ex aliis, atque ex Ammiano Marcellino (c) didicimus, pontem ejusmodi a posterioribus Ægypti Regibus, nominatimque a Cleopatra longo post Philadelphum intervallo annorum excitatum fuisse; quod rursus, Aristeam personatum esse hominem insigni ad obtinendæ veritatis spem argumento patefacit. Nisi fortasse Aristeas alter erat Tiresias, cui Jovis concessu, ac munere datum est animo res futuras prospicere. Hæc ego anno 1754. secutus potissimum auctoritatem Valefii. Nunc autem errorem meum confiteor, cum Humfredus Hodius (d) veterum testimoniis prolixè, & luculenter ostenderit, revera Heptastadium jam inde a tempore Ptolemæi Philadelphi extitisse. Hodii argumenta exponere nihil attinet. Ipse Henricus Valefius videtur etiam sibi parum constare. In notis enim Marcellino appositis docuit, Heptastadium esse antiquius Cleopatra, non solum quia Cæsar testatur, fuisse conditum a superioribus Regibus, verum etiam, quia scribit Josephus, Hebræos Interpretes per Heptastadium in Pharum venisse. Cæterum nihil egemus argumento ejusmodi ducto ex celeberrimo opere, ut Aristæz fraudes, atque mendacia detegamus.

V. Multa enim præterea a dubio illo, commentitioque Aristæa narrantur a sui temporis historia omnino aliena, Ptolemæum verbi gratia Philadelphum navali quadam pugna Antigonom prostrigasse, nobilemque ex illo victoriam reportasse, quod tamen nulla historiarum monumenta, nulli veterum annales commemorant. Et sane si Aristeas Antigoni nomine Antigonom Magnum, Demetrii Poliorcetis patrem intelligit, hic septemdecim annis ante delatum Philadelpho imperium e vivis excesserat; sin hujusce Demetrii filium Antigonom, cognomento Gonatam, qui in Macedonia regnavit, designat, nihil est tam apertum, tamque perspicuum, ipso consentien-

te

(a) Num. 27. Edit. Olivet.

(b) Cæsar lib. 3. de bel. civ. cap. 35.

(c) Lib. 22.

(d) De Biblior. Textibus Origin. lib. 1. cap. 19.

te Uſerio (a) ; quam ſcriptorum neminem tam illuſtris, ac præclari facinoris, quod Ariſteas celebrat, meminiffe. Summum ubique ſilentium, etſi permulti, Philadelpho imperante, excellenti litteraturæ laude floruerint, ac libros in vulgus emiſerint, Lycophron præſertim Chalcidensis poeta Regi perſæpe ſolitus aſſentari, Callimachus poeta Cyrenæus, idenique hiſtoricus, & , quod caput eſt, Philadelphi ipſius Bibliothecæ, ſi Suidæ fides, præpoſitus, Zoilus Amphipolitæ Sophiſta, qui ad Ptolemæi pedes abjeſtus ſtipem ab eo ſupplex popoſcit, Manethos denique, ne longum faciam, Sebennytæ, Heliopolites, qui Ægyptiorum hiſtoriam græce interpretatus auguſto voluit Ptolemæi Philadelphi nomine inſignitam. In tanta vero ſcriptorum multitudine, ac copia quis ſibi ſerio inducat in animum, unum Ariſteam poſuiſſe commodè tempus, atque opportunitatem arripere Philadelphianæ illius victoriæ litteris conſecrandæ ? Eodem loco, vel pretio habendum exiſtimo, quod homo totus ex mendacio compoſitus ſumit, Menedemum philoſophum interſuiſſe concionibus, cum Hieroſolymitani Interpretes quaſtiones ſibi a Ptolemæo propoſitas explanarunt. Etenim quantum ex auctoriſus fide digniſſimis colligo, ac Diogene in primis Laertio (b), Menedemus per id temporis reperiri in Ægypto non potuit, immo veriſimillimum eſt, jam hominem e vita migraviſſe, qua tempeſtate ex Ariſteæ ſententia ſacræ litteræ in Græciam abierunt, ut etiam Menagius in notis ad Laertium appoſitis vidit. Mentitur ergo inſcitiffime Ariſteani auctor opusculi, facileque, & libenter, ſe illum, qui non erat, eſſe ſimulavit. Ad extremum in Demetrii ad Regem epiſtola mentio fit Hecatæi Abderitæ, ejuſque teſtimonium tanquam vetuſti ſcriptoris adducitur. Conſtat tamen, Hecatæum poſt Alexandri Magni ætatem vixiſſe, ut Suidas, aliiſque teſtantur, ut autem ſcriptum a Flavio Joſepho libro primo contra Apionem, cum Ptolemæo Lagi filio familiariſſime verſatum eſſe, ut idcirco æquales fuerint, in eademque tempora inciderint Hecatæus Abderites, Phalereuſque Demetrius.

VI. Similibus fere argumentis primum permoſus Ludovicus Vives Ariſteæ libellum in ſuſpicionem adduxit (c), Scaliger

(a) In Annal. ad an. Mundi 3727. (b) Lib. 2. ſect. 37. & ſeqq.

(c) In Librum 18. de Civit. Dei cap. 43. Tom. ult. Edit. Maurin.

liger deinde, Antonius Wandalius; atque alii plurimi conjecturas, vel potius rationes adversus Aristeam longius promoverunt, donec tandem maximis studiis Humfredus Hodijs, Lambertus Bos, & qui ex Hodio multum profecit, du Pin, rem certo, atque perspicue confecerunt. His autem merito magno suo adjungendus Paulus Liptomikius ex Familia Scholarum Piarum, acri ingenio, atque doctrina vir, in egregio, planeque absolutissimo opere, quod *Aristeas personatus* inscribitur. Nam quæ contra Brianus Waltonus, & Ufserius, nuperrimæque Anglus quidam auctor Anonymus pro Aristeæ dixerunt, non magnam acutis, atque eruditis hominibus injicere debent molestiam, & partim ex superioribus, partim ex iis, quæ infra subjiciam, levi negotio diluuntur. De Aristeæ igitur plura satis.

16. Nunc ad cellas, in quibus seorsim habitantes Interpretes græcis litteris divinos codices mandavisse seruntur, recta progredior. Cellas ejusmodi Alexandriæ secundo sæculo excitas de medio olim Hieronymus sustulit, disjecit, gravissimisque rationum, ac verborum ponderibus labefactavit, quas proinde dilapsas, & solo æquatas reficere, operosissimum duxerim. I. Nam personatus ille Aristeas, qui totius historiæ seriem omnium primus scripto consignatam reliquit, quin rei adjuncta, appendices, partes denique ulla silentio prætermittat, narrat, Senatores Judæos coram inter se omnia contulisse, unum in locum, in eandemque Basilicam congregatos. Non est autem, cur ad eos respondeam, quos memini mihi objecisse, qui Aristeam rejiciat, ex Aristeæ capere argumentum non posse. Est enim hominum ratiuncula Americæ illi arbori sane simillima, quæ vix ab homine tangitur, vires illico amittit suas, & tanquam confecta senio contabescit. Philo quoque Judæus, & Josephus in suæ gentis historia, institutisque apprime versati, nihilque intentatum relinquere soliti, ut quibus possent conatibus suorum gloriæ, laudi, dignitati faverent, conclavium ne cursum quidem meminere, cum tamen, si res vero esset consentanea, mentionem ejusdem facere debuissent, perque opportunus se illis de tanto, ac tam singulari eventu dicendi locus obtulerit. Philo certe Hebræos Interpretes divino spiritu afflatos existimat, de cellis tamen ne verbum quidem. Illud, dempto etiam Cellularum commento, assumi potest,

D

de

de hoc altum ubique apud Philonem ipsum silentium. Mitto Aristobulum, ne quis redactus ad incitas eo se callide tute-
tur effugio, Aristobulianos commentarios intercidisse.

II. Hæc cum sint, non injuria Hieronymus, vir Criticæ artis scientissimus, Alexandrinas cellas adunco naso suspendit, & præfatione in Pentat. adversus primos illarum architectos, & vindices eo præsertim nomine invehitur, quod rem neque Aristeas, neque Josephus cognoverant. *Nescio quis primus auctor*, ait, *septuaginta cellulas Alexandriæ mendacio suo extruxerit, quibus divisi eadem scriptitarint, cum Aristeas ejusdem Ptolemæi ὑπερσπασίης, & multo post tempore Josephus nihil tale retulerint, sed in una Basilica congregatos contulisse scribant, non prophetasse. Aliud est enim, vatem, aliud esse interpretem: ibi spiritus ventura prædicit, hic eruditio, & verborum copia ea, quæ intelligit, transfert.* Præfatione vero in libros Paralipom. idem, quod proposui, hac interrogatiuncula efficit: *si igitur aliis licuit non tenere, quod semel susceperant, & post septuaginta cellulas, quæ vulgo sine auctore jactantur, singulas cellulas aperuere, hocque in Ecclesiis legitur, quod Septuaginta nescierunt, cur me non suscipiant Latini mei?* Similia aliis in locis. Auctore ergo Hieronymo, gravi in primis, & nobili, septuaginta ædiculæ, sive cellæ, in quibus toridem Interpretes editionem quisque suam sigillatim absolverint, magna cum verisimilitudinis specie inter commentitias, futilesque sententias referendæ.

III. Idque ut statuamus, ipsa etiam nos cogit historia. Nam alioquin septuaginta duo exemplaria pro illorum numero tradi a summo Judæorum Pontifice Interpretibus debuissent, cum tamen in Aristeas legamus, unicum tantum divinorum librorum exemplar aureis pictum litteris Alexandriam delatum. Neque vero Eleazarus divinare cœlesti quodam spiritu potuit, tale a Ptolemæo de Senatorum ingenio captum iri periculum, nec, si divinasset, ei morem gerendum putasset, ut scite argumentatur Capellus (a). Probe quippe Eleazarus noverat; quod est ex oraculo divino editum, insignis esse arrogantiae sine necessitate, & causa Dei tentare periclitando sapientiam.

17. Quamvis autem Justinum Martyrem, eundemque
Phi-

(a) Criticæ lib. 4. cap. ult.

Philosophum eo habeamus & observantiæ, & sanctitatis loco, quo is apud nos debeat esse vir, cuius jampridem consecratæ sint virtutes, & litteræ, non est, cur tamen in hac de cellis quæstione ejus auctoritate (§. 12.) magnopere moveamur. Septuaginta duos viros in totidem inclusos cubiculis, ut sacras litteras græce interpretarentur, rebus, verbis, syllabis etiam inter se concordasse, prodigium sane erat locupletissimum, quod non tantum editionem illam in excelsis quodam auctoritatis loco constituit, verum etiam veteris instrumenti divinitatem ita patefacit, atque corroborat, ut nihil supra. Christiani populi ea ætate florentis, non secus atque Hebræorum, utrumque vehementer intererat, nihilque nostris accidere optatius, nihil jucundius poterat, quam quod de cellarum prodigio rumore vulgi significabatur, cum in Hebræa divina scriptura religionis nostræ præclare jacta initia sint, & fundamenta. Quandoquidem ergo Justinus apud Alexandrinos Judæos narrationem hanc vulgatam esse, multitudine tritam sermonibus deprehenderat, ei fidem non difficulter adhibuit, nec sibi temperare vir religionis studiosissimus potuit, quin illam opportuno tempore proferret in medium, ut Græcorum errores, & fabulas confutaret, eosdemque ab errore abductos, veritatemque condocerentur solum Christianæ Reip. sacramento obligaret.

18. Quo vero apertissime pateat, non multum in hac controversia D. Justinus sententiæ, ac testimonio fidendum esse, nonnulla ejus in re historica, & critica (invitus licet, & coactus id faciam) errata percensebo. Romæ cum versaretur Justinus statuam forte offendit Simoni Sancto Sabini Deo positam, quemadmodum ex priori ejus ad Antoninum Apologia accepimus, & ecce suborta statim nostro huic suspicio, fuisse statuam Simoni Mago dedicatam. Hac igitur suspitione permotus, nominumque magna ex parte similia, affinitate deceptus, nec ultra rem diligentius perscrutatus in altera illico Apologia Romanos acerrime increpandos aggreditur, quasi Simonem Samaritanum, famosum scilicet impostorem, qui sacra violasset omnia, sceleratissimisque se vitiis contaminasset, Deorum numero adscripsissent³. Ex quo facile

D 2

cile

3 Statua ihæze, quæ Justino se obtulit, in urbe Roma inventa est, ex locisque eruit subterraneis, Gregorio XIII. summo Pontifice, ibidemque
vetus

eile colligetur Justinī, hominis licet Philosophi, atque alias pereruditi, ad cellarum commentum arripiendum proclivitas. Rursus in eadem Apologia insigniter hallucinatur hic noster, cum docet, Ptolemæum legatos ad Herodem misisse divinæ legis postulatam volumina, librisque Alexandriam advectis, nova opus fuisse legatione pro Interpretibus, qui libros græce transferrent, ab Herode impetrandis. Quis enim sibi persuadeat, Ptolemæum duplici legatione usum esse, & prius de parandis libris, postea de accersendis Interpretibus cogitasse? Quotus autem quisque est tam mediocriter in histor-

vetus adhuc reperitur inscriptio „Semoni Sanco Deo Fidio sacrum“. Sane-
cus tanquam Deus a Sabinis colebatur, cumque patris, & fratribus præ-
esset, a faciendi nomen adeptus est; unde etiam Deus Fidius, ducto a fi-
de cognomine, vocabatur. Quin & per eum jurare soliti erant Romani;
quocirca statum in Tiberina insula posuerunt. Itaque post observatam vetus-
tam hanc inscriptionem Critici omnes, ait egregius Theologus, atque in scri-
bendo accuratissimus Bertius, in eam conspirant sententiam, „Justinum fuisse
se eadem inscriptione deceptum. Ita Dionysius Petavius in Epiphanium, Hen-
ricus Valesius in librum 2. Eusebii, Gerardus in Arnobium, Blondellus de
Sybillis cap. 2. ac deinceps alii omnes cum Heterodoxi, tam Catholicis. Tom. 2.
Hist. Eccles. Dissert. 3. primi sæc. num. 2. Plurimi tamen ex nostris, reper-
ta illa statua, Justinī defensionem susceperunt, Cæsar Baronius (an. 44. n. 55.),
Natalis Alexander (H. E. sæc. 1.), Sebastianus Tillemontius (Mém. tom. 2.
pag. 35.), Honoratus a S. Maria (Animadv. in reg. Critic. Tom. 1. Dis-
sert. 2. artic. 6. pag. mihi 196.), doctissimus ex Maurina Familia Justinī edi-
tor, & præter alios, quos enumeravit Travasa (Hist. Crit. de Viis Hæ-
res. Tom. 1. pag. 122.), exquisitæ eruditionis vir Petrus Lazeri (Exer-
cit. de ver. & fals. Tradit.), copiosissimeque omnium Halloixius in ejusdem
Justinī vita. Hi vero, ac Bertius ipse non dubitant, quia Romani statum
unam Semoni Sanco, Simoni Mago alteram dedicant. Quod mihi persua-
deri posse pro summa mea in Patres pietate, atque observantia maxime opta-
verim. At, ut cætera sileam, vel ipsa inscriptionis ratio me nolentem licet,
diuque repugnantem in aliam abducit, impellitque sententiam. Romanis enim
plane inusitatum, ac novum cum Deorum suorum nominibus vocabulum „
sancti conjungere. Ita se omnino res habet; nec ara, nec nummus, nec la-
pis, nec imago, nec statua reperietur, quæ eam præferat inscriptionem,
„Jovi Deo Sancto, Marti Deo Sancto, Apollini Deo Sancto, adeoque si Ro-
mani statum Simoni dedicassent, omisa voce sancti, hæc tantum verba inscri-
pissent, „Simoni Deo, non illa Justinī „Simoni Deo Sancto. Hinc conjectura
quidem, sed illa tamen gravissima assequimur, Justinum affinitate vocum fa-
cile lapsum esse, & ex inscriptione „Semoni Sanco Deo expressisse aliam „
Simoni Deo Sancto. Moveor etiam ipsa loci natura, ut statum a Justinio com-
memoratam eandem esse existimem, atque illam, quæ, gerente Pontifica-
tum Gregorio, detecta est. Fuit enim utraq; in Tiberina insula loco inter
duos pontes medio collocata.

storiarum monumentis versatus, quem latere debeat, non solum Ptolemæum Philadelphum, quem designabat Justinus, verum etiam Ptolemæos reliquos ejus successores, ac posteros fato multo pridem perfunctos esse, quam Herodes in Judæa imperaret?

19. At enim, verbis agentibus confirmat Justinus, cellarum se ruinas vidisse. Non abnuo. Vastre tamen, & subdole Justino imposuerunt Ægyptii, aliquarum ei domorum, quæ vetustate conciderant, extenso digito monstrantes reliquias, ipse vero festinantius, quam debuisset, commentitiis Judæorum sermonibus fide habita, nimis deinde præpropere confectam ab hominibus fabulam, veluti certam historiam, concordique incolarum loci testimonio comprobata cæteris venditavit. Quam multa in dies, amabo te,

Monstrantur digito prætereuntium (a),

quæ nec testata ullo modo sunt, nec veritate fundata repèriuntur? Sunt nobilissimi Astronomi, qui suam Lunæ Atmosphæram, quam vocant, tribuentes in externa Lunæ ipsius superficie lacus, paludes, flumina, maria deprehendunt, inermique oculo digitum ad loca aquis referta confiderenter intendunt, cum tamen loca ejusmodi, vel aquæ cumuli, Cassino, aliisque judicibus, a Luna absint quam longissime. Quæ enim esse maria, flumina &c. perhibentur, materia sunt minus candida, atque perlucida, reflectendoque lumini minus accommodata. Sed domestica libentius in tali re, quam externa, aut repetita ex physicis recordabor. Ut olim Alexandrini viro sancto Justino ostendebant in insula Pharo veneranda cellularum vestigia, ita nunc, teste Vanslebio (b), ædes quasdam in ipsa civitate monstrant, comminiscences extare in iis septuaginta duo cubicula, in quibus sejuncti Interpretes, divinoque afflati spiritu veteres Hebræorum libros græce transtulerint. Eadem gloriæ libidine abrepti Alexandrini fabulati sunt, Aristotelem olim in urbe sua philosophiam publice docuisse, solitique postea fuere ostentare, quædam ruinosa ædificia, tanquam totidem illius gymnasia, quæ poteris, si vacat, in Itinerario Beniamini Tutelensis exquirere. Hæc clarissime ostendunt, mirifice Judæos ejusmodi commentis, ac fabulis, quibus exaggerarent res suas, & alienas

(a) Horat. lib. 3. Ode 3.

(b) In Ægypti statu præfenti.

nas extenuarent, delectatos fuisse. Apposite igitur dignitate, & doctrina vere eminentissimus Bellarminus: *quod Iustino Iudei fabulam a se confictam persuaserint, & quosdam ruinas ostendentes cellulas esse dixerint Septuaginta Interpretum, facile fieri potuit, nec minus facile, ut Iustino viro sancto fidem habuerint reliqui posteriores (a),* Irenæus in primis, Clemens Alexandrinus, Cyrillus Hierosolymitanus, atque Philastrius *. Hieronymus tamen pro acriori, quo valebat, judi-

(a) Lib. 2. de Verbo Dei cap. 6.

4 Tertullianum tamen, Augustinum, Hilarium, Joannem Chrysostomum, aliosque, nonnullos quorum §. 13. cum historiam scriberem, nominavi, non sine causa hic prætereundos existimo, quandoquidem Iustini sententiæ suffragati non sunt. Photius illi aperte repugnat his verbis Cod. 177. *divina, ac veteris scriptura, quam septuaginta simul convenerunt ediderunt, interpretationem.* Augustinus lib. 2. de doctr. Christi. cap. 15. de cellis loquitur, tanquam de re incerta, non cognita, & illustri. Sic enim prudenter addubitat. *Si Septuaginta, ut fertur, multique non indigni fide prædicant, singuli cellis etiam singulis separati, cum interpretati essent, nihil in alicujus eorum codice inventum est, quod non hisdem verbis, eodemque verborum ordine inveniretur in cæteris, quis huic auctoritati conferre aliquid, necdum præferri audeat?* Tertullianus vero, cujus locum qua ratione Natalis Alexander, & alii pro tuendis 70. cubiculis proferant, nescio, Apologet. cap. 18. de cellis verbum non fecit, quemadmodum nec Hilarius in psal. 2. nec Chrysostomus vel homil. 4. in Gen. vel 5. in Mattheum. Immo Tertullianus, Joannesque Chrysostomus e nostris videntur stare sententia. Cum enim studiose enarrent, confectenturque prodigiis, quæ occasione Græcæ editionis LXX. interpretum contigerunt, nunquam cellas, ex quibus præcipuum, vel illustrius ducebatur miraculum, silentio inobscraissent, si quidem ratas habuissent. His addere Eusebium non immerito possumus, qui lib. 8. de Præparat. Evangel. cap. 1. universam historiam ex Aristæ libello fere ad verbum expressit, & 70. cubiculorum non meminit. Interpretes autem non alios facit, quam homines, *ἐν τῇ αὐτοῦ, καὶ τῇ αὐτοῦ αὐτοῦ διδόντας, cum intelligentia, tum patriarum quoque litterarum scientia probatos.*

Scinditur ergo chorus studii in contraria Patrum, nonnullis inter veteres nostram, aliis Iustini causam juvantibus. Sic olim, ut fingit Ovidius,

Mulciber in Trojam, pro Troja stabat Apollo,

Æqua Venus Teucris, Pallas iniqua fuit.

Trist. lib. 1. Eleg. 2. Quod enim Chrysostomus, alique de summa illa nostrorum Interpretum in eandem sententiam conspiratione asseverant, ex hoc nullum omnino pro retinendis cellis argumentum peti potest. Nam fuit sane miraculorum omnium longe maximum (si quidem vera historia est), potuisse tot homines, collatione inter se inita, secum tam brevi tempore, tam mirabiliter convenire. In magna quippe doctissimorum hominum multitudine rara est judiciorum, sententiarumque de difficillimis rebus concordia.

judicio, penitiorique artis criticæ cognitione cellas momento suo æstimavit, deque illis, ut meritæ fuerant, pronuntiavit incorrupte sententiam (§. 16. II.).

20. Non sum nescius, Nicolaum Nourry de eo magnopere laborasse, ut ab Justino erroris suspensionem depelleret (a). Sed officium ejus conatibus superiora argumenta (§. 16.). Novi etiam, Natalem Alexandrum, summum sane, perdoctumque Theologum id nobis objicere (b), fuisse Justini sententiam improbatam Hieronymo, quod hic undequaque rationes conquireret, quibus Græcæ interpretationis fidem, ac vim elevaret, editioni ut suæ ad Hebræos exactæ codices ampliore auctoritatem adjungeret. Pace tamen viri acutissimi dixerim, id Natalis de Hieronymo non satis neque honorifice, neque verisimiliter suspicatur. Quasi vero homo doctissimus, & quod caput est, vitæ instituto, moribusque sanctissimus ob impotentem quendam erga se, lucubrationsque suas amorem alienæ laudi, ac gloriæ invidisset. Profecto veritatis cancellos non videtur Hieronymus egredi, dum græcos Septuaginta Interpretum codices in eodem cum fonte Hebraico dignitatis gradu collocandos non esse pronuntiat, & peculiari divinæ mentis instinctu, asslatuque conscriptos diffusetur. Neque enim deerant causæ & gravissimæ, & maximæ, quæ Hieronymum, cur ita statueret, permoverent. Deinde virum summum de Græca editione præclara fecisse judicia, nec illam, ut rebus suis prospiceret, plus æquo deprimere, in contemptumque adducere voluisse, conficitur ex iis, quæ tradidit tum comment. in cap. 18. Isaïæ, tum lib. 2. Apologiæ adversus Ruffinum in hæc verba. *Ego ne contra Septuaginta Interpretes aliquid sum locutus, quos ante annos plurimos diligentissime emendatos meæ linguæ studio dedi; quos quotidie in conventu Fratrum ediscero, quorum psalmos jugi meditatione decanto? Audi igitur, emule, perorat alio loco Hieronymus (c), audi igitur emule, obreftator aufcultas, non damno, non reprehendo Septuaginta, sed confidenter cunctis illis Apostolos præfero.*

21. Nihil ergo hæsitantes malumus Hieronymi, quam Justini de cellis approbare sententiam, ea etiam ducti Critices

(a) Appar. ad Bibliot. Max. Pat. Tom. 2. Dissert. 2.

(b) Hist. Eccles. secundæ sæc. Dissert. 11. quæst. 2.

(c) Præfat. in Pentat.

tices regula præclare a Launojo, Tillemontio, Mabillonio constituta, non esse accipiendam historiam, quæ ab auctori-
bus ejusdem, aut ferme ejusdem temporis non confirme-
tur. Ac Baronio ipsi certum, ac deliberatum illud est ad
fabulas ex historia amandandas, *ut quod a recentiori auctore
profertur, contemnatur*. Quanto sit autem Justinus ætate in-
ferior Aristea, nolti. Si quis tamen cum Barbeyraco (a)
propter leviores illos, quos dixi, errores vellet efficere,
omnem Justini auctoritatem concidere, cum de aliis rebus
religionem attingentibus agitur, nã is vehementer erraret.
Certe quoties hæreses prodire, magnum semper veritatis
præsidium, magnam ad tuendam religionem vim in antiquis
Patribus positam esse existimatum est, nec eorum testimo-
nio pondus detraxit, si quid aliis in rebus aut minus acu-
te vidissent, aut minus accurate ex historiæ legibus expli-
cassent. Ita passim se gessisse Athanasium, Ambrosium, Hie-
ronymum, Augustinum, & alios notius est, quam ut oratio-
nem meam, aut cujusquam eloquentiam desideret. Sed Bar-
beyracum dimittam. Satis enim exquisite Prudentius Mara-
nus refellit (b).

22. Venio ad Epiphanium, qui licet in cubiculorum,
constituendo numero ab Justino dissideat, cubicula illa ta-
men, seu cellas suo aperte suffragio comprobavit (§. 14.).
Constat ergo, Epiphanio alium ad manus fuisse Aristeam,
quam qui Josepho, Eusebio, cæteris (ibid.), quemadmo-
dum etiam sententiam tulit Calmetius (c). Sic autem mi-
hi, opinione saltem, persuadeo, Christianum aliquem Scri-
ptorem, Justino jam mortuo, in unum veluti historiæ cor-
pus collegisse, quidquid super LXX. Interpretibus aliorum,
vel libris, vel sermonibus vulgo creditum intellexerat, Ari-
stææ vero insistentem vestigiis novam, atque idem tamen
dissimile, confecisse opusculum, ex quo deinde Antistes Sa-
laminius narrationem suam expresserit. Hoc omnino com-
pertum est, Epiphanium Aristeam multis post annis, quam
Aristeas ille vulgaris conscriptus fuerat, prodisse. Posterioris
enim epistolæ initium, quam Ptolemæus ad Eleazarum de-
derat, laudatque Epiphanius, ab hac sententia dicitur, *the-
saurus*

(a) Lib. de doct. mor. Pat. Eccles. cap. 2.

(b) Præfat. in Opera Just. par. 2. cap. 13.

(c) Dissert. de vers. 70. Interpr.

faurus invisus, & fons occultus, quæ utilitas in utrisque? Eam vero sententiam oculis fere ipsis cernimus ex Ecclesiastici libro (a) depromptam esse. At hunc librum annis centum, & quindecim post Philadelphi mortem, regnante, ut nos credimus, Ptolemæo Evergete juniore, Jesus Sirachides in Ægypto divulgavit. Crediderim præterea, Aristææ libellum, quo usus est Epiphanius, non ante Justinii mortem conscribi potuisse, cum cellarum meminerit, quas omnium primus Justinus scriptis suis Alexandriam induxit. Verisimiliter igitur Antistes ille omnem de cellis historiam vel ex recentiori isto Aristæa, vel ex Justino Philosopho arripuit, tametsi quæ demum causa numerum imminuerit, exputare satis non possum; nec proinde Epiphaniï auctoritas hisce fulta fundamentis tanti est, quæ cellas possit a ruina, & interitu vindicare. Quid enim prolixius hic attinet dicere, quam in reliquis historiæ partibus secum parum cohæreant Justinus, & Epiphanius, quam pugnent autem gravissime cum Aristæa, cæterisque de eodem argumento scriptoribus? Ad remprehendendam sufficiet Epiphaniæ de Mensuris, & Ponderibus librum percurrere.

23. Ergo non sine judicii, atque prudentiæ laude Calmetius tanta, inquit, *sententiarum, rerumque inter Aristæam, S. Epiphaniæ, S. Justinum varietas argumento est apertissimo, non circumstantias tantum, sed & historiam ipsam fideliter esse sublesta (b)*. Qua de re antequam ingredi ad explicandam rationem sententiæ meæ, operæ pretium erit partim necessitatis, partim ordinis, partim detestandæ invidiæ causa nonnulla præponere. Ego enim sic natus, institutusque sum, ut malim quodammodo, si fieri quidem, optarique id posset, errare cum Patribus, quam cum aliis vera sentire, opiniones vero, quas accepi a Majoribus, etsi nihil ad religionem spectantes, ita defendam, ac tuear, vix uti ex illis, cum esse dubias, incertasque reperio, doctissimorum hominum movere me possit oratio. Quod an ex animi sententiâ dicam, aliæ Dissertationes nostræ, in quibus religionis capita aguntur, clarissime docent.

24. Principio igitur liquet, sæpe, ac varie sapientissimos viros in re historica deceptos fuisse, etiam cum de argumentis gravissimis tractaretur, magno cum plausu errores

E

ejus-

(a) Cap. 30. ver. 32. & cap. 41. ver. 17.

(b) Ibidem.

ejusmodi, ac diuturno tempore permanisse, quæque omnibus perspecta, & cognita videbantur, demonstratum postea, vel deprehensum, esse hæc a veritate, immo ab omni quoque veri similitudine aliena. Pleni sunt exemplorum libri. I. Ut ecce, deleta Sardanapali morte veterum Assyriorum imperio, tria alia imperia inde extitisse, alterum novorum Assyriorum a Nino juniore conditum, alterum Babyloniorum a Belesio, seu Nabonassare, tertium denique Medorum ab Arbace, qui Medis ipsis præfuerat, adeo certum Usserius, nobilioresque Chronologi duxerant, ut rem prope manu sibi tentare viderentur. Verumtamen Humfredus Prideauxius in Judæorum historia dilucide demonstravit (a), hallucinatos esse Chronologos, ostenditque, duo tantum prodixisse imperia, Babyloniorum, & Assyriorum, eundem porro esse Tiglat-Pileser, Thilgat-Pileser, & Arbacem, adeoque tertium illud Medorum imperium ab his se junctum in somnium numero reponendum, Assyrios quippe, teste quoque Diodoro Siculo, etiam Medis imperasse. II. Parthorum Epochæ initium hætenus scriptores ad unum omnes in annum urbis conditæ 498. vel 504. conjecerant. Ita Vaillantius, Petavius, alique sexcenti. Magnus tamen vir Eduardus Corfinus, certioribus monumentis productis, accuratissimeque illustratis (b), perspicue effecit, ad annum circiter 525. ejus Epochæ initium differri oportere. III. Similiter in Pontificia historia, nihil permultis sæculis testatus visum est, quam Marcellinum Pontificem Maximum Idolis litavisse, postea vero cum admissi sceleris poeniteret, ad Sinuessana se contulisse Comitia errati veniam impetraturum, Patres autem in hæc verba erupisse, *prima Sedes non judicabitur a quoquam*. Nihilominus quantum fidei huic historię tribuendum sit, norunt etiam, qui Annales sacros vel primoribus labris attigerunt. IV. Liberium item Romanum Pontificem primæ Sirmienti formulæ subscripsisse, in Athanasium tulisse sententiam, sacrorum denique communionem cum pestifera illa Arianorum colluvie iniisse, quis sibi non omnibus anteaetis ætatibus persuaferat? Quanto autem studio Liberii peccatum exaggeraverat Bossuetius (c)? Crimina tamen ejusmodi puras, putasque esse Arianorum

(a) Lib. 1. pag. 1. — 18. edit. Venetz. (b) Dissert. de Minissaro Libur. 1754. & Dissert. in qua dubia a Froelich. proposita diluuntur Romæ 1757.

(c) Defens. Cleri Gallic. par. 2. lib. 14. cap. 35.

norum calumnias, acutissime tandem vidit vir eruditissimus, idemque Sveshonenſis Canonicus, Corgne (a), cujus paullo poſt ſententiam egregie Urſius illuſtravit (b). V. Ego vero non ſolum Liberium, ſed etiam Oſium Cordubenſem Antiſtitem, reclamantibus licet hiſtoricis, omnibuſque Theologiſ, ab omni impietatis labe purgandum, atque tuendum exiſtimo. Video, id improbatum iri doctiſſimo ſane homini Hieronymo de Pratiſ (c); de Oſii tamen innocentia, perpetuaque in ſuſcepta religione conſtantia, multa ego in adverſariis, quæ Hiſpani ſaltem, ſi emittemus in lucem, æquo animo accipient.

Miſſum facio bellum Trojanum, ne cui fortasſe videar intemperanter abuti otio, & litteris. Etſi enim nullæ fortasſe ab omni antiquitatis memoria res geſtæ ſunt tanta teſtimoniorum ubertate, & copia, quanta bellum ad Trojam habitum confirmatæ; litem tamen ea ſuper re intenderunt ſcriptoribus Dio Chryſoſtomus in oratione ὅτι τῆ ἱλίου μὴ ἀλῶσαι, tum Metrodorus Lampſacenus (d), atque ex recentioribus Criticiſ Chriſtianus Adamus, Crociſ, Struvius, nuperimeque Joannes Baptiſta Vicus. Primum igitur, quod mihi propoſitum erat ſtatuer, ſatis confirmatum eſt.

25. Alterum ordine moneo, hiſtoriam de LXX. Interpretibus, qualem Ariſteas, & qui pone illum ſequuti ſunt, memoriæ prodidere (§. 7. 9—14), Auctoriſ Pontificiſ & numero pluribus, & auctoriſtate graviſſimiſ, & religioniſ, probitatiſque laude integerrimiſ ad palatum non ſapere. Non ſum hoc loco commemoraturuſ Ægidium Menagium, multoque minus Richardum Simonium (e), quem ego aliaſ pro virili parte oppugnavi, plurimi vero de intemperantiſ Critice forte poſtularent. At certe totiuſ hiſtoriæ ſummam partim negarunt, partim in dubium revocarunt Auguſtinuſ Calmetiuſ (f), Antoniuſ Pagiuſ (g), du Pin (h), Bernarduſ Lamy (i), Renatuſ Maſſuetuſ (k), Conſtantinuſ Roncaglia (l),

E 2

Anto-

(a) Diſſert. Crit. ſur le Pape Libere. Pariſ. 1732. (b) Hiſt. Eccleſ. ad ann. 357. num. 72. (c) Vid. Not. in Hiſt. Sacr. Severi.

(d) Apud Tatian. in orat. ad Græc. (e) Hiſt. Crit. Vet. Teſtam. lib. 2. cap. 2. (f) Loc. cit. (g) Crit. in Bar. ad ann. 182. num. 4. (h) Diſſert. Prelimin. ſur la Bib. chap. 6.

(i) Appar. Biblic. lib. 2. cap. 10. (k) Not. in Iren. lib. 3. cap. 21.

(l) Ad Natal. Alex. Hiſt. Eccleſ. 2. ſec. Diſſert. 21. §. unico.

Antonius Genuensis (a), Erasmus Gesualdus (b), alii, quorum longum esset annumerare sententias. Sed placet huc verba transferre viri multo eruditissimi, quocum pervetus necessitudo mihi intercedit, Aloysii Antonii Verneii, deprompta ex perpolito de Re Metaphysica opere, quod Romæ annis abhinc quatuor in manus hominum emissum est. *Historiam*, inquit, LXX. Interpretum, quam a Pseudo-Aristea, & Pseudo-Aristobulo veteres hausserunt, omnia falsitatis signa præ se ferre, doctissimi aliqui recentiores luculentissime demonstrarunt. Nec aliquid amplius ex veterum testimonio efficitur, quam Ptolemæi Philadelphi tempore factam esse versionem Græcam legis, cui postea sub aliis Ptolemæis versionem additam reliquorum librorum (c). Hæc eleganter Vernejus.

26. I. Dubitari autem non potest, quod a viro Cl. indicatum est, atque a nobis tertio denique loco constitutum, dubitari, inquam, non potest, Ptolemæis in Ægypto imperantibus, aliquam sacræ Hebræorum scripturæ Græcam editionem adornatam fuisse. Nam & heroicis, Apostolicisque illis temporibus Græca isthæc editio, a LXX. nominata, Interpretibus, reapse obtinebat, quin erat in Christiana Republica pervagatissima, & ipsi præterea Apostoli, Patresque antiquissimi ab Apostolorum ætate proximi veteris exinde, fœderis testimonia in scriptionibus passim suis citarunt. Cui argumento & illud accedit, quod probabile nullo modo est, Hellenistas Judæos in Ægypto commorantes, eosdemque maximam partem nec hebraice, neque chaldaice doctos nulla habuisse divinatorum librorum græce reddita exemplaria, quibus privatim, in publicisque præsertim conventibus uterentur. Aliter ego certe ex Ecclesiastici Prologo rationes subduco. Ibi enim, quod plurimi non perspexerunt, mentio fit interpretationis Græcæ Hebræorum voluminum. En totum locum. *Hortor itaque venire vos cum benevolentia, & attentiori studio lectionem facere, & veniam habere in illis, in quibus videmur, sequentes imaginem sapientiæ, deficere in verborum compositione. Nam deficiunt verba Hebraica, quando fuerint translata ad alteram linguam. Non autem solum hæc, sed & ipsa lex, & propheta, ceteraque aliorum libro-*

(a) Element. Metaph. par. 3. Schol. 1. ad propo. 37.

(b) Osservaz. Critic. sopra la Stor. della Via Appia.

(c) Lib. 3. cap. 7. in Not.

librorum non parvam habent differentiam, quando inter se dicuntur. Teste igitur Ecclesiastici Interprete, sacri Hebræorum libri in Græcam linguam translati fuerant, imperante, cujus ætate ille floruit (§. 22.), Ptolemæo II. Evergete. Est autem in promptu germana, quæque una maxime veritati nititur, causa, quæ Græcam illam, Ptolemæis Regibus, interpretationem induxit.

II. Alexander, urbe, quam a suo appellaverat nomine, in Ægypto exædificata, & postea Ptolemæus Soter ingentem Hebræorum vim, multitudinemque Alexandriam acciverant, ut sedem hic, & domicilium collocarent, Soterque, ut docet Josephus (*), easdem Hebræis immunitates liberaliter fecerat, quibus Græci æque, ac Macedones utebantur. Major Hebræi, nedum magna Alexandriæ pars, Græcam linguam addiscere necessitate coacti sunt, atque ob perpetuum cum Græca hominum natione commercium, græce præterea loqui. Exinde factum est, ut, quod antea eorum, Majoribus in Chaldæa contigerat, avitum loquendi morem dedicerent, Græcis paullatim sermoni, & linguæ assuefacti. Tanta est scilicet in utramque partem consuetudinis vis. Itaque procedente sensim tempore cum Alexandrini Judæi nec hebraice scirent, nec vero chaldaice, sponte ipsi sua sacros codices græce interpretati sunt, Græcisque hisce codicibus tum Alexandriæ, tum in omni Ægypto vulgo uti & publice, & privati cœpere. Hinc vero mos pedetentim invaluit, ut a Græca, quam usurpabant, & lingua, & lectione peculiari Helenistarum nomine vocarenrur, cum cæteri, qui in sacris conventibus linguas Hebraicam, & Chaldaicam adhibebant, Judæorum Hebræorum nomen retinerent. Cujus distinctionis in Apostolorum Actis initio capitis sexti luculentum habes indicium. Atque ab his quidem initiis Græca demum nata, atque profecta editio est, cui postea bonus ille Aristæus libello suo fidem ut facilius, illustrioremque auctoritatem conciliaret, speciosum, ac splendidum LXXII. Interpretum cognomentum fidenter attribuit.

Principio sola Mosaica lex Græcis litteris tradita, quod sola lex, unus scilicet Pentateuchus jam inde ab Esdræ memoria in sacris Hebræorum conventibus per festos dies legeretur, quemadmodum infra docebitur. Ubi autem, Rege

An-

(*) Lib. 2. cont. Apion. & alibi.

Antiocho Epiphane, Prophetarum libros publice in Judæa legendi consuetudo recepta est, Hebræi Alexandrini in religionis cæremoniis ad Palæstinorum usus, consuetudinesque accommodare res suas soliti, divinos quoque vates interpretati græce sunt, donec tandem aliqui de privatis Hebræis reliquos libros Græco sermone in usus populares, atque domesticos illustrarunt, atque ita editio, quæ LXX. Interpretum dicitur, aliquando tandem absoluta. Hæc fere nos de celebratissima illa editione, & quidem non sine causa, statuimus, ac sentimus.

27. Nam quod Aristeas, cæterique Scriptores testificantur, LXXII. Hebræos Interpretes jussu Ptolemæi Philadelphi, Demetrii Phalerei consiliis, consensuque Eleazari summi Judæorum Pontificis sacras litteras in insula Pharo græce reddidisse, historiam hanc esse cum viris eruditissimis ducimus (§. 25.) falsitatis vehementer suspectam, quæque apud attentum, atque ad Criticæ disciplinæ leges bene informatum Theologum reperire fidem non potest. I. Etenim cum Aristeas personatus scripserit, verba sæpissime dederit, ejusque libellus totus mendaciis, & erroribus scateat (§. 15.), posteri autem Scriptores, maximam saltem partem, Aristææ testimonio, aut futilibus Judæorum narrationibus, veluti fundamento, innitantur, perspicue statim efficitur, universam id genus historiam in commentis ponendam esse. Sed ne pressius dixisse videar, & ne quis forte respondeat, tamen Aristææ liber apocryphus, suppositusque haberi debeat, non continuo tamen rejici, atque repudiari posse, quam, narrat, historiam, ipsam hic controversiæ summam, rerumque gestarum veritatem, ac seriem particulatim expendemus. Etenim quamvis argumentum, qua ratione a nobis conclusum est, gravissimum censeamus, juvat tamen liberaliter agere, & adversariis indulgere.

II. Majores nostri LXX. Interpretum editionem religioni Ptolemæi Philadelphi, ejusque in divinam legem pietati, ac studio, tanquam causæ, non verentur adscribere. Ptolemæum idcirco Principem fuisse perhibent maximarum, plurimarumque virtutum laude cumulatum. Nec minus præclara de Demetrio regiæ Bibliothecæ præfecto judicia faciunt, quem præterea, quod divinos Hebræorum libros etiam, atque etiam Philadelpho commendaverit, suis ornant sententiis,

tiis, ultro mandantes memoriæ laborum, operæque ejus præconium. Profani tamen Scriptores, qui penitius par illud hominum nobilissimæ a introspicere potuerunt, Ptolemæum in primis omni scelerum sceditate inquinatum describunt, impurum, intemperantem, crudelem, duorum fratrum interfectorem, libidinibus mire deditum, cui, cum satis non essent concubinæ permultæ, turpe visum non fuerit sororem quoque in matrimonium ducere, quam vita deinde sanctam referre inter cœlites cum uxore Berenice studuerat. De nuptiis initis cum sorore Arsinoe, Philadelphus a Sotade etiam libere reprehensus. De Diis autem tradunt, ab eo Serapidem impotenter cultam esse. Constant hæc ex Pausania lib. 1. ex Athenæo Dipnos. lib. 13. ac Plinio lib. 34. cap. 14. Quid vero de Demetrio Phalereo? Scilicet Demetrium nobis exhibent, veluti hominem crapulæ appetentissimum, insigniter prodigum, omnibus cupiditatum illecebris irretitum, amoribus implicitum obscœnissimis, facie pariter, coma, unguentis delibutum, fucatum pigmentis, calamistratum, ore, vultu, totiusque corporis habitu muliebri nescio quid præ se turpiter ferentem ne, an olentem? Addant, eo etiam tempore Demetrium & libidinosæ & scelestæ vixisse, cum Atheniensis custos, gubernatorque reipublicæ gravissimis in reos poenis animadvertebat (a). Quæ cum sint, quis amabo, sibi facile persuaserit, Philadelphum, ac Demetrium de Hebraicis voluminibus græce transferendis cogitasse? Cum præsertim odiosissima illis deberet esse lex, quæ tam foeda vitia, ac scelera, tam contaminatamque superstitionem conceptis verbis impietatis damnaret.

At Deus hanc mentem hominibus, & voluntatem iniecit. Qui vero id probes? Est hoc enim necessitatis causa, divinare, non argumenta refellere. Exempla deinde ex sacris petita litteris omnem ei conjecturæ locum præcludunt. Nam quod David multum sanguinis effudisset in præliis, noluit Deus, ut sibi templum construeret.

III. Fac tamen, deliberatum fuisse Ptolemæo, atque Demetrio, ut sacri Hebræorum libri græce verterentur. Vacillat adhuc historia. Nihil enim aliud Regi in mentem venisset, nisi ut alicui, vel pluribus Judæis Alexandriæ com-

mo-

(a) Athen. Lib. 13. Dipnosop.

morantibus provinciam daret. Siquidem est plane incredibile, Hierosolymas Regem misisse, ut divinorum librorum exemplar, atque Interpretes postularet. Quasi vero apud tot Judæorum millia, qui tunc temporis Alexandriæ habitabant (§. 26. II.), nullum esset exemplar, nulli, qui libros interpretari græce possent. Nonne illud ridiculum, quod ab Aristea traditur, affirmante Demetrio, *Judæorum leges dignas esse, quæ describantur, & in Bibliotheca reponantur, sed interpretatione indigere*, respondisse Regem, scripturum se ad Judæorum Pontificem, ut legis exemplar, ut Interpretes ab eo obtineret? Atqui ignorare non poterat, in urbe sua Alexandria ingentem florere Judæorum multitudinem. Qui ergo sumere potuit quasi pro concessio, & probato, nullum esse apud illos divinorum exemplum voluminum, neminem porro, qui græce, & hebraice sciret? Non est igitur simile vero, Ptolemæum Regem & sacros libros, & eorum Interpretes Hierosolymis accivisse.

IV. Ac certe id operis, de quo disserimus, ab Alexandrinis, non ab Hierosolymitanis Judæis susceptum esse, ex Alexandrinis loquendi formulis colligo, quibus passim editionem illam referferunt Interpretes. Hebraica pondera situ exprimunt Alexandrino didrachmum vocantes, quod Josephus, atque Evangeliorum auctores tetradrachmum dicere; id vero ea sane de causa, quia drachma Alexandrina duplo pondere Græcæ præstabat. At Aquila Interpres, qui Alexandrinus non erat, siculum Hebraicum non didrachmum reddidit, sed tetradrachmum. Quo de argumento copiosius Bernardus Lamy (a). Mensuram Epaph nostri illi in Levitico, in Numeris, in Ruth non exponunt more Hebræorum, sed scribunt ἐπι, ut vocem scilicet pronunciabant Ægyptii. Hinc Hieronymus: *mensura, quæ apud Hebræos dicitur Epaph, crebroque a LXX. ἐπι vertitur* (b), verbum, teste Hesychio, Ægyptiis usitatum. Vocem Thummim, quæ Hebræis *perfectionem* significat, in toto Pentateucho *veritatem*, idest ἀλήθειαν reddidere. Causam, si quæris, in promptu est. *Judices apud Ægyptios*, ait Ælianus (c), *quondam erant Sacerdotes. In his princeps erat maximus natu, & in omnes statuendi jus habebat*. . . . Circa collum autem imaginem

(a) De Tabern. Fœder., ubi de pond. & mens.

(b) Comment. in Zachar. cap. 5.

(c) Lib. 1.

ginem ex sapphiro gemma confectam gestabat, quæ vocabatur veritas, καὶ ἐκαλεῖτο τὸ ἀγαλμα Ἀλήθεια. Clarius Diodorus. Gestabat is, qui iudicii præerat, in collo ex aurea catena dependens et lapillis prestigiosis simulacrum, ὃ πρὸς στήθεσιν Ἀλήθειαν, quod vocabant veritatem. Habes igitur ad petitionem. Vides enim ex his testimoniis, Thummim maximi Judæorum Pontificis plurimum convenire cum imagine illa, quæ a supremi Judicis collo dependens veritatis apud Ægyptios nomen acceperat, atque adeo Interpretes maluisse Hebræorum Thummim veritatem, quam perfectionem appellare. Ex quo perspicuum est, illos & fuisse Ægyptios potius, quam Palestinos, & Ægyptiorum mores, ac ritus penitus pernovisse. Ex Ægypto etiam arcessendum Isaïæ interpretem facile intelligitur ex versu 10. capitis 5. ubi mentio artabæ; quæ res genus mensuræ fuit familiaris apud Ægyptios, a quibus ad Alexandrinos in vitæ usus communes commeaivit. Sic igitur fons Hebraicus: *Ὁ σementis eboer faciet Ephad*: Latina editio, *triginta modii sementis facient modios tres*; Græca autem, καὶ ὁ σπείρων ἀράβας ἑξ, ποιεῖται μέτρα τρεῖς. Fuisse vero artabam non Græcam, sed Ægyptiacam, vel Alexandria mensuram, testantur complures. Hieronymus enim in hunc locum, *qui hebraice dicitur eboer, LXX. verterunt ἀράβας ἑξ, quæ mensura Ægyptiaca est, & facit modios viginti*. Eucherius Lugdunensis Antistes: *artabe in Isaïa Ægyptiorum mensura (a)*. In eandemque sententiam loquutos video Aristophanis Scholiastem, Suidam, Q. Rhemnium Palzmonem, Memnonem Heracleotem, Polybium. Quæ vox Jobi cap. 8. v. 11. juncum generatim significat, interpres, tanquam Ægyptius, papyrus reddidit, quia planta Ægyptiis papyrus notissima, similiterque Isaïæ cap. 19. Hinc Hieronymus: *pro juncis papyrus LXX. translulerunt, de quo charta fit*. Certum est autem, papyri vocem esse Ægyptiacam, quemadmodum ipsam plantam Ægyptiis pene peculiarem, & propriam. Nam Ovidius:

Perque papyriseri septem sua flumina Nilus (b),
post Ovidiumque Lucanus,

..... *cum tenet omnia Nilus,*
Conseritur bibula Memphis cymba papyro (c).

F

Præ-

(a) Nom. Hebr. interp.

(b) Lib. 12. Metamorph.

(c) Lib. 4.

Præsto est tandem, ne longiores simus, generale argumentum, quod nobis opportune suppeditat Græcum Lexicon anno 1532^a Lutetiæ in lucem editum a Michaele Vascosano, cujus illa inscriptio, Τῶν ὀνομάτων Ἀττικῶν συλλογή. In eo Lexico hæc verba reperiuntur: τὸ καθὰ οἱ Ἀττικοὶ χεῖνται, τὸ δὲ καθὼς ἑτέροις, ἀλλ' ἢ τῶν Ἀλεξανδρίαν διαλέκτος, καὶ ἢ ἡ θῆα γραφὴ γέγραπται. Attici dicunt καθὰ, nunquam καθὼς. Hoc vero est dialecti Alexandrinorum, quæ scripta est divina Scriptura. Divinorum ergo librorum Interpretes Alexandrinos fuisse, non, jubente Ptolemæo, ac suffragante Eleazaro, venisse Hierosolymis, ipsa per se loquitur res nullius oratione, nec artificii illustrata.

V. Duo infra tanquam in loco ostendemus, Septuaginta, quos appellant, Interpretes non omnes Hebræorum libros, sed tantum Mosaicos græce vertisse (§. 38.), Græcam vero illam interpretationem, postquam elaborata est, plane ignotam Gentilibus, diu in latebris cæcisque tenebris penitus latuisse (§. 43.). Utrumque autem argumento est apertissimo, interpretationem ejusmodi non jussu, & auspiciis Ptolemæi Regis, non hortatibus, & cura Demetrii, sed sponte a Judæis suorum commodis, atque utilitatibus esse adornatam. Profecto si Regis, si Demetrii desiderio editio deberetur, satis firmam reddere rationem non posses, cur illi Mosaicos tantum, non cæteros etiam libros Græcis litteris explicari voluerint. Si sponte Judæi opus susceperunt, nihil mirum, quod solum Pentateuchum ex hebræo in græcum converterint, cum moris esset per eos dies, ne quid præter legem in publicis Hebræorum conventibus legeretur; id vero maxime omnium admiratione dignissimum, homines gentiles, atque adeo, ut fertur, curiosos, & cupidos cognoscendi res, doctrinam, & cæremonias Hebræi populi, de solis Mosaicis libris, non de aliis quoque fuisse sollicitos. Atqui talia narrantur in Psalmis, in Prophetarum voluminibus, in reliquis, quæ indoctorum etiam hominum studia excitent, & curiositatem alliciant. Sed concedatur rursus, in mentem Demetrio, Ptolemæoque venisse, divini ut libri græce transferrentur, atque in Bibliothecam Alexandrinam abderentur. Quis unquam tantas res tanto apparatu susceptas, tot laboribus, tanta celebritate, tanta magnificentia confectas ignorasset? De his tamen silentium est consentiens auctorum, omnium,

omnium, qui de Philadelpho, aut Demetrio mentionem fecerunt. Nemo paullo eruditior ex profanis hominibus, atque scriptoribus nescire potuisset libros illos, qui tantorum virorum studiis maximam essent celebritatem adepti, nemo potuisset negligere. Si forte quæris, unde hoc constet, sacros codices longo apud Ethnicos intervallo temporis prorsus ignotos, & neglectos fuisse, de hoc, ut dixi, infra videbimus.

VI. Nunc velim, rationes diligenter putemus, & quantam pecuniæ vim in eam, quam quærimus, editionem Ptolemæus Philadelphus profuderit, inquiremus. Erit sic facilius de tota historia constituere. Captivos, teste Aristea, in libertatem vindicat, numeratis talentis 660. amplius, Hierosolymitano templo muneri vasa mittit argentea, quæ talentis 70. æstimantur, aurea vasa magnifice, & pretiose, cælata, quæ 50., gemmas fulgidissimas ad illuminanda vasa, quæ 250., in sacrificia vero, atque in alios templi usus talenta 100. impendit. Sumptuum nondum hic finis. Vix enim LXXII. Hebræorum sapientes Alexandriam perveniunt, cum ecce senes spectatissimos 3. viritim, idest 216. talentis conjunctim remuneratur, abeuntes autem rursus 2. viritim, talentis aureis, aureo item poculo, quod 1. talentum penditur, tum alia supellectile liberaliter donat. Quæ pecuniæ vis si in summam redigatur, prodibunt talenta argentea 1046., aurea 516., libræ vero Sterlingæ Anglicanæ 1918537 $\frac{1}{2}$, nimirum Scellini præterea 10. His adde viaticum, sumptuosa adde munera missa Eleazaro, adde cibaria denique Alexandriæ Interpretibus laute, ac splendide præbita, deprehendensque, Ptolemæum Regem lib. Sterling. 2000000. plus impendisse, quæ Romano putatæ more argenteorum nummorum milliones plusquam octo conficiunt⁵. Hæc autem

F 2

pe-

⁵ Superiorem autem calculum, si lubet, perspicuitatis gratia sic inibis. Cum proportio aurum inter, argentumque hodie apud Anglos recepta (Vid. Prid. Præfat. in Histor. Judæor.) sit 16 : 1, talentum aurum 16. putari debet argenteis. Jube igitur, talenta argentea abire in aurea usus divifore 16; prodeunt talenta aurea 65 $\frac{1}{2}$, quæ addita aliis talentis aureis 516., efficiuntur 581 $\frac{1}{2}$. Porro aureum talentum secundum rationes a D. Bernard subductas Sterlingis libris constat 3300. Quare talentis in libras ductis, reperies tandem, esse factum lib. Sterling 1918537 $\frac{1}{2}$, quod inquirei oportebat. Cæterum Atticum hoc loco talentum accepimus; si vero ad urbem, ubi

pecuniarum pro illa in primis ætate cum immensa sit vis, non hercle crediderim, Ptolemæum, etſi opulentiffimum, hominem, tantos in unum librum ſumptus facere voluiſſe, cujus alioquin neque ipſe Rex, neque regni proceres, & optimates, quamdiu Paganiffimum profitebantur, magnam habituri eſſent rationem: adeoque hoc etiam nomine hiſtoria LXX. Interpretum longe incertiſſima videri debet. Erravit autem magnopere Lightfootus (a), cum inito calculo ait, Ptolemæi ſumptus ſummam conficere minimum mille talentorum. Talenta enim argentea ſunt, ut poſui, plura; ſi vero loquatur de aureis, minor profeſto ſumma eſt (Not. 5.).

VII. Jam tamen liberaliter adverſariis, Natalique præſertim Alexandro (b) daremus, non ſolas Judæ, Beniamin, & Levi Tribus, Ptolemæo Philadelpho regnante, in Judæa habitafſe, immo & Tribuum nomina commodè adhuc potuiſſe internofci; ad illam tamen tuendam, ac retinendam hiſtoriam tria ſumi debent, quæ ſingula moleſtiæ afferunt, ac ſollicitudinis plurimum. Scilicet hæc ſumas, necelle eſt, 1. ex qualibet Tribu magnam per id temporis hominum multitudinem domicilium in Judæa habuiſſe; 2. fuiſſe in unaquaque complures, qui Hebraicæ linguæ ſcientia plane excellerent; 3. ex his etiam fuiſſe plurimos in Græcis litteris verſatiſſimos, quo deinde ſeni poſſent ex ſingulis Tribubus deligi ſacra Hebræorum volumina græce reddituri. Verum tria hæc diſtincte, ipſa per ſe, multoque magis coacervata cum omni veriſimilitudine perſpicue pugnant, habita temporis, quo res contigiſſe creditur, ratione. Etenim in Judæa nulla magna erat Græcæ diſcendæ linguæ neceſſitas, Hebraica in familiari, & quotidiano ſermone dudum in deſuetudinem abierat, chaldaice, ut compertum eſt, ea tempeſtate Judæis loquentibus, exacta vero Babylonica ſervitute, perpauci ex nonnullis reliquarum decem Tribuum, non aliqui ex ſingulis Tribubus in patriam cum Tribu Judæ, & Beniamin redierunt. Quo fit, ut fere ἀδύνατον cenſeam, vel ex qualibet Tribu ſex, vel ex omniſpromiſcue Hebræo populo LXXII. viros eli-

gi
ubi tota perafſa res eſt, convenienter Alexandrinis talentis uti malis, quemadmodum etiam Scriptoris conditio poſtulat, cum ſingula libris conſtent 7100, ſumma duplo plus augebitur, cogemurque affirmare, Ptolemæum argenteos nummos, pluſquam ſexdecies centies milles impendiſſe. Adepot! Quanti, & quam proſuſi ſumptus! Fuit ne quiſquam tam proſuſus nepos?

(a) Rabb., & Thalm. Expoſ. (b) V. H. E. in 6. Mun. &c. Diſſ. 8. prop. 1.

gi potuisse iis ingenii, animique ornamentis, atque virtutibus præditos, quæ in tam augusti Collegii, quale Aristæus describit, Patres convenirent.

VIII. Quamquam nulla fatis idonea, nec apta ratio produci potest, cur septuaginta duo viri ad eam obeundam provinciam Hierosolymis Alexandriam mittantur. Nam ad sacros codices Græcis tradendos litteris ne octo quidem hominibus opus erat, ut proinde vetustiores Thalmudistæ nonnulli quinque Hebræos solum eam in rem incubuisse testentur non sine verisimilitudinis specie. *Extat narratio*, inquit, *de quinque senioribus, qui legem Ptolemæo græce transcripserunt* (a), nec valde repugnant posteriores Rabbinæ. Quare ex hoc, proximeque superiori argumento sic statuo, totam de Hierosolymitana illa legatione historiam ab Judæo quodam Alexandrino confictam esse, qui nihil frequentius, quam magnum Hebræorum Synedrium, nihil crebrius, quam duodecim Hebræorum Tribus animo recolebat ⁶.

28. Pa-

(a) Traët. Masséchet Sopherim cap. 1.

⁶ Argumenta vero hæcenus exposita nullo modo infirmat, nec diluit homo in Theologicis rebus vanissimus Gulielmus Wisthonus, qui nupè hoc sibi oneris imposuit, ut prope extinctam, atque intermortuam Aristæi gloriam excitaret. In anno 1724. cum librum ederet, cujus inscriptio latine a me redditur: *Complementum litterale Prophetiarum Scriptura*, Appendicem subiecit, ubi traditam ab Aristæa historiam ab omni falsitatis nota, & fraudis suspitione vacare ostenderet. Quo ego loco satis pro merito mirari nequeo hominis ingenium. Nam qui tantopere in tuenda Aristæi fide desudat, is Cantieorum libro divinam auctoritatem derogare non metuit, nec veretur dicere, vetus Testamentum ita corruptum, mutilatumque esse, compluribus ut careat testimoniis, quæ Evangelici Scriptores exinde profecta excerpserunt. Egregiam sane rationem Deistas oppugnandi. Novam, profecto artem docendi, quod veterum de Dei Filio oraculorum veritatem, ac fidem exitus postea luculenter comprobavit. Apagæ nugæ. Quis hunc hominem talia comminiscens reformidet? Præstabat, ut Astronomum ageret, ne Heterodoxis etiam, lichenis in primis, Nonnensio, Carpio (Cris. Sac. par. 3. cap. 4.), a quibus confutatus acerrime est, temeritatis pœnas daret. Præclare vetus proverbium.

Quam quisque novis artem, in hac se exercent.

Sed interea quæret fortasse aliquis, quid lucri, quæ utilitas ex nostrâ sententiâ in Theologiam redundet. Præter ea, quæ in promptu sunt, & proposita omnibus, id etiam commodi capiemus, ut nihil necesse sit cum Uslerio duplicem 70. Interpretum editionem consingere, alteram germanam, æt veram, quæ Ptolemæo Philadelpho Rege apparari cœpta est, & in Alexandrinæ Bibliothecæ, ubi reposita fuerat, incendio perit (Vid. §. 42.), alte-

28. Papæ! inquis. Quidquid igitur de LXX. Interpretibus circumfertur, te iudice, fabellam olet. Personatus Aristeas, commentitiæ Alexandrinæ cellæ, vanæ, & fuitiles Judæorum Hellenistarum narrationes, ipsa historiæ summa falsitatis suspecta. Est ne quisquam tam parum acute cernens, qui fidem tibi sit habiturus? Risum enim, & stomachum moves. Tu vero egregie, perbelle. Verumtamen omnem ego disputationem rationum momentis, non verbis, atque Plautino sale transigendam existimo. Hem, noctuus Athenas quæris? Nam principio historiæ summam adduci in quæstionem non posse, illud documento est locupletissimo, quod Judæi Ægyptii, Philone teste, ejus rei memoriam die festo anniversario consecrandam existimaverint; Palæstini vero ob sacros libros græce conversos solemne indixerint jejunium, de quo ita in Judæorum Kalendaris ad viii. Tebeth, sive Decembris: *Jejunium propter translationem legis in græcum*. Deinde Aristobulus, auctor gravissimus, & pervetustus, quidquid memoriæ proditum ab Aristeæ est, in suis Commentariis diserte comprobavit. Christiani autem majorum gentium Patres mirandum in modum cum Aristeæ, Philone, Aristobuloque consentiunt. Præterea trita illa negata historia, Græcæ editionis elevatur, & vacillat auctoritas; quod ne accidat, religiosissime præcavendum est. Postremo, nisi historiæ summa vero niteretur, ea de re *non tam stabilis opinio permaneret, nec confirmaretur diuturnitate temporis, nec una cum sæculis, ætatibusque hominum inveterare potuisset*. Etenim

alteram spuram, & apocrypham, quæ, regnante Philometore, inlata sit, & in alterius locum subrogata, quæque tametsi ab Hebraicis fontibus sæpius aberraret, tanquam germana tamen, ac propria 70. Interpretum editio opinione hominum habebatur, solaque ad posteritatem permanavit. Equidem Valesius plenioribus datis ad illum literis (extant in sin. Tom. i. Euf.) singularem Usserii opinionem refellit; idque doctissime; sed quamquam manifeste ostenderit, unicam semper 70. adscriptam Interpretibus editionem fuisse, quæ ratione tamen ad nostram usque ætatem viguerit, vix a magno alioquin viro patefactum invenies. Nostra autem facilissima, atque expeditissima confutatio est. Cum enim interpretationem illam Judæi Alexandrini non conjusquam jussu, sed sponte sua susceperint, ut privatim, ac publicè legi, atque intelligi posset, ejus exemplaria passim Judæorum manibus terebantur, non unicuique in Alexandrinam Bibliothecam illatum est. Itaque commode in manus nostras pervenit. Quibus ex rebus illud etiam efficitur, Usserii opinionem ea implicari Dialecticorum fallacia, quæ sumit pro concessio, & probato id, quod in controversiam cadit.

nim videmus, ceteras opiniones fictas, atque vanas diuturnitate temporis extabuisse. Quis enim hippocentautum fuisse, aut chimæram putat? Opinionum enim commenta delet dies, naturæ judicia confirmat. Atque his Ciceronis verbis (a) causam perorant contrariæ disciplinæ Theologi.

29. Rationes tamen ejusmodi facile possumus, quin etiam accurate, nisi nostra nos fallit opinio, expedire. Philonis enim de die festo testificatione magnopere non movemur. Nam ubi rumores, narrationesque illæ de sacris codicibus LXX. Interpretum opera græce editis increbuerant, perque Judæorum animos alte pervaserant, non hercle factum fuit difficile festum deinde diem publica etiam auctoritate, quotannis agendum decernere, quemadmodum Philone vivo agebatur, ut tam præclari facti jucundissima permaneret apud posteros recordatio. Cui enim, oro, cognitum, perspectumque non sit, quam multa, decurso aliquo temporis spatio, institui identidem soleant ad renovandam, repetendamque rei memoriam, quæ etsi vulgo veluti certa, & testata habeatur, nullum tamen, nisi fortasse in multitudinis cerebro, stabilitatis habet præsidium? Quod nisi indoctorum hominum invidiam, atque offensionem timerem, explicarem hic tum libenter, tum pluribus etiam verbis diligenter. Sed malo quibusdam videri nimis timidus, quam parum prudens. Itaque etsi Calmetius, præeunte Marshamo (b), festum illud, & anniversarium diem Alexandriæ institutum, cujus Philo meminit, fabulæ loco numerandum existimet, viro tamen eruditissimo non assentior, cum incredibile sit, Philonem de facto sui temporis scribentem tam aperte, atque insulse mentiri potuisse.

30. Longe tamen abhorreo ab opinione Scaligeri jejunium a Palestinis Judæis indictum agnoscentis (c). Ea enim instituti jejunii causa fuisse fingitur, quod Græcam interpretationem odio haberent, & tanquam pestem execrarentur. At Flavius Josephus, Judæus ipse Hierosolymitanus, vir magnus, atque eruditus, idemque in primis Sacerdos de interpretatione illa Græca, totoque editionis negotio ex Aristea magnifice loquitur. Magnifice etiam loquuntur, ac ne de facie quidem norunt jejunium antiquissimorum Hebræorum complures, quos

cer-

(a) Lib. 2. de Nat. Deor. sub initium.

(b) In Chron. Can.

(c) In Euseb. num. 1734.

certum est, Interpretes divino quodam spiritu afflatos putasse. Maimonides autem apud Morinum (a) jejunia gentis suæ enarrans istud, de quo agimus, omnemque illius historiam præterit, cum tamen commentitias aliorum jejuniorum causas, probatisque historiis contrarias eodem loco persequatur. Itaque quod in hodiernis Judæorum Kalendaris istiusmodi celebretur jejunium, nullius est ponderis, immo ipsa fabula, ponenda in lucro. Argumento enim non obscuro esse poterit, Rabbinos, qui jejunium constitutum esse fixerunt, tum illos, qui adhuc putidiorum fabulam de triduana caligine, commenti sunt, cæteros denique omnes, quibus Græca interpretatio odiosa, atque execrabilis, non omnino sibi induxisse in animum, rem viris doctissimis Hierosolyma Alexandriam missis, & Pontificis Maximi auspiciis acceptam referri oportere. Alioquin nunquam adeo delirassent, ut ista confingerent. Quemadmodum etiam parum verisimile arbitror, posteriores Judæos, ut Aquilam, novam interpretationem aggressuros fuisse, si certum putassent, priorem illam confectam summi Pontificis, magnæque Synagogæ auctoritate, & quod caput est, a septuaginta duobus hominibus delectis a Pontifice, qui græce, & hebraice tam belle scirent, quam qui bellissime. Sed jam duabus adversariorum rationibus cumulatissime satisfactum est.

31. Quod autem Aristobulus de Græca divinorum voluminum editione commemorat, ex Aristeæ, cujus jam opusculum erat apud Judæos Alexandrinos in gratia, desumptum crediderim, nec proinde, si quidem in re Critica non cæcutio, facere fidem potest. Dicam audacter, Aristobuli auctoritati qui nititur, Sisyphum infelicitè imitatur, qui verfat, monente apposite Tullio,

Saxum sudans nitendo, neque proficit hilum (b).

Floruit Aristobulus (c) anno 188. Aæræ, ut vocamus, Contractum, nimirum totis 152. annis, postquam fertur ea editio adornata; quæ temporis diuturnitas plane sufficit, ut Aristeæ commentum confingi posset, propagari, excipi, magnoque cum plausu, & assensu hominum comprobari. Cogitemus enim, Aristeæ opusculum post annos 100. a Græcæ editionis epocha conscriptum esse; ambigi nequit, quin post

(a) Lib. 1. Exercit. 8. cap. 3.

(b) Lib. 1. Tuscul. num. 5.

(c) Lib. 2. Machab. cap. 1. ver. 10.

post 100. annorum spatium intelligentes, doctique homines, qui fraudem detegere potuissent, e vivis exceſerint, unaque in oblivionem abire potuerint documenta; quæ rursus Aristæ mendacia luculenter patefecissent; anni vero reliqui duo, & quinquaginta plus etiam satis ad opus late disseminandum, eidemque apud aliquam nationem conciliandam, auctoritatem historiæ, si id præsertim nationis interſit. Itaque & confidenter, & sine contracti erroris suspitione potuit Aristobulus vanas illas, ac futes Aristæ narrationes exſcribere, approbandasque poſteris propinare.

32. Sed nec defunt acutiſſimi ingenii viri, qui cum Simonio, & Prideauxio Aristobuli in Libros Moſis Commentarios genuinum non eſſe, germanumque hominis fœtum merito arbitrentur. Hæc enim apud Euſebium (a) Aristobuli oratio: ante Alexandrum Macedonem divinam Hebræorum legem in Græcum sermonem, etſi non ſatis concinne translata fuiſſe, illam Socratem, Platonem, Pythagoram ſtudioſe perlegiſſe, atque ex hiſce fontibus priſcos Græciæ Philoſophos divinarum, humanarumque rerum ſcientiam hauſiſſe, atque expreſſiſſe. Utrumque tamen vacillantibus ſultum eſt fundamentis. Nam ante LXX. Interpretes vetuſtiorum aliquam Moſaicorum librorum Græcam interpretationem extitiſſe, probabilitatis, me quidem iudice, parum habet. Id enim & ſola loquuntur fragmenta Aristobuli, nec cum Aristæ narratione cohæret, nec Hebræis editio ejuſmodi opus erat, antequam Alexandriam incoherent, nec iidem ſacrarum litterarum, tanquam paternæ hæreditatis, cuſtodes ſtudioſiſſimi divinos libros cum exteris populis communicabant, nec denique, ſi Aristobulus non mentiſtur, novam neceſſe fuiſſet editionem ordiri, ſed veterem potius Judæi expoliſſent, a mendis, & erroribus expurgaſſent. Neque vero illud juvare Aristobulum poterit, quod inter Moſis, veterumque Philoſophorum dogmata, atque ſententias mira quædam reperiatur ſimilitudo, ut hi proinde illius diſciplinam derivare in rem ſuam debuerint. Siquidem hæc omnia vel doctrina a Majoribus ſibi per manus tradita, vel ſola etiam natura duce rite cognoscere, planeque aſſequi potuerunt. Etenim rationis lumen manifeſte ob oculos ponit, Deum unum eſſe, ſapientiſſimum, optimum, qui nec invidia teneatur,

G

tur,

(a) Lib. 13. Præpar. Evangel. cap. 12.

tur, nec gratia, Mundum ab illo ortum duxisse, ejusque consilio, ac providentia administrari, animorum in terris nullam posse originem inveniri, eosdem post mortem corporis vivere, nedum superesse, homines ad communitatem, societatemque vitæ esse natos, debere idcirco diligere, & amare inter se, stupra, adulteria, furta, mendacia, peccata omnia fugienda, præclare facta laudanda, honestis denique, probisque viris, ut finem faciam, præmia deferenda, ut contra impios animadversione pœnæ a sceleribus revocandos. Hinc tot illa degendæ vitæ præcepta, quibus pleni sunt Philosophorum libri. Quæ cum sint, necessitate nulla cogimur confirmare cum Aristobulo, veteres Græciæ Philosophos optimam doctrinarum suarum partem ex sacris litteris, Moisaicisque fontibus excerptisse, quemadmodum adversus Huetium gravissimi homines luculenter demonstrarunt. Mirumque idcirco videri non poterit, si ealex, verbi gratia, quæ apud Hebræos scæminas hæredes tribulibus suis nubere statuit, apud Athenienses quoque, natura duce, per Solonem floruerit, & si legem Mosis caventem, ne Hebræis Hebræi serviant, in sua etiam Republica adhibuerit Plato, Græcisque præscripserit.

33. Ex his interea conjecturam nonnulli faciunt, Aristobulianum Commentarium adulterinum opus esse ab Helenista quodam Judæo conscriptum multis post annis, quam fingitur exiisse; eoque magis corroboratur suspicio, quod illius omnium primus meminerit Clemens Alexandrinus, Philone præsertim, & Josepho silentibus. Si quo enim Aristobulus Commentario anno 138. circiter Æræ Contractuum libros Mosis illustrasset, cum & excellens, ut traditur, Philosophus, & homo apud Judæos gratiosissimus fuerit, certe quidem & Philo, & Josephus nobilissimi viri opus ad usum traduxissent suos, cum laude saltem, atque honoris causa aliquando appellassent. Nunc autem mirum apud ambos silentium. Nec argumenti vim elevat Vossius, cum ait, Josephum ne Philonis quidem operum meminisse (a). Philonem enim Josephus & commemorat, & laudat, ubi locus, & tempus postulabant, Aristobulum nusquam, quamvis omnino expectandum esset, ut qui in Antiquitatibus Judaicis de Judæorum rebus sub Ptolemæorum ditione uberrime discerit, de

Ari-

(a) De LXX. cap. 4.

Aristobulo Sacerdote, & cui Ptolemæus in disciplinam se dederit, mentionem injiceret. Qui potuit tantum virum præterire silentio, si de eo quidquam fando inaudivisset? Accedit, quod, si posteriori memoria de Aristobuli Commentario mentionem faciunt, Clemens Alexandrinus, Anatolius, Eusebius, de persona dum agunt, in magna sunt sententiarum varietate constituti. Nam, ut alia omittam, Clemens (a), & Eusebius (b) Aristobulum eundem hominem esse volunt, ac quem alter Machabæorum liber cap. 1. commemorat, Anatolius (c) vero unum ex LXX. Interpretibus, centum, scilicet quinquaginta duobus annis ætate superiorem, immo nec ipse Clemens sibi semper quoad Aristobuli facta, & personam cohæret (d). Cæterum Commentarium illud, quocumque demum auctore in lucem prodierit, brevi temporis spatio obtinuit, paullatimque ab omni auctoritatis gradu dejectum est; quippe cum exploratum sit, post Clementem Alexandrinum, & Eusebium ejus deinde mentionem fuisse penitus intermissam. Quare, ut omnia verbo complectar, qui Aristobuli Commentarium, tanquam adulterinum opus rejiciunt, Philosophumque ejusmodi ne in rerum quidem natura ullo unquam tempore extitisse sentiunt, verisimilibus, quam adversarii, argumentis moventur. Et de Aristobulo satis, superque.

39. Nam de Patribus tacere hoc loco præstat, quam pauca dicere. Etsi enim complures historiam de LXX. Interpretibus asseveranter probaverint, non unum tamen habeo, quod respondeam, mihi vero posthac brevitati diligentius servendum. Illud tantum monere par fuerit, quaestionem hic esse in manibus, quæ in re historica, non in media religione versetur, tum contentus ero Antonii Pagii, viri clarissimi, atque ornatissimi auctoritatem supponere. Hæc igitur Pagius. *Libellus Aristæ inter supposititios censetur a viris doctissimis, tum ex Catholicis, tum ex Protestantibus. Nec refert, quod sancti Patres Aristæ historiam tanquam veram narrationem operibus suis inseruerint; nam ea utrum esset vera, nec ne, non erat cur criticæ inquirerent, quandoquidem Græca Septuaginta Seniorum versio, qua tunc Ecclesia*

G 2

ut-

(a) Lib. 5. Strom.

(b) Lib. 8. Præpar. Evang. cap. 9.

(c) Apud Euseb. lib. 7. Hist. cap. 32.

(d) Confer lib. 1. & 5. Strom.

utabatur, adversus Judæos, qui contextum Hebraicum inter disputandum Christianis passim opponebant, illius fidem egregie tuebatur *Universa libri Aristæ oratio ita composita est, ut a Judæo quodam Hellenista, gentis suæ amantissimo, constructa fuisse videatur.* Missis deinde Lectoribus, qui plura cupiant, ad Scaligerum, Valesium, Hodium, & alios his verbis progreditur. *Licet autem historia, quæ sub Aristæ nomine circumfertur, commentitia sit, male tamen quis inde translationi, quæ diu in Synagoga, & in Ecclesia fidem obtinuit, detraberet (a).*

35. Atque id sane rectissime. Græcæ enim editionis auctoritatem factam rectam ab omni periculo conservari, non fluctuare, nec labi, etsi quæ circumfertur historia, in dubium revocetur, infra, tanquam in loco, enucleate demonstrabo, ut interim missum faciam, illud fixum adhuc, ratumque manere posse, sacras Hebræorum litteras non sine sapientissima divini Numinis cura, ac providentia Græcæ, olim civitate fuisse donatas, quo expeditior ad Christum, aditus cæteris nationibus aperiretur, quemadmodum scite Tertullianus, Eusebius, Chrysostomus, Augustinus, alii commentantur. Simili certe consilio Dei, qui fortiter omnia, suaviterque constituit, factum est, ut, quoniam lingua Græca multorum linguis, ac litteris usurpari cœperat, sacri aliqui libri græce potius, quam hebraice, aut chaldaice scriberentur. Hoc tacitus præterire nec possum, nec debeo, Hieronymum virum religiosissimum, atque doctissimum non absurde, neque insolenter se agere censuisse, qui Græcam editionem divinæ mentis instinctu, & afflatu elaboratam esse diffitebatur; permultos vero, ut apud Brianum Waltonum (b) prolixè videre est, etsi de historię veritate non ambigant, non aliam tamen, præter humanam, editioni illi auctoritatem adscribere. Sunt præterea graves Theologi, qui licet Aristeanam complectantur historiam, ipsi nihilominus Græcis codicibus nihil deferunt, tantum in Latinis acquiescendum existimant. Quanto nos ergo prudentius facimus, qui solam improbantem historiam auctoritatem retinemus?

36. Quod si denique historia ejusmodi, quæ de agimus, una cum sæculis, ætatibusque hominum quodammodo invetera-

(a) Crit. in Baron. ad an. 183. num. 4.

(b) Appar. in Bibl. Proleg. 9. §. 56.

teravit, a plurimisque Scriptoribus tanquam vera, & legitima ultro comprobata est, id nihilominus perspicacem, attentumque Theologum a nostra tuenda sententia non debet abducere (§. 24.). Quin errorem illum latissime fundi, omnesque in partes disseminari potuisse, mirari unusquisque facile desinet, si rem voluerit a capite arcessere, & unde omnia manant, videre. Etenim secum ipse reputet, necesse est, Auctores, qui de hoc argumento scripserunt, vel ex uno personato Aristea, vel etiam ex falsis Alexandrinorum rumoribus, confectisque ex industria fabulis historiam desumpsisse, nec factum, quod tanto hominum consensu, ac testium numero constabilitum intelligerent, curiosius ad examen revocandum putasse, cum præcipue ipsa res ad Hebraicæ, Christianæque Reipublicæ splendorem, & gloriam vehementer conducere? Quid plura? Nonne plerique ex adversariis, qui Patrum, qui Scriptorum subsidium invocant, dispu- tantes contra vulgatam de septuaginta cubiculis fabulam res- pon-

7 Quæ hic summis quasi labiis, & cursim attingimus, liquido ex iis apparent, quæ a §. 9. huc usque variis in loca uberrime disputavimus, hincque nescio quibus præterea adversariorum argumentis occurrit. Cæterum est non nemo, qui super LXX. Interpretum editione ita philosophetur: Græcam editionem eiusmodi nusquam, necdum Christo nato, existisse, illam Liberatoris nostri discipulos confectisse, cum demonstraturi Christianam religionem veteribus prophetiis innixam esse, ad hæc necessitate sunt ad sacros codices Græcis litteris consignandos, hinc a LXXII. Christi discipulis Septuaginta Interpretum cognomentum accepisse, ac proinde mirari posse neminem, si hæc divinorum librorum interpretatio, quæ a tantis manavit auctoribus, incredibilem in tota, qua late patet, Ecclesia obtinuerit auctoritatem. Hæc nuper de LXX. Interpretibus mecum communicavit, datis Pifauro litteris, Vir e Sodalitio Cl. Reg. Minorum nonnullis, quæ divulgavit, opusculis satis cognitus, & illustris Thomas Gabrinus. Verum hominem, mihi amicitia conjunctissimum Romana fide monui, vereri me plurimum, ut causam suam æquis posset approbare iudicibus: nam probaturum non spero, cum nihil tam aperte, ac dilucide inter omnes constet, quam sacras litteras græce apparuisse, antequam Dei Filius humano corpore vestiretur. Unum præterea opponam, si res ita gesta sit, quemadmodum Gabrinus opinatur, non defuturos fuisse scriptores, tot jam exstis sæculis, qui nos de ea historia certiores fecissent. Perpetuum tamen in tota antiquitate silentium. Sed hoc ille viderit. Mihi enim tantum abs rebus meis non vacat, ut copiosius disseram, qui si rationes singulas Gabrinianam opinionem labefactantes complecti velim, video, facilius esse disputationis principium, quam exitum invenire. Conjecturas hominis qui nosse desiderat, adeat Tom. 9. delle Memorie per servire alla Storia Letteraria pag. 205. & seqq. ubi Auctores Dissertationia hujus nostræ meminerunt.

pondere solent, potuisse Justinum perfacile a Judæis deludi in re, quam sibi non modo, verum etiam hominibus omnibus maxime persuasam esse cuperet, & eadem facilitate, eademque juvante causa, opinionem illam Justinii posterorum percerebuisse sermonibus? Nec tamen superiora Ciceronis verba sibi quicquam putant officere, nec mirantur, tam errantem, & vagam sententiam tam multis sæculis permansisse. Ut finis sit, cum gravia, & manifesta ex ipsis narrationis visceribus sumpta, non solum extrinsecus adscita reclamant documenta, nec rem, sicut exponitur, ita gestam esse patiuntur, veterum testificatio ad faciendam fidem non valet.

37. Totius igitur controversiæ caput illud est, historiam LXX. Interpretum, qualem vulgo describunt, gravissimis rationibus labefactari, commentumque non ex aliis initiis profectum esse, nisi quod Ptolemæi Philadelphi memoria Alexandrini Judæi Græcam divinæ legis interpretationem ediderint, quam deinde ut ad altiore auctoritatis gradum eveherent, voce, scripto, studiisque omnibus persuadere posteris conati sunt, cura Demetrii Phalerei, permissuque Eleazari summi Pontificis a LXXII. suæ gentis primoribus, Senatoribusque doctissimis adornatam fuisse. Ubi hoc notatione dignum, tametsi Aristeas septuaginta, & duos Interpretes nominet, paullatim tamen obtinuisse consuetudinem, ut pro LXXII. commodiori ad rem exprimendam, numero LXX. dicamus, quemadmodum causarum minorum Judices, qui ad hastam sedebant, olim a Romanis Centumviri vocabantur, etsi centum, & quinque numero essent, ternique ex singulis tribus in Centumvirale illud Collegium adlegerentur. Sic quoque septuaginta, & unus Gedeonis filii ab auctore libri Judicum pleniori numero septuaginta appellantur. Quod cum aliqui non vidissent, existimarunt, Scriptores revera quoad Interpretum numerum secum discordare, nonnulli vero Arabes (a) temere finxerunt, ex illis duos supremum diem in ipso itinere obiisse.

38. Principio, ut indicavimus, sola Mosaica lex ab Alexandrinis græce translata est. Id enim Scriptores illi antiquissimi, qui primum Græcæ editionis meminerunt, plane, aperteque loquuntur. Nam Aristeas libris Historicis, atque Pro-

(a) In Chron. Orient.

Propheticis silentio prætermisiss, coram Philadelpho unice, *Scripturas legis perlectas* narrat; nec plura Philo Judæus: Aristobulus autem apud Eusebium (a): ἡ δὲ ὅλη, inquit, ἐρμηνεία τῶν δια νόμου πάντων ἐπὶ τῷ πρῶτῳ ἀποστόλῳ Φιλαδέλφῳ Βασιλείῳ, σὺ δὲ προρόν, γέγονε, προσεκηκαμένη μάλιστα Φιλοσίμων Δημητρίῳ τοῦ Φαλέρειος, καὶ πραγματῶσαμένη τὰ περὶ τῦτο, *tota legis interpretatio sub Rege Philadelpho cognominato, proavo suo, peracta est, Demetrio Phalereo multum studii adhibente, totumque negotium promoven- te*; Josephus tandem in Antiquitatum proximo non divinam omnem Hebræorum scripturam, sed unius tantum legis volumina communicata cum Ptolemæo fuisse testatur. Quocirca peropportune Hieronymus (b): *accedit ad hoc quoque, quod Josephus, qui LXX. Interpretum proponit historiam, quinque tantum ab eis libros Moysi translatos refert: quos nos quoque confitemur, plusquam ceteros, cum Hebraicis consonare*. Et in cap. 5. Ezech. *quamquam*, ait, Ὁ Ἀρλίστας, Ὁ Ἰωσήφ, Ὁ ὅλη Σχολὰ Ἰουδαίων *quinque tantum libros Moysi a Septuaginta translatos asserunt*; quod rursus Hieronymus cubitalibus litteris in 2. Michæ caput confirmat. Pentateuchum vero, ut idem rectissime admonet, longe majori accuratione, ac diligentia, quam libros reliquos, græce fuisse versum, neminem arbitror in hac tanta litterarum luce ignorare. Non semel enim Interpretes differunt in exponenda ejusdem Hebraicæ vocis ratione, in scriptione, & stilo, in formandæ, fingendæque editionis via, cum modo Hebræis codicibus religiosissime inhæreant, modo liberius a litterali, ac nativo eorumdem sensu discedant, maximam interdum in eodem reddendo vocabulo præ se inconstantiam ferre videantur. Hæc autem, & alia id genus complura a Ludovico Capello, a Simonio, a Calmetio uberrime exposita, quæque Interpretationi illi B. Hieronymus vitio sæpenumero verterat, certum nobis, planeque egregium argumentum suppeditant, quamobrem non omnes veteris fœderis libros, Ptolemæo Philadelpho Rege, commigrasse in Græciam existimemus.

39. Etenim quod plerique cum Bellarmino, & Natali Alexandro dicere contra solent, illustrem olim Apostolos, Ecclesiamque multis ætatibus universam Græcorum exemplarium

(a) Lib. 13. Præpar. Evang. cap. 12.

(b) Præm. Quæst. Hebraic. in Gen.

rium ufum feciffe; hæc vero ratio, cui ad obtinendam victoriam adjuumento effe poffit, non video. Nam quamvis, Philadelpho imperante, unam Hebræi legem neceffitatis cauffa (§. 26. II.) interpretati græce fint, libri tamen, qui supererant, ante fundatam, constitutamque Christianam Rempublicam verti potuere, ut reapse verfos fuiffe fingulos, & nos ingenue dedimus, & innumeris, ac selectiffimis compertum, est argumentis (§. 26. & not. 7.). Itaque mirari mihi in mentem venit, tam leviusculam, & infirmam rationem viris aliquin fummis, atque acutiffimis probari potuiffe. Porro Hieronymus, (nam ne sanctiffimum quidem hominem in noſtram, iviffe ſententiam, ſi Diis placet, clamitant), Hieronymus, inquam, ſi aliquando Græcam librorum omnium editionem, LXX. Interpretibus videtur adſcribere, vel loquitur dubitanter, non affirmate, vel, ut aperte dicam, quod ſentio, ſuo edoctus periculo aliquantisper temporibus, hominumque ſervit ingenio, nè acerbius ſui nominis obtrectatores exulceraret, ſed ut potius, quibuſcumque rebus, & modis poſſet, placaret, leniret, ad cauſamque ſuam adjungeret, quo ſere pacto; ut lepide canit Horatius,

..... *Pueris olim dant cruſſula blandi*

Doſtores, elementa velint ut diſcere prima (a).

Quis enim monſtra crudeliſſima neſciat, quibuſcum Hieronymo, in ſolitudinem licet abdito, depugnandum diu fuit? Quis procellas, tempeſtatesque, quæ illi ſubeunda? Quis immanes ſcopulos, Acrocerania, qui prætervehendi? Ergo ſic mihi facile perſuadeo, atque id eo magis, quo attentius ſcripta Hieronymi, epiſtolasque in primis pervoluto, noſtrum hunc feciſſe quandoque in quaſtionibus de LXX. Interpretibus, quod proxime ſuperiori memoria in Phyſicis diſciplinis Iſaacus Newtonus, qui, ut non nihil Cartefiani ſæculi genio indulgeret, latentem Attractionis cauſſam ab externa quoque mechanica vi verecunde, dubitanterque proficisci poſſe affirmavit (b), etſi aliunde in contraria verſaretur ſententia. Non equidem ſerio potuit ſummus ille Philoſophus externam Attractionis cauſſam, quæ ritu corporum agat, ſtatueret, qui errantes Stellas in ſpatiis a materia nudis, & vacuis mutuo ſe ſe petere, atque in ſe ferri diſerte docuerat; verumtamen

(a) Serm. lib. 1. Sat. 1.

(b) Princip. Mathem. lib. 1. Schol. ad prop. 69.

tamen plusculum etiam, quam concedit veritas, Cartesians largiri maluit, ut minus repugnanter suum de Attractione dogma, a quo tantopere abhorrebant, amplexarentur. Similia ego de Hieronymo dixerim.

40. Cur autem soli libri Mosaiici in græcum ab initio conversi fuerint, ei causæ assignandum puto, quod Ptolemæis in Ægypto regnantibus, sola divinæ legis volumina in Judæorum conventibus legerentur. Tradunt id constantissime Rabbini veteres, interque cæteros Elias Levita (a), ex quorum etiam testimonio accepimus, Judæos consequutis temporibus coactos morem gerere Antiocho Epiphani, vetanti, legem publice recitari, ne prosus sine lectione sacra Synagogam frequentarent, prophetarum libros in legis locum fuisse. Fallitur ergo Isaacus Newtonus (b), qui statim post Judæorum reditum ex Babylonia prophetas publice lectos esse pronunciat. Notissimum est autem, Judæos libros Mosaiicos semper pluris fecisse, quam reliquos, & quasi in effati consuetudinem apud illos abiit, licere sibi libris carere cæteris, Mosaiicos vero oportere, ut unusquisque apud se habeat. Negat hoc loco Woverius (c), libros Mosi ab aliis veteris Testamenti libris sejunctos, ac separatos fuisse; sed hallucinari hominem perspiciet, qui animadverterit, non semel in sacris litteris quinque Mosi libros non ejusdem Mosi libros, sed librum, sive codicem Mosi singulari numero appellari (d), interdum vero librum legis (e), quod uno continerentur volumine. Extat hodie Pentateuchus seorsim ab aliis libris arabice, persice, syriace, coptice, hebraice quoque in Judæorum Synagogis passim, atque in Bibliothecis Britannicis. Sed quid? Nonne solum Pentateuchum chaldaice olim edidit Onkelosus? Itaque Woverii opinio nihil habet firmamenti, nec virium; multoque magis novum, & singulare Newtoni, quem proxime nominavi, commentum. Is ut in Philosophia acutissime vidit, sic contra in Theologia non uno in rerum genere peccavit aberrans a veritate, quam qui longissime, id quod tertio quoque fere versu ostendit opus illius pothum

H

mum

(a) Apud Rivetum Isag. in Script. cap. 29. §. 23., & apud Hotting. Thesaur. Philol.

(b) Comment. in Daniel., & Apocal. Londini 1733.

(c) Syntagm. de LXX.

(d) Efdæz lib. 1. cap. 6. v. 18., & lib. 2. cap. 13. v. 1., Marci cap. 12. v. 16.

(e) Lib. 2. Efdæz cap. 8. vers. 8.

mun Londini editum anno 1733. , inscriptum vero *Observations upon the Prophecies of Daniel and the Apocalypse*. Inftar omnium esse potest , quod ibi suspicatur (a) , Pentateuchum non eundem esse , ac quem primum Moses conscripserat , intercidisse illum , quo tempore Philistæi arca potiti sunt , Samuelem vero , ut tam gravi jacturæ aliquod afferret remedium , monumenta vetera , quæ supererant , collegisse , novumque Pentateuchum , quo hodie utimur , confecisse , in Genesi autem Regum seriem , qui ex Esau familia in Idumæa imperarunt , numerasse . Verum cum hæc opinio toti antiquitati repugnet , nec ullis aut rationis , aut auctoritatis præsidii septa sit , neminem movere debet . Pentateuchum igitur , qui in manus nostras pervenit , Moses composuit , eundemque ipsum , non alium , Hebræi Interpretes Græcis litteris tradiderunt .

41. Sed jam illa ad se nos vocat controversia , quibus tandem ex fontibus , vel exemplaribus divinos libros converterint , sive distinctis temporibus , sive omnes , Ptolemæo Philadelpho rege , conversos existimes . Sunt enim qui censeant , Philonis permoti testimonio , editionem illam e Chaldo manasse , sunt qui cum Gedalia ex Syriaco , sunt qui cum Gulielmo Postello , & Seldeno ex Samaritano , sunt postremo qui aliunde conantur arcessere . At qui rem ex Hebræis codicibus , iisdemque emendationibus repetunt , hi proprius , ut opinor , ad veritatem accedunt , 1. quia in eam sententiam Aristæas , Josephus , atque universa propemodum uno ore conspiravit antiquitas , 2. quia improbabile duxerim , Alexandrinos Judæos , qui in usus publicos , atque domesticos id muneris susceperunt , ad rivos potius , quam ad fontem , unde nativo suo colore purior fluxisset veritas , confugere voluisse ; 3. quia Græca isthæc divinatorum librorum interpretatio , si Paraphases Chaldæas * exceperis , reliquarum omnium

(a) In Disc. Proemiali.

8. De Chaldaicis Paraphrasibus , quas Targumim in plurali numero vocare solent Judæi , permagna est inter Theologos opinionum dissensio . Odo in præsentia circumferuntur Paraphrases , prima Onkelosi in Pentateuchum , altera Jonathanis Ben-Uzielis in Josue , Judices , Samuelem , Libros Regum , Isaiam , Hieremiam , Ezechielem , & duodecim minorum gentium veter , tertia in Pentateuchum eidem Scriptori falso fortasse attributa , quarta rursus in Pentateuchum Hierosolymitana dialecto exarata , quam idcirco

Tar

omnium versionum familiam antiquitatis gloria verisimillime antecellit. Quare animose Isaac Casaubonus *puerum*, inquit, *in sacris litteris esse oportet, qui nesciat, LXX. Interpretum versionem ex Hebræo esse desumptam* (a); ego vero nequeo dare Simonio, Hebraicos illorum codices multis locis vitiatos, & corruptos fuisse, & fortasse etiam corruptiores, quam nostros (b). Quamvis autem traditum a Philone (c) acceperimus, LXX. Interpretes Chaldaeos codicibus usos esse, nihilominus hisce freti argumentis nuncium ejus sententiæ remittere bono animo possumus, nisi si quis, quod valde probabile arbitror, respondere maluerit, Philonem Chaldaeos codices commemorantem Hebræos intellexisse. Nam certe libro de Abrahamo *Henoch*, *Sara*, & alia id genus nomina interpretatus nunc Chaldaica, nunc Hebraica appellat, similiterque vocem *Pascha*, quam libro tertio de vita

H 2

Mosis

Targum Hierosolymitanum appellant; quinta in libros Meghilloth, nempe in Ruth, Esther, Ecclesiastem, Canticum, & Lamentationes Hieremæ, sexta aliud Targum in Esther satis copiosum, septima Targum Josephi Cæci, verius Lufci in Job, Psalmos, Proverbia, octava denique in Paralipomenis. Priores duæ Paraphrasæ Onkelosi, & Jonathanis, ut ex concordii Rabbino-
rum consensu, Zacuti præsertim, Gedalæ, Davidis Ganz, Abrahami Levitz, ex illiusque simplicioris ingenio, & natura conficitur, nonnullis annis natalem Christi diem prævertunt, cæteræ longo post intervallo quin prodierint, non dubitamus. Sed & aliæ Paraphrasæ statim a Babylonica servitute fuere litteris consignatæ. Teste enim Maimonide (Hilch. Tephî lib. 1. cap. 12.) a diebus Esdræ consueverunt Judæi habere interpretem, qui populo id interpretetur, quod Lector ex lege prælegit, ne vero Interpretes, ut est hominum ingenium, implicati hærerent, moralesque interponerent, fieri necessario debuit, ut Paraphrasæ lingua Chaldaica in usus sacros, & publicos scriberentur. Sane hæc Targumim jam inde ab Esdrinis temporibus obtinuisse, aut mandata fuisse litteris, tam perspicue demonstrat Prideauxius, ut illi necesse sit, non inbutos consuetudine animos cedere. Ego in hominis argumentis totus placidissime conquiesco; immo sic moveor, ut non solum, quæ mihi dudum arripserat, a Morini opinione discedam, & ne Garpvovii quidem mediam fere inter cæteras sequar sententiam (Crit. sac. par. 2. cap. 1. §. 2. num. 4.), verum etiam non difficulter existimem, Paraphrasium posteriorum permixtas ab illis vetustioribus, quæ ab ipsa Esdræ memoria scribi coeptæ sunt, expressas, atque hausas esse. Sed dignus est, qui super hoc argumento omnino adeator laudatus Humfredus Prideauxius in Judæorum historia par. 2. lib. 16. ubi etiam nonnullis Morini, Natalisque Alexandri argumentis cumulate satisficit.

(a) Exercit. 16. sect. 11.

(b) Hist. Crit. Vet. Testam. lib. 1. cap. 16.

(c) Lib. 2. de vit. Mos.

Mosis, e Chaldæo petitam esse docuerat, libro de Decal. inter Hebraicas dictiones apertissime enumerat.

42. Quibuscumque tamen codicibus, vel exemplaribus Græcæ editionis originem debeamus, tria, nostra saltem sententia, vocari in disceptationem non possunt, id operis Alexandria susceptum esse, & a viris doctioribus, ubi vero confecta res est, divinorum librorum exemplar in regia Bibliotheca repositum. Primum clarissime intelligitur ex §. 27. IV., alterum ponit ob oculos ipsa operis ratio, confirmantque suis suffragiis veteres, recentioresque Scriptores, ut parum prudenter fecerit Augustinus Steuchus Eugubinus, qui in LXX. Interpretibus sæpe Hebraicæ, Græcæque linguæ scientiam requirit (a). Tertium autem, Græco scilicet sacrarum litterarum exemplo Alexandrinam Bibliothecam instructam, ornatamque fuisse, nemini dubium esse poterit, qui paulisper consideraverit, quod antiquissimi quique Scriptores concordissime testati sunt, nihil studiosius Ptolemæum Philadelphum curasse, nihil habuisse antiquius, quam ut Bibliothecam suam omni librorum genere copiosissime locupletaret. Exemplar vero eo usque ibi superfuit, donec illa optimarum artium, & sapientiæ quasi officina fatali incendio, quod ab Julio Cæsare excitatum est, conflagravit. Adeo in humanis rebus, quas tanti facimus, nihil demum est, quod diu in statu suo permaneat, nec longinquitate temporis concidat.

43. Quis autem rem divinasset? Exemplar illud, quod tantis, ac tam stabilibus doctrinarum opibus abundabat, nec plurimi Paganus populus æstimavit, nec unquam fortassis studiosi homines lectionis causa adjerunt. Nemo enim de Græcis, vel Latinis auctoribus, quorum scripta extant, ejus codicis meminit; immo quotquot de Hebræa natione verba faciunt, Abidenus ipse, Artapanus, Eupolemus, cæteri apud Josephum, & Eusebium tam infelicitè a veritate, a testimonioque divinorum librorum plerumque aberrant, ut merito suspicari possimur, nihil veteres de sacris litteris, postquam græce reddita, exarataque sunt, ne fando quidem audivisse. Diodorus Siculus, omnis antiquitatis investigator laboriosissimus, qui eam ob causam totos triginta annos multas regiones peragravit, versatusque est in Ægypto, dum-

adhuc

(a) Præfat. in Vet. Testam. ad Hebraic. veris. Recognit.

adhuc stabat Bibliotheca Alexandrina, tam rudis, & ignarus fuit rerum Judaicarum, ut Judæos crediderit, nunquam fuisse a Regibus gubernatos, in eorum vero constituenda origine quot verba scribit, tot fere errores (a). Similiterque Trogius Pompejus is, qui persecutus est origines gentium, floruitque, Augusto Cæsare imperante, auctor severissimus a Plinio appellatus. Sed age, exscribamus Trogi locum, & crimine ab uno disce omnes. „*Judæis origo Damascena, Syria nobilissima civitas. Nomen urbi a Damasco rege inditum. Post Damascum Azelus, mox Adores, & Abraham, & Israhel reges fuere. Sed Israhellem felix decem filiorum proventus majoribus suis clariorem fecit. Itaque populum in decem regna divisum filiis tradidit, omnesque ex nomine Judæ, qui post divisionem decesserat, Judæos appellavit, colique ejus memoriam ab omnibus iussit. Sermone[m] mox instituit de Josepho, tum pergit ad reliqua. Filius ejus Moses fuit, quem præter paternæ scientiæ hereditatem, etiam formæ pulchritudo commendabat. Sed Ægypti, quum stabiem, & vitiliginem paterentur, responso moniti, cum cum ægris, ne pestis ad plures serperet, terminis Ægypti pellunt. Dux igitur exsulum factus sacra Ægyptiorum furto abstulit, que repetentes armis Ægyptii domum redire tempestatibus compulsi sunt. Itaque Moses, Damascena antiqua patria repetita, montem Synam occupat, quo... cum tandem venisset, septimum diem more gentis sabbatum appellatum, in omne ævum jejuniis sacrauit. Post Mosem etiam filius ejus Aruus sacerdos sacris Ægyptiis, mox Rex creatur, semperque exinde hic mos apud Judæos fuit, ut eosdem reges, & sacerdotes haberent, quorum iustitia cum religione permixta, incredibile quantum coaluere* „ (b). Rogo nunc eos, quibus nefas est vulgatam de LXX. Interpretibus historiam in dubium revocare, potuit ne Trogius, potuit, qui Trogi opus compendificet, Justinus magis solemniter delirare? Commenta sunt hæc, & fabulæ non differentium historicorum, sed somniantium. Atqui in eadem sunt causa Strabo (c), Apion (d), Plinius Major (e), Plutarchus (f), Trebellio (g), alii. Monstra-

(a) Eclog. lib. 40. & lib. 34. (b) Justinus ex Trogo lib. 36. cap. 2.

(c) Vid. lib. 16. (d) V. Joseph. lib. 2. cont. Apion.

(e) V. Hist. Nat. lib. 30. cap. 1. (f) V. Sympos. lib. 4. cap. 5.

(g) V. Vitam Claudii cap. 1.

passim, & portenta loquuntur, ut nihil frequentius agere videantur, quam ineptissima, aniliaque mendacia venditare iis plane gemina, quæ sparserunt, ac disseminarunt in vulgus cum Tacitus comminiscens, Judæos in Templo Hierosolymitano caput Arietis colere (a), tum Juvenalis, cum eisdem irridens ait:

Quidam sortiti metuentem Sabbathæ Patrem

Nil præter nubes, & cæli Numen adorant,

vel cum sibi induxit in animum, Mosaicam esse legem

Non monstrare vias, eadem nisi sacra colenti,

Quæsitum ad fontem solos deducere verpos (b).

Ignota igitur Græcis, Latinisque hominibus doctioribus divinarum litterarum, nec ab illis adiri, aut legi solita, etsi Græcum habitum, vestitumque induissent. Unus apud Eusebium (c) Demetrius, qui de rebus gestis Judæorum historiam Alexandriæ edidit ad Ptolemæi usque Philopatoris continuatam, tempora, videtur sacrorum librorum exemplar lectionasse. Sed Demetrium facile quis posset conjicere religione, & genere Hebræum fuisse, tantum ejus historia cum divinis voluminibus fere ubique consonat; nisi fortasse existimandum sit, quæ scripto prodidit, ea hominem ab Judæo aliquo accepisse.

44. Cum ergo eruditiores apud Gentiles viri Græcos Hebræorum codices neglexerint, atque ignoraverint, editionem vero illam, quæ curæ, ac studio Demetrii Phalerei tribuitur, nusquam meminerint, ex his illud primum, efficitur, quod supra statueram, Aristeanæ historiæ summam, veritatemque concidere (§. 27. V.), deinde, quod etiam posui (§. 32.), Græcos, atque exterarum nationes naturalium rerum, morum, legumque scientiam ex sacris litteris non hausisse, tandem Hellenistas Judæos summa, qua poterant, religione Græcam editionem apud se servavisse, id caventes, providentesque diligentissime, ne exemplaria in aliorum manus pervenirent. Ubi tamen Christiana constituta, religio est, tunc Græci codices e Judæorum Synagogis, & domibus, tanquam e latebris, eruperunt, sensimque illorum numerus, ac multitudo ita percrebuit, ut ipsa deinde exemplaria fere in omnium manibus versarentur. Ex quo factum est,

(a) Histor. lib. 5. cap. 2.

(b) Satyra 14.

(c) Præpar. Evang. lib. 9. cap. 21. 29.

est, ut consequutis ætatibus profani quoque populi aliquam sibi veterum divinorum librorum notitiam, cognitionemque paraverint.

45. Præterea a primis Christianæ Reipublicæ initiis magna ubique locorum Græcæ illi editioni accessit auctoritas, eademque, ut Hieronymiana utar sententia, *jure obtinuit in Ecclesia, vel quia prima, & ante Christi adventum⁹, vel quia ab Apostolis, in quibus tamen ab Hebraico non distat, usurpata (a)*. Ex hac reliquæ omnes interpretationes ab Ecclesia antiquitus introductæ, & probatæ, ne excepta quidem Syriacæ¹⁰, tanquam ex fonte expressæ sunt, Arabica, Æthiopica, Armena, Illyrica, Gothica, Latina vetus undequaque ante Hieronymum recepta. Hac Græca omnis Respublica a prima ætate sacra fecit, & hodie constanter facit, Latinis non repugnantibus. Hanc Majores nostri commentariis illustrarunt, in operibusque suis citarunt quam sæpissime Ignatius, Clemens uterque, Justinus, Irenæus, Tertullianus, Cyrillus, Basiliius, Chrysostomus, Theodoretus, Hilarius, Ambrosius, Augustinus, & immortalia illa religionis lumina, atque præsidia, quotquot litteris, sanctitatisque opinione olim floruerunt. Ex hac sacrorum Antistites ad Comitia

(a) Epist. ad Pammach. edit. Vallarsii.

⁹ Paucula ista verba Hieronymi, his in rebus longe exercitatissimi, & ejus judicia omnium maxime oportet attendere, duo opprimunt hominum genera, Gabrinium, editionem nostram septuaginta Christi discipulis adscribentem, tum eos, qui nolunt editionem illam ex Hebraicis exemplaribus derivare. Hæc passim se offerunt nihil tale cogitantibus.

¹⁰ Syriacam non excipio, nec mehercule sine causa. Etenim præter vetustissimam editionem Syriacam, quæ ex Hebræo fonte adornata est, ut recte Waltonus, du-Pin, Simonius, & alii tradiderunt, alia erat editio in eadem lingua ex LXX. Interpretum profecta exemplaribus. Prior Apostolorum circiter temporibus prodiit, opera probabiliter Christiani Auctoris, natione Hebræi, & ab utriusque linguæ cognitione, scientiaque instructissimi, atque hac Syriacæ Orientis Ecclesiæ etiam nunc utuntur; altera sexcentis fere est annis posterior, illamque, ut ex Assemani Bibliotheca Orientali intelligimus (Tom. 2.), Ecclesiæ nonnullæ Syriacæ integram, & incolorem retinent, ambas pariter, æqualiterque adhibentes. Maronitæ tamen, Syriacæ alii Christiani, quos, ut video, admodum delectat antiquitas, prioris editionis originem fere ad Pyrrhæ sæcula referunt. Ajunt enim, partem exitiæ in lucem jussu Salomonis, Hiram Tyriorum Regis vñbus destinatam, reliquos vero libros post Salomonem confcriptos prodidisse jussu Abgari, quæ vivente Christo Edissæ regnabat. Sed hujus opinionis levitas simplici expositione confutatur. Conf. Prideauxium in Hist. Jud. lib. 9.

mitia convenientes religionis ejusdem capita , atque mysteria firmarunt , hac impiorum errores , & perniciosas sententias divinæ veritati contrarias coarguerunt , hac aggressi sunt , & refutarunt Judæos , hæc , tanquam penus , unde ad pietatem instituendæ vitæ regulas , atque præcepta depromerent , hæc denique Patribus in ore erat conciones ad populum e suggesto habentibus .

46. Quid quæris ? Nonnulli veteres eo etiam progressi sunt , ut sacros codices , assilante , atque incitante Deo , in Græcam linguam conversos esse statuerint , Justinus præsertim , Irenæus , Clemens Alexandrinus , Chrysostomus , Hilarius , Augustinus . Nihilominus cum isthæc sententia vulgari illi de LXX. Interpretibus historiæ , atque opinione multorum appendici in primis de 70. cubiculis innitatur , nihil est , cur nobis religioni ducamus , si doctrinam ruinoso sultam , fundamento (§. 16. 27.) præfati , ut decet , veniam repudiemus . Profecto Hieronymus , vir in omni critica , & antiquitatum genere egregie eruditus , nunquam sibi inducere in animum potuit , LXX. Interpretes in vatum loco ducendos esse , meros , ut erant , Interpretes habuit . *Aliud est enim vatem , aliud , inquit , est , esse Interpretem : ibi spiritus ventura prædicat , hic eruditio , & verborum copia ea , quæ intelligit , transfert . Nisi forte putandus est Tullius Oeconomicum Xenophontis , & Platonis Protagoram , & Demosthenis pro Ctesiphonte orationem afflatus rethorico spiritu transfulisse (a) .* Hinc etsi doctissimum hominem Melchiorem Canum in eâ sententia esse video , ut existimet , sine divino quodam spiritu sacras litteras interpretari posse neminem (b) , id illi tamen , Hieronymo , ac Bellarmino duce , non facile assentior . Verum hæc ad extenuandam Græcæ editionis auctoritatem nil valent , adeo supervacaneum est a rebus dubiis , vel commentitiis testimonium petere veritatis . Ratam illam , ac firmam ubique habet in libris suis Hieronymus ; tantum , ne quid nimis , prudentissime edicit .

47. Adde , quod eandem Apostoli , ultro consentiente Hieronymo , suo usu consecrarunt . Si quis enim veteris instrumenti sententias in Evangeliiis , Paulique Epistolis laudatas conferat cum Græcis codicibus , his apprime coherere illas , atque congruere deprehendet . Rem Origenes , nedum Hic-

(a) Præfat. in Pentat.

(b) Lib. 2. de Loc. cap. 14.

Hieronymus, diligentissime exploravit, vir uterque ætatis suæ sapientissimus, idoneusque, & peritus, si quis alius, causarum ejusmodi & Judex, & arbiter, quippe cum ambo in Græcis, Hebraicisque litteris plurimum operæ, ac studii magna cum laude posuerint, atque idcirco ipsi per se Græcam editionem cum Hebræis possent exemplaribus comparare. Matthæus, qui scripta sua hebraice edidit, non raro antiqui fœderis testimonia ex Hebræis codicibus profert, at Lucas, Joannes, Paulus ad Græcos fontes digitum persæpe intenderunt: persæpe vero, inquam, cum merito existimem, confidentius, quam rei natura patitur, scriptum a Vossio, *Christum, & Apostolos eadem verba, & eosdem, quos LXX. Interpretes, ubique expressisse sensus (a)*. Apposite summa doctor auctoritate Irenæus: *Apostoli consonant prædictæ interpretationi, & interpretatio consonat Apostolorum traditioni (b)*: in eandemque Augustinus sententiam ego, inquit, *pro meo modulo vestigia sequor Apostolorum, qui & ipsi ex utrisque, idest ex Hebræo, & Septuaginta testimonia prophetica posuerunt (c)*.

48. Neque vero superioris argumenti vim illud immittit, vel infirmat, quod Paulus ex Arato etiam, atque Menandro versus protulerit, ex Menandro quidem, *Φθίγειν ἢ δὴ χρὴ δὲ μιλίαι κακὰ*, *corrumunt bonos mores colloquia mala (d)*, ex Arato autem, *τὴ γὰρ ἡ γένος ἐσμεν, ipsius enim & genus sumus (e)*, id, inquam, argumenti vim non infirmat. Paulus enim Aratum, Menandrum, quin & Epimenidem testes adhibuit, ut Græcis ostenderet, doctrinæ suæ summam, ac vim nec Græcis ipsis poetis latuisse, & quia a vero David didicerat gladium de hostium manibus extorquere, superbissimique Goliz caput propriis ipsius armis abscindere. Cum vero Apostoli in suis quisque operibus sacrorum Auctorum fidem ex Græcæ editionis ingenio contestantur, in isto ipso ostendunt, eam cum Hebræis fontibus consentire, quo fit, ut illi, tanquam a se dedicatæ, magnum auctoritatis pondus adjungant. Quamquam causæ nihil est, quin dicamus, Paulum Græcorum Poetarum, quos aliquando appellavit, sententias quodammodo sacravisse, cum præ-

I

fertim

(a) De Oracul. Sybil. cap. 14.

(b) Lib. 1. adver. Hær. cap. 25.

(c) Lib. 38. de Civit. Dei cap. 49.

(d) 1. ad Cor. cap. 15. v. 35.

(e) Ad. cap. 17. v. 28.

sertim merito docuerimus, singulas divinorum librorum particulas Deo, qui syllabatim dictavit omnia, adscribi oportere (§. 2. & not. 2.). Ex superioribus igitur hoc existit, Græcæ editioni, utpote quam veneranda omnis antiquitas (§. 45.) Apostolique in primis usu suo consecraverint (§. 47.), esse plurimum deferendum. Quid enim multis persequar doctrinæ adjumenta, utilitates, & commoda, quæ ex Græcorum codicum tractatione, & studio comparare sibi Theologi poterunt ad ornandam, vel etiam tuendam Ecclesiæ dignitatem, quæque vel ipsi Heterodoxi scriptores, Pearsonius, Græbius, Lambertus Bos, Fabricius, aliis compluribus qua aperte, qua tacite approbantibus, uberrime explicarunt?

49. Qui tamen Græcis codicibus litem, bellumque intenderunt, permulta nobis obijciunt, quibus editionis illius tota, ut rentur, labefactatur auctoritas. I. Cum Tridentinus Senatus, inquit, editionem Latinam solemnī decreto esse Authenticam declaraverit, Græcæ sine dubio omnem fidem, auctoritatemque derogavit. II. Nec mirum. Hæc enim sexcentis in locis ab Hebraica aberrat origine, ut minus difficile sit horologia, quam Hebraica, & Græca exemplaria in concordiam, amicitiamque reducere. III. Cujus rei exemplum capere locupletissimum possumus ex ratione temporum a LXX. Interpretibus inita, qui mare cælo miscentes tam fœde Chronologiam perturbarunt, ut Mundo duo, eoque amplius annorum millia tribuant, quam emendati Hebraici codices patiantur. IV. Deinde ex Patriarcha illo commentitio Cainane, quem sine causa, immo Hebræis omnibus exemplaribus aperte reclamantibus, medium inter Sale, & Arphaxad posuere. V. Quid plura? Demonstratum viris gravissimis, Græcos codices Judæorum improbitate, ac scelere mirifice vitiatos esse, corruptos, adulteratos, ut ipsi Interpretes, si reviviscerent, editionem suam vix, ac ne vix quidem possent agnoscere. Quare qui tantum operæ, & curæ in tuenda Græcæ editionis auctoritate consumunt, desertarum, relictarumque rerum patrociniū ostentandi ingenii, non veri reperiendi causa suscipiunt.

50. Ego hoc tamen sine ulla dubitatione confirmo, ex propositis non effici, nec esse consequens, quod concludere adversarii volunt, qui mihi videntur arripere quasi jure suo rem nullo modo probabilem. Itaque non multum hæsitans respon-

respondebo, ducto a Patribus Tridentinis initio, qui tametsi editioni Latinæ ad coercendam effrænem Hæreticorum audaciam, atque temeritatem *αὐθεντικῶν* adscripserint, nihil tamen Græcæ editionis fidei detractum voluere. Eo enim valet Patrum sapientissimorum decretum, ut nemo unus posthac audeat veterem Latinorum editionem rejicere, quippe quæ præter Latinas reliquas in rebus ad fidem, moresque attinentibus magis & pura sit, & sincera, & fonti Hebraico consentanea. Quo fit, ut Latina exemplaria Græcis, atque Hebraicis ne anteposuerint quidem, tantum abest, ut hæc Tridentini Antistites indicta causâ proscripserint. Apposite Bellarminus: *nullam fontium mentionem faciunt, sed solum ex versionibus Latinis, quæ nunc circumferuntur, unam delegerunt, quam ceteris anteponerent (a)*. Est ergo Latina editio, ut Græci vocant, *αὐθεντικὴ*, nempe ad controversias de religionis capitibus, de morumque doctrina componendas multo omnium Latinarum aptissima, quidquid Romanæ Ecclesiæ desertores, & transfugæ, quorum novis editionibus sacri libri contaminati sunt, ineptissime effutiant; nihilominus sua stat adhuc Hebræis, Græcisque codicibus per-vetus, & illustri auctoritas. Immo, quod maxime rem, causamque continet, Tridentinus ille Senatus, teste in primis nobili Salmerone, qui Comitibus interfuit, *liberum reliquit omnibus, qui Scripturas sacras profundius meditantur, fontes Hebræos, & Græcos, quatenus opus est consulere, quo nostram Latinam vitio librorum, vel temporum injuria corruptam emendare valeant (b)*, Latinamque præterea Psalmodum editionem haustam ex LXX. Interpretibus *αὐθεντικῶν* declaravit. Hæcne igitur Græcorum codicum auctoritatem ever-tunt, aut saltem imminuunt? Apage malevolorum calumnias.

51. Jam argumentum, quod proxime sequitur, etsi multos primo adpectu perterrefecerit, tanti tamen non est, ut nos de loco debeat, & sententia dimovere. Non negaverim, inter Hebræos, Græcosque codices permagnam esse rerum, nedum verborum, discordiam, at discordia illa, atque dissensio repeti fortassis interdum potest ab exemplari-bus, quos Græcæ editionis Auctores ad manus habuerunt, aliquando ex ipsa longinquitate, & injuria temporum, sæpe etiam ex Librariorum indiligentia, atque oscitantia, quem-

I 2

admo-

(a) Lib. 2. de Verb. Dei scripto cap. 1. (b) Proleg. 2. in Bibl.

admodum vel inde maxime apparet, quod errorculi illi, ac navi non omnes quandoque codices occuparunt. Id de errore in describendis annis Mathufalem dudum animadvertum est Augustino tum lib. 15. de Civit. Dei cap. 15. tum 2. in Gen. quæst. ubi explicaturus, qui potuerit Mathufalem secundum Græca exemplaria post diluvium superesse, *hanc questionem*, animose ait, *plurimum codicum mendositas peperit. Non solum quippe in Hebræis aliter invenitur, verum, etiam in LXX. Interpretibus Mathufalem in codicibus paucioribus, sed veracioribus sex annos ante diluvium reperitur fuisse defunctum.* His accedit, LXX. Interpretum editionem, sæpenumero specie potius, quam re ab Hebræo fonte, atque contextu recedere, ac tandem differentiam in rebus exigui ponderis, & momenti, ut in verbis, nominibus, numeris, ceterisque ejusmodi sitam esse, nunquam vero in doctrina, quæ vel certis religionis decretis, atque capitibus, vel rectæ morum institutioni adverfetur. Sed hic locus a sapientissimis viris, Sixto præsertim Senensi (a), Morino (b), Natali Alexandro (c) tractatus uberrime orationis lucem, his potissimum litteris, atque temporibus, a me non desiderat.

52. Ex sacra item Chronologia nullum duci argumentum potest, quo Græcæ editionis fides, auctoritas, vis elevetur, quia controversia ejusmodi de antiquissimorum Patriarcharum ætate cum sacrosanctis religionis capitibus, morumque regulis neque affinitatem habet, neque necessitudinem. Quæ de similibus quæstionibus judicia olim Hieronymus æquissime fecerit, quæso, diligenter attendite. *Relege*, inquit, *omnes & veteris, & novi Testamenti libros, & tantam annorum reperies dissonantiam, & numerum inter Judam, & Israel, idest inter regnum utrumque confusum, ut hujusmodi habere quæstionibus non tam studiosi, quam otiosi hominis esse videatur (d).* Cæterum vetus opinio est, magnoque Patrum firmata consensu, in incunda temporum ratione, sive in numerandis veterum Patriarcharum annis LXX. potius Interpretum calculis, quam Hebræo fonti fidem habendam esse. Quoniam tamen est hic Theologis integrum, in quam quisque malit, abire sententiam, postquam maxime Tridentini Antistites sacram Latinorum Scripturam solemnè edicto

Au-

(a) Dissert. de Translat. S. Scrip. (b) Lib. 1. Exercit. 6. &c.
(c) Dissert. 11. in 2. sæc. (d) Epist. ad Vital.

Authenticam declararunt, ego, ut ingenue de me confitear, Hebræam Chronologiam, summis mihi, doctissimisque hominibus præeuntibus, Chronologiæ a IXX. Interpretibus constitutæ multis nominibus anteponendam existimo. Etenim ab omni prorsus verisimilitudine abhorret, immensam fere Hebræorum multitudinem ubique terrarum degentium in adulterandis Hebræis suis codicibus tam mirabiliter conspisse, nec ratio, vel conjectura asferri potest probabilis, cur iidem hos codices adulterare voluerint, ut illud silentio transeam, Onkelosi Paraphrasim, versiones Syriacam, & Arabicam, editionemque Latinam cum Hebræis exemplaribus convenire. In sacra ergo Chronologia, in definiendisque vetustissimorum Patriarcharum annis fontes malumus, quam rivos sectari, atque hinc a Mundi initii ad natalem Christi diem quatuor annorum millia cum Usserio non immerito numeramus ¹¹.

53. Ma-

11 Hæc ego mandaveram litteris, cum primum in lucem hoc opusculum exire iussu. Nunc tamen dissimulare non debeo, recenti adhuc memoriam viros fuisse doctissimos, qui abjectam Græcæ editionis Chronologiam iterum constituere, ac veluti postliminio revocare conati sunt, Joannes nominatim Morinus, Isaac Vossius, Paulus Pezronius, Turneminius, alique & eruditione, & ingenio excellentes scriptores, in quorum sententiam si quis concedere maluerit, & religiosum hominem se probabit, neque ego pugnaciter litigabo. Nituntur enim compluribus rationum momentis, quæ ex Romanæ Ecclesiæ auctoritate in Martyrologio, ex omnium fere Patrum approbatione, & suffragiis, ex Josepho, Hebræo homine, sumuntur. Nam Josephus etsi in Præf. ad Antiquitatum Judaicarum libros promiserit, veterem se suæ gentis historiam ex Hebræorum codicum fide scripturum, Patriarchis tamen liberia operam dantibus totidem postea annos tribuit, quot a Septuaginta Interpretibus tributos videas. Sed hæc nota cuique sunt omnia.

Illud minus perspectum, & cognitum, idemque tamen multo gravius, ac luculentius videri poterit, quod ex Indorum Chronologia proferam, debeo vero (honestum est enim de se confiteri, per quos proficiat) viro clarissimo, dignitateque ornatissimo Josepho Torrubiz, Commissario, quod sunt, Franciscinæ Familiæ Generali. Indi enim in omni nationis suæ antiquitate egregie periti, cum religionem nostram complexi rationes maximis studiis subduxissent, deprehenderunt, a Mundo condito ad natalem Christi diem præteriti temporis spatium tot annos conficere, quot Græci Interpretes numerant. Ne quis autem iudicio magis meo, quam doctissimorum hominum testimonio fidere videatur, proponam ea de re totum locum, ex quo hæc mutuatus sum, nobilissimi, & gravissimi Equitis Laurentii Boronini in Libro, qui inscribitur, *Idea de una nueva Historia General de la America Septentrional*, editusque est anno 1747. Faciam autem eo libentius, quo apertius hinc constabit, quam præclare Hispani homines Ecclesiæ laudi, rationibusque propiciant. Locus ille igitur per Interpretem latine & meæ redi-

53. Magno autem, gravissimoque errore ducuntur, qui cum incredibile, atque a vero absonum censeant, antediluvianos Patriarchas ad mille circiter annos vixisse, ut divinis litteris proditum est, annos ejusmodi vel menstruos fuisse fingunt, vel tales certe, quorum centenos quosque decem nostri adæquarent. Etenim cum annus diluvii (peto hanc enim ab æquis Lectoribus veniam, mihi ut de via liceat paulisper excurrere: nam & brevissime faciam, & ea moderatione, ut omnes intelligant, me hisce publicis potius disputationibus indulsisse, quam genio), cum igitur annus diluvii diebus 365; meses vero diebus 30. constiterint (a), perspicue sequitur, historiæ Mosis vim audacter inferre, qui Patriarcharum annos menstruo spatio metiuntur. Præterquam quod Patriarchæ citius, quam ætatis nostræ homines e vita migrassent, quippe qui ne annum quidem octogesium attigissent, iidemque, ut Cainam, Malaleel, Henoch, procreandis liberis dedissent operam septem, vel sex nati annos, quod ædèpòl sine risu, & stomacho audiri nullo pacto potest. Ad hæc Patriarcharum annos nostris ætate non concedere, tota docet Mosaicæ historiæ series, ex qua didicimus, post generalem terræ alluvionem brevi homines a pristina illa vitæ diuturnitate excidisse. Nam idem auctor, qui conceptis verbis scripsit Adamum, verbi gratia, Mathusalem, Noe annos plusquam nongentos vixisse, paulo post memorat, vixisse Salem annos 433., Heber 464., Phaleg 239., Reu 239., Sa-

redditus ita se habet. *Nulla est inter Gentiles natio, quæ res veteres ad punctum fixum referat accuratius, quam Indi. Rationem nobis reddunt erectionis Mundi, Diluvii, Confusionis linguarum in Turri Babelica, aliarum periodorum, & ætatum Mundi, longorum itinerum, quæ populi sui in Asiam susceperunt, addentes annos suis quemque notis distinctos; eodemque modo in charactere, vel nota annorum, quæ est septem Toebli, latine cuniculi, nobis magnam illam Eclipsim demonstrant, quæ in Christi Salvatoris nostri obitu contigit. Ac primi ex Indis Christiani, qui tunc Chronologiam suam pulcherrime callebant, totaque curiositate animi nostræ studuerunt, eam nobis reliquere notitiam, a Mundi principio ad Christi usque nativitatem decurrere annos 5199., quæ sane eadem opinio est, siue calculus 70. Interpretum. Porro Bolarinus opus, quod nominavi, ex delectis, probationibusque Idorum monumentis composuit, atque idcirco perhonorificis sapientum virorum sententiis ornatus est, amplissimisque ad gloriam laudibus cummulatus, ut proinde argumentum eruditissimi Equitis pro revocanda temporum ratione a 70. Interpretibus constituta stabilibus inædificatum sit fundamentis. Adeatur.*

(a) Ex toto cap. 8. Gen.

Sarug 230., Thare 205., Abrahamum 175., ut nulla idcirco ratio subesse possit de ejus historię veritate ambigendi; nisi fortasse velis, Abrahamum septemdecim tantum annos in vita mansisse, quem tamen Moses obiisse restatur *in senectute bona, provectęque etatis, & plenum dierum* (a).

54. Plurimi quoque, gravissimique Scriptores, quos testes Josephus adhibuit (b), Berofus in Chaldaicis, Manetho in Ægyptiacis, Hieronymus in Phœniciis, Hestius, Hecateus, Hellanicus, Acusilaus, Ephorus, Nicolaus Damascenus, Hesiodus, alii (c) primos homines mille circiter vixisse annos consentiunt: quare incredibilis, atque ad libidinem ficta tanta vitę diuturnitas videri nec potest, nec debet. Repetenda est enim ex pluribus causis eo una spectantibus (errant enim qui singulas seorsim accipiunt), partim scilicet ex æquabili cœli, tellurisque temperie, ut placuit Woodvardo, partim ex salubribus esculentis, & victu frugali, partim ex firmitate corporis constitutione, & compage, quam causam frustra improbat Heideggerus (d), præcipue vero ex singulari quodam Dei beneficio, qui homines diu salvos, incolumesque præstabat, ut humani generis soboles late propagaretur. Nam alioquin si vita hominum eo brevior naturaliter fieret, quo longius a prima Mundi origine recedimus, ac distamus, per hosce dies, sive nostra memorię jam in nihilum abiisset. Aliam Abulensis (e) causam ex minori quodam, & benigno aspectu siderum repetit, sed constanter rejicient hodierni Philosophi, quibus merito persuasum est, a solo aspectu siderum, si uberiores, vel minorem lucis copiam excipias, nihil sperandum, nec metuendum hominibus. Hęc cum ita se habeant, temere prorsus & Varro apud Lactantium, & Plinius, & recentiores Deistę de diuturna illa, atque longissima Patriarcharum vita dubitarunt, ut inde calumniandi ansam arriperent, multa in sacris libris narrari, quibus, tanquam rebus incredilibus, adhiberi fides non potest.

55. Eadem permoti fallacia Celsus olim apud Origenem, Apelles Marcionis discipulus, tum Deistę, quos proxime nominavi, divinam de Arca Noetica historiam ad fabulas

(a) Genes. cap. 25. ver. 8. (b) Antiquit. lib. 1. cap. 4.

(c) Vid. Valer. Max. lib. 8. cap. 14. de Senect.

(d) Exercit. 14. in Hist. Patriarch. (e) In Gen. cap. 5. quęst. 11.

las amandarunt, ἀδωάτων opinantes, Arcam 300. cubitos longam, latam 50. altam 30. omnia animantium, eſcarumque genera, quæ illis nutriendis ſolidum annum ſuppeterent, ſuo completi ambitu potuiſſe. Permagni autem boni Theologi intereſt id genus crimina fortiter, nerveſeque repellere, ut qua maxime in re divinæ religionis nervi, atque artus preſſi, ſolidique conſiſtunt, ſacrorum librorum auctoritas maneat, & ſarta, teſtaque, ut ajunt, ab omni incommodo, moleſtiaque præſtetur, his potiſſimum moribus, atque temporibus, quibus impia Deiſtarum doctrina ita percrebuit, ut omnium opibus reſtrænanda, atque coercenda ſit. In eandem illi, qua Apelles, ſententiam arcam, inquam, conſtat, ſiſtam eſſe fabulam: quod ſi ita eſt, conſtat a Deo non eſſe hanc ſcripturam (a). Qui tamen ſi, præter mentis ſanitatem, paullo majores in Geometria habuiſſent progreſſus, neque eo temeritatis, & inſipientiæ proceſſiſſent, neque nunc vel iſſis pueris ludibrio eſſent, atque deſpectui. Quid de Arcæ amplitudine commentati ſint Origenes, Auguſtinus, Capellus ad tantam illam redarguendam ſultitiam, atque impudentiam, nihil attinet dicere. Joannes enim Butteo Delphinus, Wilkinſus, Lamy, in primisque pereruditus vir le Pellerier ſingulari Diſſertatione Rhotomagi edita anno 1701. perſpicue effecerunt, etiamſi vulgares cubiti intelligantur, Arcam nihilominus tantæ magnitudinis, amplitudiniſque fuiſſe, ut omnium animantium, rerumque genera, quæ introduci in illam oportuit, complexu ſuo aptiſſime contineret. Qua ratione duo etiam præcaventur, ut

nec

(a) Apud Orig. Homil. 2. in Gen.

12 Arcæ altitudinem in quaſtor contignationes; vel tabulata dividimus, quorum primo cubitos tres cum dimidio, alteri ſeptem, tertio octo, ultimo ſex, ac ſemiſſem adſcribimus; nam quinque cubitos, qui ſuperſunt, tabulatorum, teſtisque craſſitudo occupabat. Sentina, quam ſilentio præterit Moſes, quod nullos præſtaret uſus, niſi ut aquam ad potum neceſſarium caperet, primum locum deorſum ſuſum tenebat; hinc in altera contignatione horreum, ſeu penu, in tertia quadrupedes, cæterasque terreſtres beſtias, in ultima denique aves, volucres, Noemique familiam collocamus. Enimvero maxime videtur probabile, Moſem in exponenda Arcæ magnitudine, Ægyptio cubito uſum eſſe: hunc igitur ad Pariſienſes pollices, ſive uncias redigamus. Joannes Gravius in Oxoniënſi Academia Aſtronomiz Profeſſor, in Ægyptum cum ſc contuliſſet, Cairi, in urbe ſcilicet a veteri urbe Memphi non diſſita, Ægyptii Derac, ſeu cubiti longiitudinem ex publico Nilometrio

nec Arca Noetica major esset, quam postulabat necessitas, nec mole sua, atque onere dissiliret; id, quod effugere, ac vitare vix poteris, si Geometricos cubitos cum Origene, acceperis.

K

56. Ar-

trio diligentissime exploravit, deprehenditque; est illud partium 1824, cuiusmodi partium in Parisino pede 1068. numerantur. Hinc existit, singulis Derac, seu cubitis pollices 20 $\frac{4}{89}$, sive pollices viginti, ac dimidium circiter respondere. Nam si regula aurea ineatur, ac fiat

$$1068: 12 = 1824: X$$

prodebunt pro quarto numero pollices 20 $\frac{4}{89}$, sive $\frac{4}{89}$ in minoribus numeris. Cum igitur Moses Aegyptios cubitos designavit, quilibet etiam Arcæ cubitus tot pollicibus, lineisque Parisinis constabit. Hodiernus enim Aegypti cubitus antiquo par, nihilque ei tot seculis detractum, vel additum, ut ne multus videar, egregio in primis argumento esse poterit Nilometrium, seu Niloscopium, quo Aegypti ad metienda annua Nili increments ab omni fere antiquitate utebantur.

Quibus breviter explicatis, statuere merito possumus, Arcam Noeticam longam fuisse pedes 512 $\frac{11}{1068}$, hoc est $\frac{11}{89}$, latam pedes 85 $\frac{11}{89}$, altam postremo pedes 51 $\frac{11}{89}$, id, quod, aurea rursus regula adhibita, facile cognoscere poteris; totam vero soliditatem 357600. cubitis Hebraicis cubicis constitisse. Itaque vix ullum est in tota Europa Templum, quod tanti ædificii magnitudinem adæquet. Cum in carina, nobis iudicibus, opus saburra non fuerit, capere illa potuit aquæ dulcis dolia plusquam 31174, quantum scilicet animalibus quadruplo pluribus, quam in Arca degerent, anno solido ad potum sufficeret. Octo autem pedes cubicos unicuique domo assignamus. Porro animalium numerus minor est, quam indocti opinentur. Etenim ex quadrupedibus species tantum 130. circiter novimus, ex reptilibus autem 30. Jam magnitudine sex dumtaxat species equo præstant, paucæ illum adæquant, plures ipsis pecudibus, ovibusque concedunt. Quadrupedes igitur, numeratis præterea (ut liberaliter in hac questione cum Deistis agamus) 3650. ovibus, quas in escam carnivoris animantibus destinamus, taneundem spatii occupabant, quantum 120. boves, 3730. oves, & 80. lupi tenerent. Atque his bestiis in tertia navis contiguatione 36. stabula construi commodissime potuerunt, attributa singulis stabulis longitudine pedum 25. $\frac{1}{2}$, latitudine 29. $\frac{1}{2}$, altitudine 13. $\frac{1}{2}$, relicto insuper congruo, opportunoque intervallo, ut non solum aer libere quaque versum currere, & effluere, sed possent etiam homines ultro, citroque commeari, scalarumque præsidio ex superiori Arcæ parte in inferiorem descendere. Equidem sunt Interpretes, qui tot distincta cubacula, seu stabula, quot erant animantium species, in Arcam induxerint. At quoniam complures bestię gregatim vivunt, nec loci communionem, societatemque refugiunt, satis est 36. stabula exædificare.

Pro

56. Arcæ latera non mixtilineis, neque acutis, sed rectis inter se angulis jungebantur, ideoque referebat illa Parallelepipedo rectanguli speciem, tecto dumtaxat non nihil inclinato, & devexo, ne aquis stagnantibus corrumpere-
retur. Adductis autem exemplis demonstrare facile possumus, hanc navigii formam ad navigandum non minus, quam ad gravissima ferenda onera mirifice aptatam esse. Narrat enim Georgius Hornius in Imperatorum historia, Petrum, Hans de Horne anno 1604. duas sibi naves ad Arcæ ejus similitudinem construendas curasse, atque harum alteram, fuisse longam 120. pedes, latam 20., altam 12. Et initio quidem a navicatoribus res risu, ut solet, cachinnis, san-
nis Arcæ instar Noeticæ excepta est; sed exitus postea utilitatem comprobavit. Experientia enim rerum magistra docuit, naves id generis plus tertia parte, quam alias, posse onerari, velisque passis longe celerius pervehi. Unum illud occurrit incommodi, quod naves ejusmodi in pace tantum valerent; quippe machinis, atque instrumentis bellicis gerendis impares, & ineptæ. Illarum vero usus passim apud Batavos toto induciarum tempore invaluit. Eant nunc profani homines, & Deistæ, genus hominum procax, petulan-
tes,

Pro tot bestiarum victu, & cibariis haud ægre locum in secundo Arcæ tabulato cum Buteone, Pelleterioque reperiam. Si enim fingamus, carnivora bestias, sæviente diluvio, carnibus passas fuisse, quod tamen cum alia inficiabitur Augustinus, tum vero in reliquorum animalium, comestuum sæ-
num calculi gratia subrogemus, fuere opus ad victum fœni pondo 5840000, quæ spissa, & conferta 146000. cubicorum pedum spatium postulabant; secunda autem navis contignatio longe erat capacior, quippe quæ pedibus cubicis 512240. plus contineret; liquet ergo propositum. De suprema Arcæ contignatione magnopere non laboramus. Etenim quin illa omnes aves, & volucres cum earum comestatu, totamque Noe familiam cum annona, tritico, supellectile, & instrumenta ad colendos, exercendosque agros comparatis capere, atque compleri potuerit, nemo, ut opinor, tam facile dubitabit. Merito igitur Vilkinus, & Saurinus doctissimi, & peritissimi, ut est apud Calmetium, Geometra, & navigatorum, ac molium maritimarum experitissimi Architecti statuerunt, nunquam fieri posse, ut magis exactum, elaboratumque ad artis regulam ædificium pararetur... tantumque abesse, ut qua in historia sancta narrantur, valida sufficiant Deistis arma oppugnanda auctoritatæ sacrarum Scripturarum, quin potius ex illa involta præbeantur argumenta, quibus adversus omnes nifus staret immota. Supplem. Diss. Arcticæ. Sed de Arcæ magnitudine in opusculo, quod in adversariis habeo, distinctius, & prolixius.

tes, versipelles, divinorum mysteriorum imperitissimi irrisores, eant, inquam, & ore, quod præferunt, ferreo Arcæ Noeticæ historiam, tanquam minus verisimilem, & portenti plenam audacissime accusent.

57. Ego enim me ad Cainan conféro, cui Græcæ editionis ofores immerito LXX. Interpretes locum inter Arphaxad, & Sale concessisse objectabant. Lupum hic secundum vetus Latinorum proverbium utraque aure tenemus. Nam si LXX. sequamur Interpretes, Hebraicis codices, in quibus Cainan ab omni antiquitate defuit, Latinamque editionem falsitatis insimulare videbimur: sin editionem Latinam, ut decet, & Hebraicum fontem sollicitè tueri, ac custodire malimus, non Græcos solum Interpretes, sed Lucam, etiam Evangelistam, qui Cainan inter Majores Christi sine dubio retulit, apertissimi vel mendacii, vel erroris insolenter coarguemus. Quid ergo? Animum ne despondebimus, ac demitemus aurículas? At Græci Scriptores plerique hanc Cainanis generationem agnoscunt, neque, monente peropportune Augustino (a), simile vero est, LXX. Interpretes, seu quicumque sacra Hebræorum volumina græcè interpretati sunt, tam vane, ac frigide generationem illam unam, confinxisse. Ex alia parte cum Usserio, Petavio, Spanhemio, cæterisque compluribus dicere, Cainanis nomen vel Librariorum incuria, vel fraude in Græca irrepsisse exemplaria, est hoc Gordianum nodum secare, non solvere. Nul- lum enim editionis Græcæ exemplar vel nunc extat, vel uspiam a veteribus memoratur, in quo Cainan non compareat. Loquar igitur confidenter: ea Cainanis generatio a LXX. Interpretibus Genesis cap. 11. adjecta est, nec falso tamen. Quin illi sive ex constanti Majorum traditione, sive ex genealogis, fideque dignis Judæorum historiis, sive ex aliis sacris libris, qui postea injuria temporum perierunt, acceperant, Arphaxad procreavisse Cainan, Cainan procreavisse Salem, quod proinde in sua editione non vere solum, sed fortasse etiam prudenter, ac multis moti argumentis posuere. Deus autem occulta nobis ratione Mosis mentem afflaverit, manumque permoverit, ut in ea Patrum serie, generationem illam præteriret, quemadmodum divino quo-

K 2

que

(a) Lib. 16. de Civit. Dei cap. 10.

que consilio plures postea Matthæus in Christi genealogia silentio prætermisit. Quibus theopneustis Scriptoribus eandem fuisse causam, conjectura veri simillima Melchior Canus elegantissime declaravit (a).

58. Illustrius tamen, maximique ponderis argumentum, quo ostendatur, LXX. Interpretes nec falso, nec sine commendatione prudentiæ Cainanis generationem addidisse, ex divina Lucæ auctoritate deditur. Lucas enim, ut diximus, Majoribus, unde Christus duxit originem, aperte, & sine dubio Cainanem apposuit. Qua in re, ne Græcos appellem, confitentes, atque approbatores habeo ex Latinis Patribus Hieronymum, Ambrosium, Augustinum, Bedam, & alios, quorum longum esset proferre testimonia. Ad hæc Cainanem in Lucæ Evangelio antiqua omnia, & emendatæ exemplaria præferunt. Præferunt Græci codices, præfert Latina editio, præfert Arabica, præfert Persica, præfert Æthiopica, præfert Hebraica Romæ adornata anno 1667, codices denique præferunt Complutenses. Illud etiam animadvertere juerit, quod licet leviuscule menda Latinæ editionis auctoritati minime officiant, postquam tamen a Tridentinorum Patrum Senatu *αὐθεντικῇ* declarata est, temere, scatere mendis, erroribusque levioribus dicitur, ut egregie Laurentio Berti observatum, nisi certa, atque perspicua, quæ rem conficiat, demonstratio asseratur. Atque huc spectat decretum gravissimum Patrum amplissimorum Concilii Tridentini Interpretum latum anno 1576. ad diem 16. Kalendarum Februarias. Eo enim edicitur, ne vocem quidem, nec syllabam ab editione nostra delendam esse, cujus quidem decreti nollem, se Scriptores Catholici ignaros ostenderent, auctoritatem multo minus negligerent.

59. Assentiri igitur nequeo Hugoni Grotio, alta voce inclamanti, Cainanis nomen prius aliena manu per Lucæ contextum permeasse, deinde, cum late spargi ea lectio per Lucæ exemplaria cepisset, a Græcis Christianis etiam in versione *Geneseos* secundum LXX. inter Arphaxadum, & Sale interpositum fuisse (b). Mirum vero extitisse neminem de Hebræis Christianis, qui tale aliquid in Hebræis etiam codici-

(a) Lib. 2. de Locis Theol. cap. 18.

(b) In cap. 3. Lucæ.

dicibus faceret. Scio, in celebratissimo codice manu scripto, quem Theodorus Beza Cantabrigiensi Academiæ dono dedit, Cainanis nomen desiderari. Scio, eundem esse antiquissimum, ex Galatia in Galliam absportatum, servatumque in S. Irenæi prope Lugdunum cœnobio, unde postea sublatus est anno 1562., cum bella civilia gererentur. Scio denique, tanto haberi in honore, & pretio ab Heterodoxis nonnullis, ut Hofmannum non puduerit scribere : *desperata, ut arbitror, causæ luculentum præbet indicium (a)*. At quis etsi natura lenissimus non stomachetur, nec tantam hominis arrogantiam moleste ferat? Nam in primis nobilissimus ille codex, teste, atque auctore Millio, *Variis in novum Testamentum lectionibus*, multis vitiis, & erroribus affluit; deinde nulla committit ratio, ut tot aliorum codicum auctoritati, ac fidei præferatur. Deus bone! Universæ, quæ longe, lateque fluxit, Ecclesiæ totis fere 16. sæculis codices corruptos adhibuit, uni tandem Bezae reservabatur gloria, ut in codicem tam exploratæ auctoritatis incidere. Moveor hoc etiam plurimum, ne Cainanem ex Patriarcharum numero evellendum putem, quod non nisi auctoritatis momentis controversia ejusmodi sedari posse videatur. Cum ergo tum Græci sacrorum librorum Interpretes (§. 57.), tum vero B. Lucas (§. 58.) adeo perspicue Cainanis meminerint, adversarii vero negantibus tantum argumentis ducantur, idest editionum quarundam taciturnitate, & silentio, constituere non injuria possumus, eos causâ excidisse. Argumenta enim agentia, si cætera paria sint, longo intervallo præponenda negantibus; aliunde etsi justæ, & legitima causa esse non potest, cur quis mentiatur, at certe, cur verum taceat, aut dissimulet, esse potest. Adhuc ne codicem Cantabrigiensem commemoras? Proferam ego Alexandrinum, de quo paullo post, Nicænorum circiter Patrum memoria exaratum, ubi Gen. cap. 11. Cainan in Patriarcharum Collegium cooptatur his verbis : *καὶ ἔζησεν Ἀβραξὰδ ἑκατὸν τριακόσια πάντε ἐτη, καὶ ἐγέννησε τὸν Καϊνάν*. Nescio enim, quid in mentem venerit auctori Hertzianæ Bibliorum editionis, cum scripsit, Cainanis nomen ab Alexandrino codice

(a) Observ. Exeget. ad Chronol. sacram.

abesse (a). Ego enim in editione, qua utor, quæque ex illo codice expressa est, sine ulla dubitatione reperio.

60. Quæ cum sint, merito sane summus, peritissimisque Theologus Melchior Canus denunciat, *nec sine causa LXX. Interpretes Cainam generationem addidisse, nec sine mysterio eandem Moysen prætermisisse. Utrumque vere, utrumque prudenter factum esse (b)*. Quo magis etiam reprehendendos censeo, qui aperte, ac sine ullo modestiæ, aut pietatis genere affirmant, errasse Græcos Interpretes, eosdemque Lucam in errore secutum, quod sua ætate vulgo Cainan Arphaxadi filius haberetur. Etenim si sciens, prudensque fictam a 70. Interpretibus fabulam cum Evangelio Lucas commiscet, errat profecto, eoque magis, quo dedita, opera sacrosanctam Evangelii majestatem, ac fidem commentitia narratione contaminat. Nam quod auctores habuerit gravissimos, quorum errorem suffragio suo approbaret, id si Scriptorem fortasse culpa, Evangelium certe errore liberare non poterit; nobis autem in primis cavendum est, ne Lucam, atque adeo Christi Evangelium divina auctoritate fraudemus. Equidem Hieronymus disputans adversus Helvidium fatetur, Evangelistas multitudinis opinionem quandoque exprimere, quæ, ut inquit, vera est historiarum lex. Id quidem recte, proprieque dicitur, si ad voces spectes. Non solum enim historici, sed etiam Philosophi, atque omnes omnino sapientes viri, licet aliter, ac vulgus sentiant, cum vulgo sæpe loquuntur, nec loquuntur falso tamen. Sic Moses Lunam luminare magnum vocavit, quod omnium Planetarum maxima judicio sensuum videatur, etsi nec ea magnitudine prædita revera sit, nec luce sua fulgeat, sed collustretur a Sole. Si tamen sapientes viri non solum loquerentur cum vulgo, sed leves etiam, & commentitias opiniones probarent, & falso loquerentur, & voluntarii erroris culpam non possent effugere. Sed hæcenus de Cainane.

61. Restat, ut illis respondeam, qui editionis Græcæ exemplaria Judæorum fraude, ac malitia in Christianæ religionis odium adulterata fuisse conjiciunt. Vetus est hæc que-

(a) In Not. ad 2. cap. Lucæ.

(b) Lib. 2. de Loc. Theol. cap. 18.

querela, & opinio, quæ nonnullorum Patrum animis alte infederat, Iustini præsertim, Tertulliani, & Origenis; sed nescio, an accusatio ulli satis idoneo argumento, testimonioque innitatur. Quibus ego rationibus movear, exponam quam brevissime, ne diutius Lectoris patientia abutar. I. Igitur si Judæi Græca exemplaria corripissent, sædeque vitiaissent, vitiaissent certe, nato Christo O. M., quo tamen tempore fraus ex animi non successisset sententia, nisi forte in codicibus, qui in eorum manibus versabantur. Quin ad hos quoque quod attinet, *incredibile est*, inquit commodum Augustinus, *Judæorum gentem tam longe, lateque diffusam uno consilio conspirare potuisse in hoc conscribendo mendacio, & dum aliis invident auctoritatem, sibi abstulisse veritatem* (a). II. Si per summam fraudem, atque malitiam sacrosancta de Messia oracula invasisent, natura ipsa impellimur, ut credamus, id maxime eos adversus oracula, quæ apertissima, omnium, atque clarissima sunt, molituros fuisse. At plura ejus generis testimonia salva adhuc, & incolumia in Græcis extant codicibus, suæque sponte legentibus incurrunt in oculos. III. Ne dolus ipse se pueriliter proderet, expediebat eadem in Hebræis exemplaribus loca depravare, atque pervertere, quæ in Græcis fallendi consilio malitiose interpolassent; alioquin Judæorum conatus non satis prospere cecidissent. Verum qui poterant duo simul contextus adulterari, & corrumpi, contra magna vi obnitentibus tum aliis, tum Judæorum plerisque, qui acri semper studio etiam, atque etiam providebant, ne sacrorum librorum violaretur integritas, parati crudelissimis potius suppliciis corpus suum objicere, atque ipsam mortem oppetere, quam animati ad unicam divinæ legis particulam immutandam, testibus oppido locupletissimis Josepho (b), & Philone apud Eusebium (c)? Quam in rem narrat etiam Augustinus, si aliqua culpa in terram cecidissent sacri libri, delictum Judæos, veluti crimen gravissimum, publico constituto jejunio, expiasse (d). Sed esto, Judæi a nostra religione abhorrentes in dolum, malitiamque

(a) Lib. 15. de Civit. Dei cap. 13.

(b) Lib. 1. cont. Apion.

(c) Lib. 8. Hist. Eccles. cap. 6. & 8.

(d) Lib. 15. de Civit. Dei cap. 13.

que consenserint. Quid tamen sibi non debuissent metuere a Christianis ex Hebraico genere, in quorum Bibliothecis, vel ædibus arcana illa, atque divina volumina in nativa Hebraica lingua diligentissime servabantur?

62. Jure ergo hoc constituere possumus, Græcos nostræ ætatis codices, sive LXX. Interpretum editionem eandem plane esse, ac quæ apud Judæos ante Christi Jesu tempora percubuerat, quamque ab illis quasi per manus traditam nostri acceperunt, etsi non inficior, mendis pluribus redundare, quæ sive incuria, sive audacia Librariorum, sive etiam longinquitas temporum eo derivarunt. Ab hisce erroribus, qui & antiquiori memoria magno numero irrepserant, Græci ut codices purgarentur, tres olim LXX. Interpretum adornatæ editiones fuerunt, quæ summo in honore, & pretio habebantur. Una, tanquam Auctori, accepta referri debet Origeni, altera Hesychio in Ægypto sacrorum Antistiti, tertia Luciano Antiocheno Sacerdoti, & martyri, quæ tamen nonnullis nova potius interpretatio visa est, quod Lucianus Græca LXX. Interpretum exemplaria ad Hebræi codicis fidem studiose emendata edidisset. Notum est autem, quam splendidum, & illustre tribus hisce editionibus auctoritatis Hieronymus dederit testimonium. *Alexandria, & Ægyptus*, inquit, *in Septuaginta suis Hesychium laudat auctorem. Constantinopolis usque Antiochiam Luciani martyris exemplaria probat: medietate inter has provincias Palæstinos codices legunt, quos ab Origene elaboratos Eusebius, & Pamphilus vulgaverunt; totusque orbis hac inter se trifaria varietate compugnat (a).* Quantum tamen ex manu scriptis, qui supersunt, codicibus intelligere est, non multum editiones hujusmodi inter se differebant, errorum præsertim, ratione non habita, quos constat, a Librariorum partim infscientia, partim oscitantia manavisse.

63. Quemadmodum autem vetustiori ætate triplex LXX. Interpretum curata editio est; ita duobus abhinc circiter sæculis, Typographiæ arte inventa, optimarumque disciplinarum studiis quasi postliminio revocatis, tres aliæ editiones eorundem Interpretum insignitæ nomine prodierunt, Complutenfis, Aldina, Romana. Prodiit Complutenfis anno

(a) Præfat. in Lib. Paralip.

no 1515., Cardinalique Ximenes re , & nomine amplissimo vulgo tribuitur, quod se Theologis ducem, auctoremque, præbuerit ad eam capessendam provinciam, & sumptus liberaliter fecerit. Aldina in lucem exiit Venetiis triennio post ex Aldi Manutii officina, operam Aldo suam Andrea Afulano focero, aliisque eruditis viris navantibus. Ultima Romæ prodiit anno 1587. atque a Sixto V., quo Pontifice absoluta est, Sixtina editio appellatur. Harum editionum quæ cæteris palmam præripiat, quætionem esse arbitror non valde explicatu difficilem. Nam etsi Vossius Sixtinam editionem omnium minimi fecerit, viri tamen plerique doctissimi Morinus, alique de nostris, de Heterodoxis Waltonus, Usserius, Græbius, Hodus, Carpzovius editionibus Complutensi, & Adinæ concordissime anteponunt, eandemque propius, quam cæteras, ad illam principem, atque primariam LXX. Interpretum editionem accedere non immerito existimant. Sixtina enim editio non modo ad perveterem Vaticanum codicem, sed diligentissime etiam ad LXX. Interpretum testimonia exacta est, quæ in veterum Patrum operibus legebantur. Cæterum suis adhuc, leviusculis licet, affluit, & redundat erroribus, quos prolixè, magnæque in primis eruditionis gloria, atque præstantia Natalis Alexander persequitur.

64. Quamvis autem Romana hæc editio tanta elaborata industria sit, ut cum merito suo, tum prudentissimi cujusque judicio superioribus, quas dixi, editionibus præferetur; *palmam tamen*, si Carpzovio fides (a), *Romano exemplari hac nostra ætate dubiam fecit Anglicana editio* alia ab Ernesto Græbio anno 1707. suscepta, & ex antiquissimo, pretiosissimoque Alexandrino codice instituta. Codicem hunc (pergratum enim, opinor, compluribus faciam, si Anglicanam editionem paucis saltem attingam), codicem igitur hunc Alexandria Constantinopolim secum detulerat Cyrillus Lucaris, primum illius, deinde urbis hujus Græcus Patriarcha, Caroloque I. Britannicæ Regi per Thomam Roe, ejus ad Turcarum Imperatorem Legatum, dono misit, adjecta hac, quæ brevem codicis repræsentaret notitiam, scheda. *Liber iste Scripture sacre V. & N. Testamenti, prout ex traditione habemus, est scriptus manu Thecla, nobilis fami-*

(a) Crit. sac. par. 2. cap. 2. §. 2. pag. 537.

mine Egyptæ, ante mille, & trecentos annos circiter, paulo post Concilium Nicenum. Nomen Theclæ in fine libri erat exaratum; sed extincto Christianismo in Egypto a Mahometanis, & libri una Christianorum in similem sunt redacti conditionem. Extinctum ergo & Theclæ nomen, & laceratum, sed memoria, & traditio recens observat.

Cyrillus Patriarcha Constantinopolitanus. Qui exemplar illud veteris, & novi Testamenti codicem nominat, quod divinos utriusque foederis libros una cum Apocryphis veteris, ut ex Librarii indice liquet, complectitur. Opinatur autem Hodius, Alexandrinum codicem ad quoddam Monasterium Theclæ sacrum spectasse, ea vero re Theclæ nomen codici adscriptum fuisse; statuit tamen Græbius, intelligendam hic esse virginem Nicænis posteriorem Comitibus, Gregorioque Nazianzeno familiarem, & intimam, ad quam tres extant illius epistolæ, quibus nostræ virtus, ac pietas summis laudibus celebratur. Certe cum codicem in lucem quarto sæculo prodierit, vel inde luculenter ostenditur, quod in Pauli epistolis nulla capitum facta distinctio, & quasi secretio sit; quam tamen distinctionem pius, doctusque vir jam ab anno 396. Arcadio quartum, & Honorio tertium consulibus, induxerat, teste in primis Euthalio præfatione in easdem epistolas, & Anonymo in historia *de Pauli martyrio* eidem præfationi supposita.

Cum igitur liber exaratus a tot sæculis esset, ipsaque longinquitate temporis pluribus in locis ita confectus, ut magnam legentibus moram afferret, atque molestiam, vix primum pervenit in Angliam, cum statim de eo edendo deliberatum est. Primus laborioso operi manum admovit Patricius Junius, deinde, Fello, Pearsonioque judentibus, Thomas Smithus Oxoniensis Collegii socius, a quibus re non confecta, tandem eam sibi depoposcit, vindicavitque provinciam Joannes Ernestus Græbius, fretusque Reginae Annæ liberalitate edidit primum volumen anno 1707., cui tria alia paulo post accessere. Sic vero editionem omnem instituit, ut contextum Græcum verbo ad verbum ex Alexandrino codice expresserit, quoties vero hiatus occurrit propter litteras vetustate exefas, aut deletas loca vacua velex ingenio, vel ex aliis codicibus, editionibusque expleverit.

65. In his tamen hominis conjecturis, in totaque splendendi codicem ratione, ac viâ multa habet Lambertus Bos, quæ desideret. Atque idem præterea multa ejusdem codicis loca vitiosa, atque mendosa esse deprehendit, ut cum verbi gratia Regum lib. 1. cap. 18. v. 7. legitur ἐξῆλθον pro ἐξήρχον, & alia id genus sexcenta. Fatendum est etiam, Alexandrinum exemplar & in Genesi, & lib. 1. Regum, & in Psalmis suis scaterere lacunis, quæ non parum ejus luminibus obstruunt. Ex Jonica vero scribendi ratione, quæ sæpe se prodit, efficitur, Librarium, non ipsum per se exemplar, unde codicem apparabat suum, legisse, sed tantum alio dictante excepisse, quæ scriberet, adeoque vocibus, aut syllabis non satis distincte pronunciatis, aut perceptis, imperite litteras confudisse. Ad hæc duo Grabius dissimulare non potuit, eundem Librarium non intellexisse sacros, quos describebat, libros, tum vero posterioris ætatis Librarios, hinc inde abrais integris versibus, alia verba posuisse, aut saltem lineis pluribus injuria temporum exesis, novo eas atramento pinxisse; ex quo fieri necessario debuit, ut in his locis de veteri scriptura dubii simus, in illis autem, quæ primum, & cujuscumque fuerit, omnino ignoretur. Itaque etsi Grabius ipse tantam esse putet Alexandrini codicis nobilitatem, atque præstantiam, ut paratam abs se editionem Romanæ longo intervallo prætulere, ex his tamen, aliisque, quæ lubens prætereo, ejus codicis infortuniis, facile optimus, & ingenius quisque perspiciet, nescio quid amplius, quam res ipsa patitur, sibi Grabium arrogasse. Hominis non minuius gloriam, editionemque Britannicam magno, ut decet, habemus in pretio; Romanæ tamen principem, quem hæcenus nostro judicio tenuit, locum deferimus, ac retinemus. Neque vero aut partium studio, aut ulla permotione mentis abripimur. Nam qui nos, ac studia nostra penitus norunt, ii, ut serviamus temporis, ut aliquid Romanorum, auribus demus, vereri non poterunt; cum præsertim vel Brianus Waltonus de Alexandrino codice, atque editione Romana eandem fere, ac nos, visus sit pronunciare sententiam. Itaque non satis enucleate, nec vere scriptum illud a Carpzovio ducimus: *scinduntur in partes Critici: Anglis pro sui codicis præ Romano præstantia certantibus, e quibus*
cum-

cumprimis Grabius:.... post Ufferium in syntagmate cum cura egit, Pontificiis vero stantibus pro Vaticano (a).

66. Nos autem, his rebus copiose disputatis, operi jam absoluto tanquam fastigium imponemus. Quoniam tamen semidoctus ipse semidoctos plurimos videre mihi videor, qui, vix oculis in hanc qualemcumque exercitationem nostram coniectis, præpropere fortasse, ut semper solent, illud dicturi sunt, *etiam nunc de LXX. Interpretibus? Ligna in lucum deferunt*: hos, dum finem scribendi facio, moderate placet, ac leniter aureis in Panegyrico Isocratis verbis refellere. Οὐκ ἔτι Φευκίεον ταῦτ' ἐστὶ, περὶ ὧν ἔτεροι πιστότερον ἐξήκασι, ἀλλ' ἀμεινον ἐκείνων ἡμῶν παρατίεον. *Non hercle ea fugienda sunt, de quibus alii prius tractarunt, sed opera danda est, ut meliuscule, & apte, accommodateque ad verum differamus*; quod tamen an assequutus sim (secutum me certe profiteor, præ meque fero), doctiores, ac bene morati homines incorruptius iudicabunt. Eo etiam magis in hoc studiorum genere mihi elaborandum putavi, quod multi jam libri scripti sunt ab eruditissimis illis quidem viris, sed Heterodoxis tamen, maleque erga Romanam Ecclesiam affectis, ad quorum disciplinam, perniciosasque sententias, ne incautiores tanquam ad saxum adhærescant, e re fuerit, atque e dignitate Reipublicæ viribus omnibus providere.

(a) Loc. cit.

F I N I S .



005659123

Copyrighted by Copyright

